

合刻屠氏家藏二集序

屠氏二集者司寇東湖公太和  
堂集及其子宮諭漸山公蘭暉  
堂集也二公各以所居堂名集  
二集梓行歲久漫漶合刻而新  
之者其裔孫繩德維德也二生





從余游美秀而文茲舉也顯揚  
之意甚盛請余爲序序曰國家  
人文苞孕停蓄於洪永宣成之  
間至  
泰陵而始騰茂至  
永陵而益昌熾蓋其時

天子皆乘衰敝頽敗之後加意  
講求治理修明禮樂而一時之  
人材亦爭自濯磨斧藻以應不  
獨功業爛然而文章更自濬發  
輝煌觀於二集可覩已司寇釋  
褐成化中葉懸車正德初禩而



以功名顯實在

孝廟朝太和堂集詩文渾厚和平足爲弘治太平鼓吹宮論弱冠登朝在

世廟嗣服議禮之際選入中秘才名藉甚與趙平涼唐武進輩

竝驅以新貴人排抑庶常出爲曹郎卒以宮僚之選復還詞林雖有弋者譽望益重蘭暉堂集詩文洋洋纚纚適古刻畫諸體畧備真足輝映嘉靖精明舄奕之氣象使其年與才配名位日



以尊制作日以富立功立言視  
司寇必且超軼而前乃不滿五  
十官止五品惜哉然文采風流  
亦足表見於遺集矣余聞之故  
老宮諭在詞垣鋒鏑逼人當時  
亦有疑他人彈文或出公手以

今按昔以屬草駕禍文苑蓋多  
有之又聞宮諭曾譙趙司空司  
空故碎玉卮試公而神色不動  
趙爲氣奪藉令公當事處危疑  
震撼之時必能如周亞夫軍中  
夜驚堅臥不起以破七國寇萊



公懽呼城樓而潭洲却虜者何  
天不竟其用哉司寇引身於權  
璫用事之初不能一有所加而  
開府薊門獨注意於潮河川後  
庚戌虜果由茲入薄都城至於  
止銀魚之設廠開鑛之見端由

今思之可謂先見二公父子寧  
獨文之足重哉司寇所不盡而  
有宮論宮論所不盡而有諸子  
若孫繼美代興是在後之人矣  
萬曆乙卯季春日

翰林院侍讀學士同郡陳懿典



撰



橋李屠東湖太和堂集序

詩發乎情者也情之適者其聲  
和以平情之激者其聲憤以怨  
情之鬱者其聲慘以幽故詩之  
作多出於不得志之人郊島之  
凄也韋柳之婉也義之恠也全



之險也長吉之菁也天下之奇  
皆在焉蓋其壓溺摧挫鬱伊憤  
激於中而不覺其洩於外若夫  
和平之音則鮮聞焉豈非難哉  
樵李屠公早登甲科敷歷中外  
綽有聲績其爲省郎方事會校

出內羸縮訊鞠論報在大理奏  
讞日不給以中丞巡邊理屯田  
勅馬政揮扼要害以峻夷夏出  
入之防隱然爲北邊長城及爲  
大司寇平反庶獄惟恐天下一  
民之寃他若寶坻之採魚鱸麻峪



之開礦河間之訟田皆執義不  
回而凡敬天恤民脩德勤政之  
實歷歷爲

上言之蓋志存乎立功而事專  
乎報國其於詞章末技若不暇  
以爲而乃日事佔畢更倡迭和

與幽人曲士爭工拙於毫釐然  
皆和平之音也古稱技之至者  
不兩能故唐之劉柳無稱於事  
業姚宋不見於文章公必欲兼  
之志則遠矣公之子兵部郎應  
墳出其集示余余故爲之序



正德十四年中秋節

光祿大夫柱國少傅兼

太子太傅戶部尚書

武英殿大學士致仕王鏊撰

太保屠東湖集序

太子太保刑部尚書屠公謝事  
歸東湖逾八載歿其嗣應墳自  
公奔訃襄事已乃集公遺稿得  
詩文奏疏凡若干卷將壽梓以  
傳屬予紀其末簡予少稔公才



名于吾東海先君洎忝從仕侍  
公同朝目公偉績肅邦憲捍邊  
陲撫畿甸爲

國倚芘而又未之及見也公歸  
東湖予時家食卷帙流布沾被  
拭目猶未知其奧一何該古今

備體裁颯颯郁郁若是之富且  
粹也夫文與政通而不可得兼  
古則然矣公以文學飾政治震  
耀卓絕功著上下而制作之盛  
又如此不其難哉然稽之及物  
潤身若歐陽子之言卽是集不



見於世要未爲公歎而時易事  
變非是何以繫思而垂乂也蓋  
卽詩而得其和平卽文而得其  
俊爽規益卽奏疏而得其憂

國奉公之誠則去公雖遠而其  
平生履歷襟期風度猶宛然也

其又可以泯而弗傳已乎若遂  
究其所至則猶有未盡其用者  
蓋公少厲志操養充于氣勤敏  
問學至老不厭此又文與政之  
根柢殆非斯集所能蓋而亦於  
是乎窺焉公立朝四十載官階



十有一轉而請老甫逾六旬忠  
勤懇至誠欲大有建立率歛以  
就晦其終始功業進退有餘得  
非一代之偉人儀刑後進則斯  
集也夫豈爲吾東南之私成厥  
嗣人之孝彰先美而已耶公六  
子皆賢趾美競秀又足以徵公  
之德不衰哀緝而嗣守之將引  
遺烈于無窮顧不在茲乎弘至  
辱在公愛仰止寔深重以職方  
君之有屬也用述所知而已然  
豈足以知公也哉



正德十四年己卯臘月朔

賜進士徵仕郎戶科都給事中

雲間張弘至撰

屠氏家藏二集

一集太和堂

光祿大夫太子太保刑部尚書贈太保諡康僖公兼湖屠勲著

中憲大夫湖廣按察司兵備副使男應埧

中奉大夫雲南布政使司右叅政男應坤

奉直大夫右春坊右諭德兼翰林院侍讀經筵講官男應峻編次

奉議大夫江西布政使司右叅議前江西道監察御史巡按福建侄男奎

中憲大夫山東按察司兵備副使前河南道監察御史巡按廣西侄男奎校輯

一集蘭暉堂





奉直大夫右春坊右諭德兼翰林院侍讀 經筵講官漸山屠應竣著

誥封奉直大夫南京兵部職方司員外郎男孟玄

中憲大夫直隸廬州府知府前南京湖廣道監察御史男仲律

中憲大夫山東兵備副使前江西廣道監察御史巡按陝西直隸雲南男叔方編次

中憲大夫山東提學副使前吏部文選司事南京吏部考功司郎中孫男 謙

浙江嘉靖甲子鄉薦孫男 蒙

順天萬曆戊子鄉薦孫男大壯校輯

合刻重校孫列後

屠康僖公文集總目

卷之一

五言古詩 三十一首

七言古詩 五十一首

卷之二

五言排律 二首

七言排律 六首

七言絕句 八十首

五言律詩 三十六首



卷之二  
七言律詩 一百四十二首

卷之三

七言律詩 二百一十三首

卷之四

七言律詩 二百一十六首

卷之五

奏疏 十五道

序 十四篇

卷之六

傳 一篇

贊 五篇

記 六篇

行狀 二篇

誌銘 一篇

祭文 七篇

附錄

墓誌銘

神道碑



人物志

總目終

屠康僖公文集卷之一目錄

五言古詩

召伯湖送友人省母

輓葉崇禮母

送僚友

止睡

送陸德毅往海州

輓虞大理母

網魚圖



携琴圖

遊山

題胡大尹澄實食廩卷

壽商閣老七十

送盛時正還無錫

題畫寄楊應寧

送陳時安省親莊敏公甥

酒字

題章監生就養居

祐古

題蒙泉葡萄

送張邦鎮尹蕪湖

送楊叔安兵備建昌

和王守溪長至日謁陵韻

題畫次呂秉之韻

題何世光五山書院

次林孫二秋官詠雪四十韻

經武夷



輓嘉善尹胡潔父溺死

題沈鳴道思雲卷

題胡世明守溪卷

題詹抑之梅磳冊

陳郡守玉疇請觀演武

武林文會

七言古詩

送白主事歸省

送熊良佐鎮江

題陳自勉清白扇

題鎮江虛谷道人卷

著存堂

題曹時中乃兄西菑卷

題程侍講筮墩

題高宗選秋霜栢操卷

送劉天佑雲南僉憲

題李同僚松鶴圖壽乃翁節菴

送張應奎往山西



竹間書屋

樵採

輓陸抑之父母

題徐禮部雙瑞卷

春水軒

題南評張希白丹崖勝跡

壽荷湖漁隱

賦陳時安奉母南歸卷

送錢世恒得向字

答屠天官楊學士諸公主盟見招

送盛公子還無錫

西戎獻馬圖送楊應寧督理陝西馬政

賀徐司空雙生子

送以員范太守赴回原秦都堂幕

和李世賢斫蟹韻

賦盛醫士春雨卷

金臺話舊爲同僚張憲副賦

春景琴圖



夏景碁圖

秋景書圖

冬景畫圖

郭熙山水圖

觀魚圖

次韻賦別

同年宴會

次待御王原善祖筵聯詠

送楊邃菴都憲督馬西秦

題陸都閫光前啓後卷

驄馬行春送李巡鹽

淇澳菴猗卷爲李世賢賦

素菴

行臺春意爲侶吏部賦

壽史天瑞

送周原已還吳次韻

獨山爲侶尚書賦

三忠祠



戲嬰圖爲侶尚書賦

集勝山爲項揮使佩之賦

江樓春霽圖爲都憲史公賦

岩獅隱霧

松鶴圖

曾孫男

豫禎

觀

全枝刊

目錄終



屠康僖公文集卷之一

五言古詩

召伯湖送友人省母

召伯湖何來召伯名何受江淮發清源地軸亘深  
厚會合無停留縈迴絕塵垢泓澄日月翻噴激龍  
龍吼東南此襟喉貢賦時北走大哉利物功直與  
乾坤久我聞晉謝安夙管廣陵守遺愛比甘棠名  
湖存不朽君別已十年念母每回首 朝廷恩例  
明扁舟落吾手大風助寥廓萬巨皆培塿濯纓動



大和堂 卷一  
微歌歷歷歸吾有鷗行若導吾雲飛渡江口安得  
糟其波淋漓化春酒歸奉吾母筵載祝南山壽

### 輓葉崇禮母

貞淑出天性孝友聞鄉閭既長相夫子琴瑟諧未  
如上有高年親朝夕何勤渠教子作朝貴 褒顯  
來 恩書望望雲千里未由問起居一朝迎養來  
賀客紛華裾晨饌供孟筭春遊坐潘輿平反多訓  
言青雲播芳譽如何竟長逝丹旄還南徐予時忝  
駐節拜弔空躊躇竊歎孟母賢慶澤諒有餘奕奕

于公門會見來高車

### 送僚友

今日忽不樂驅車送同官同官何所之迢遞青徐  
間悠悠南郭門西風作晨寒一尊聊爲傾雙旌苦  
難攀簡書豈不畏時命信所關 聖明堯舜上覆  
載 恩同寬誰云委身易所貴合道難孤忠諒在  
斯嚴譴良亦安青徐東海隅川路浩漫漫丈夫志  
萬里離合何足歎况茲英傑遊高風出塵寰握手  
發長吟擗心多厚顏殷勤重致語努力更加餐



止睡

平生苦好睡痛止不能止  
新正兩月來強半睡魔  
裏雞鳴當候朝大叫嗔妻子  
張目復偃卧得見周公  
喜才疎樂閒散不求聲聞起  
公事日紛紜剖決  
昧其理居官而怠官豈不負人  
已三十已無聞歲  
月今逝矣聖經未探奧東海茫  
無涘却笑魯宰予  
朽木警千祀

送陸德毅往海州

故人朝扣門長路別在卽  
自言海州去此地號繁  
劇古人贈有言君子重交益  
予聞始低徊情厚敢  
終默憶昔少小時與君偕  
硯席迴山或轉海意氣  
無吝借同登乙酉薦君  
作文章伯栖遲更十年南  
北長爲客時來乙未春  
金門共通籍握手慰宿契  
如何又乖隔由來出處間  
離合固難測丈夫志樹  
勲地位非所擇省已苟無  
咎進退還自適聖人鼓  
雍熙大小各有職王事誠  
靡盬誰能免行役古來  
稱利器要自盤根識君今  
領州印五品非凡秩千  
里富封疆蒼生待膏澤一  
夫或失所吾負州牧責



治民如治水可順不可逆苟能制強暴豈在務刑  
獄君才茲治土談笑有餘力坐看王化行遠近登  
壽域召伯有甘棠聊以贈行色

輓虞大理母

落日不返照逝水無迴波人生復能幾倏如驚電  
過彼美閨中範貞淑世所多知書兼組紉上下相  
安和修短理莫測少壯成沈痾夫君失賢助愁鬢  
日已晡所幸一子賢才名揚棘坡難沒固猶生  
榮光滿山阿天地恩罔極傷心空蓼莪浮雲暮南  
征歸恨將如何

網魚圖

千頃碧琉璃舟移噴寒玉嵐影濕不流衆木撐地  
軸樓臺聳雲岑倒影浸溪谷施罟何濺濺水底驚  
鱗族得魚不換錢前村貰醪醕醉來卧斜陽乾坤  
伴幽獨

携琴圖

樹色蔭清波山光映晴昊舊綠與新紅四時花不  
老花濃山鳥啼葉落村童掃長橋渡芳津恠石出



大和堂 卷一 四  
行潦閉門坐已堅課稼起常早探奇玩義易醉卧  
餘腹稿籤橫架上書香紉窓前草希賢抗塵寰高  
蹤寄吾道頗慕首陽夷不學商山皓迴無車馬喧  
靜覺吾廬好有美同心人方瞳玄髮縞山水費招  
尋風月共幽討子期不爲鑄淵明亦枯稿乾坤吾  
兩人意氣仍傾倒

### 遊山

雲林列翠葆風漪縹輕縠溪迴抱岸斜路折疑地  
縮行旅過道周往者翻如復回身陟崇顛奇奧俱  
在目前山更幽絕登登未能矚何當畢婚嫁卜居  
此生足

### 題胡大尹澄實食廩卷

寧都信名邑遠水環崇岡高原旱乾懼卑隰霖潦  
妨堯湯數不免黍稌不兩臧雖勤舉趾力饑餒固  
其常胡侯令茲來惻惻心孔傷巨室有餘積貧窶  
無糶糠安得穫如坻鼓腹歌時康首畫勸借計嘉  
穀盈我倉我庾復維億孰云歲凶荒取陳食我民  
菜色回春陽四境夜不閉百里先蒸嘗降福自我



侯願言壽無疆

壽商閣老七十

芝山秀而峨嚴瀨清且駛嶽瀆降精靈甫申寔誕  
始甲科冠古今公望動遐邇玉署籍冰銜 金書  
闕丹匭代言 綸綍親作棟廊廟倚台鼎意未厭  
尊鱸興何美精忠誓日明直節肯風靡 當宁猶  
軫思崇階復超起鑿坡秉國鈞鰲禁出天咫獻納  
于謀謨幹旋資化理留侯謝成功疏傳戒知止抗  
疏投簪異殊 恩賁桑梓 天心眷去留人道合

張弛明月載舟航白雲宿窓几真堪息塵緣那復  
論年紀初度仲春交古稀今歲是芳筵薦雕盤上  
客填珠履野服偉丰儀仙杯醉醇醴何須問丹丘  
奚必逢石髓園柳垂青絲庭花織文綺朱絃調桐  
琴寶篆蕪蘭錡松桂鬱交軒瑤瑜粲分祀逍遙世  
何求者艾天所俾杜甫曲江邊樂天香山裏睢陽  
詎足云洛社差可擬令子儼孤標亨衢躡高軌槐  
堂慶已符衮職衆方頽陟岵興遠懷繪圖供燕喜  
前賢我難知盛事孰無此載詠南山篇椿齡益繁



社

送盛時正還無錫

人生穹壤間出處貴有道或作傅岩霖或慕商山  
皓駟馬未爲華鹿門未爲藐盛君隱者流高居在  
江渺所懷骨肉親遠睇憂心擣安得同衾疇晤言  
展襟抱隆暑方鑱金駟車向京兆京兆多名公伯  
氏蜚聲早昔別顏皆朱今來髮俱縞匪徒問寒暄  
亦復話桑棗塤籟迭和鳴花萼動晴昊連株喜三  
荆分林感四鳥天倫固所重恩誼君更好昨來扣

我門我屣爲君倒冠裳偉丰度允矣風塵表駕言  
欲東旋誰繫白駒皎錫山竦丹厓錫水漾文藻漁  
樵共徜徉景物互縈繞商飈轉臯蘭涼露浥林篠  
祖餞增光輝華觴醉清縹心爲浮雲馳目送孤鴻  
矯眷言勲業崇伯氏身未老君歸幸無事擊地歌  
熙皞進退兩尊榮家聲世應少達人恒大觀豈爲  
別離悄我聞潁川韓兄弟同壽考又聞濟北范七  
世箕裘紹去去須勉旃傳芳以爲寶

題畫寄楊應寧



大雅堂 卷一  
嶺雲濕不飛，曠作楚江雪。林木凍已僵，汀葦吹欲折。  
折荒村烟火稀，堊寺鐘聲歇。端居思美人，千里成  
濶別。天寒鴻鴈杳，地遠音塵絕。囊琴誰共彈，悵望  
心鬱結。贈此瓊瑤圖，聊以表高潔。

送陳時安省親莊敏公甥

遙遙太丘後，望闕世難偶。赫赫莊敏公，忠節重山  
斗。宅相太丘孫，芬芳滿人口。憲部歷賢勞，母在今  
安否。朝廷孝例新，此意君不負。白雲睇閩山，清  
夢隔鍾阜。日夕侍板輿，綵衣介春酒。永忘北堂憂，  
載獻南山壽。古來君親恩，覆載同高厚。願言繼家  
聲，青史借不朽。始知忠孝門，信哉此甥舅。

酒字

皇明重賢科，成化秋乙酉。省闈九十一人，號曰同年。  
友後先青雲衢，出處異官守。忽忽三十年，烏兔迅  
飛走。榮枯理不齊，少壯成皓首。落落晨星稀，無復  
記誰某。金公忠孝流，宰邑化江右。王愈信州來，績  
最滿人口。京華一相見，道舊興歎久。眷言留行邁，  
良覲信非偶。司空今史丹，設祖意何厚。肴簞雜南



珍暑月開北牖賓主互觥籌欲別時被肘天官吾  
同宗伊周踐台斗雅量滄海如城府復何有楊君  
不世才魁榜文章藪席左橋門儒磊落隳堯叟走  
也鄙劣姿名忝數公後贈言托今日持報乏瓊玖  
白雨送新涼扁舟付公手陽關有三疊耐汝都亭  
柳願言保歲寒勲業同不朽交親如飲醇心醉豈  
徒酒

題章監生就養居

白雲何孤飛親舍遠而邇所以狄并州悵望空延  
竚移居南閣旁游子如萬里二公一日養古今良  
有以夜來寃夢間依然拜堂祀孝哉就養心希之  
聖賢是

祐古

大道如日星昭回亘千古圖書開其端精一傳其  
緒盤銘重齊聖謨烈歌文武聖遠道亦微晦冥有  
風雨斯文不凋喪宣尼起東魯天敘與人文敷布  
粲寰宇墻高賜莫窺道卓顏亦苦寥寥千載下不  
絕始如縷濂洛諸老翁汲汲開龔瞽紫陽集大成



洞啓我門戶如圓必至規如方不加矩微言雖在  
茲奧義誰採取猗與林君子雅志非凡伍遺世在  
雲山性不愛簪組幽棲息塵鞅芳潤漱肝腑圖書  
置兩旁琴瑟日爲侶銘文考父鼎小篆岐陽鼓插  
架懸牙籤森列如祕府誓將擴見聞庶與道爲伍  
至禮得周官希聲晤韶舞非食思古人儆戒存簋  
簠緼袍重前哲不耻隨童甫一物一理存鑽研如  
莽鹵乾乾力不息兀兀窮寒暑爲山九仞功一簣  
方覆土直欲窺聖賢豈徒資訓誥沉潛復採掇英  
華始含咀大哉千古心於道非小補

題蒙泉葡萄

愛此大宛珍豈彼凡卉偶蔓延入炎荒零落等蓬  
莠舉俗少知心畫者無妙手蒙泉謫戍來一顧咨  
嗟久淒涼骨肉寒直比金蘭友揮灑聊適情工俗  
安足取柔條亂虹鬚佳實映瓊玖宛似漢宮移不  
共秋霜朽芳甘壓酪奴勁節奪髯叟我今重披拂  
真蹟未塵垢悠悠隔冥漠三歎獨搔首

送張邦鎮尹蕪湖



張君孝友士初作山陽長予時忝駐節議論見高  
爽鳴琴不下堂令聞日喧朗交深重道誼豈必在  
同榜離合苦不常山川動遐想君方釋服來數月  
重抵掌開口論時事慷慨愜心賞如何持牛刀又  
向蕪湖往 聖人憂黎元 簡擢恩浩蕩願勿輕  
民生平易去法網又勿傷民財征求盡銖兩由來  
百畝田乃是十口養衣食既有餘禮義與閭壤古  
有循良者鑿鑿簡編上努力思齊驅一慰平生仰  
區區別離情言之發深快

送楊叔安兵備建昌

遙遙關西宗偉矣人中傑昨領監司符今持建昌  
節白簡勝秋霜清襟照冰雪挽轡歷東西甘棠滿  
江浙建昌本遐陬閩外資勇決行行過靈寶畫錦  
慈顏悅王事與私情忠孝兩無缺古稱韓范兵百  
萬胸羅結三分割據圖八陣尚昭晰恩誠日兼行  
五馬何足減坐看銅柱標畫圖紀勳烈

和王守溪長至日謁 陵韻

僕夫戒晨征有客歌白雪 陵祀詔分曹歲月何



倏忽 橋山鬱崔巍峯巒畫屏列乃知 鼎湖幽  
信與塵世別一陽灰始飛霜露履斯戚 列聖覆  
載恩感念肝摧裂翩翩冠蓋交車馬爭填軋龍蟠  
與虎踞佳氣騰不歇肅離駿奔走精神敢萎薊駢  
犧黍稷馨華燈耿無滅陟降具有儀匪徒棗屨設  
奏格三獻成歸期達明發春秋億萬祀短述酬妙  
札

題畫次呂秉之韻

誰人繪生綃呂侯寫佳句東臯方荷鋤老者髮垂

素想像朝川圖彷彿舊行路茫茫水國交千流日  
東赴野濶片雲低天高一鴈度偉矣山林姿不作  
棟梁具手持千尺絲竿頭還進步嚴瀨愛子陵南  
州慕徐孺羣山薄東海大江臨北顧解煩醉而醒  
夢幻覺而寤富貴心無求膏肓疾非痼陰陽不停  
機歲月肯長駐紅芳易消歇松栢自遲暮汗漫隨  
所之有酒卽大嘍

題何世光五山書院

五山鬱岩堯過者跡如埽居然闕千載巨眼得何



九和堂 卷一  
老擇勝卜其陽誅茅滌行潦儲書餘萬卷牙籤恣  
窮討天文與地理冥搜極義具景物變明昏卑高  
異濕燥鳶鴻薄雲天魚鳧悅水藻巉巖園丹青蔭  
翁羅白皂參差筆架峰掩映書帶草直與萬化游  
光霽天日杲詎知環堵間曠邃儼蓬島昔聞四書  
院白鹿名更好盤礴山水鍾秘藏天地寶眷眷懷  
賢心五山未枯槁山名得並傳公創恨不早講授  
鼓瑟餘悠然見吾道書香續遺緒永言子孫保宅  
中匪人謀効竒豈天造我賀茲山遭因之激懷抱

次林孫二秋官詠雪四十韻

洪鈞轉三陽瑞葉看六出秀茁芝蘭香榮歸梅柳  
質積深後居先飄密遠猶疾力借李軍聲饑堪蘇  
腹實清供學士茶光映孫康帙平野望中賒孤村  
坐來失漫汗混二儀酣飲資六逸景溢灞橋驢威  
凌渭川膝初疑聚星堂恍似山陰室耀日辭披雲  
愁心恐埋日高樓銀作階凍硯花生筆有美並秋  
曹清襟少疇匹才當吏部韓畫壓輞川詰授簡竟  
徘徊低頭仍惕慄報酬乏瓊瑤勝負持蚌鷸扃戶



大和堂 卷一  
卧方羸擁衣寒更栗西成諒有占東作待平秩天  
意眇難知人情大可必寸誠詎云微幽意誰能悉  
郢曲和者稀謳吟聊備一

### 經武夷

武夷水三三武夷山六六堪輿大無垠全閩氣清  
淑恠竒入杳冥突兀走平陸大王屹相望天柱撐  
地軸仙掌玉峰連幔亭高矗矗龍蛇勢盤旋風雷  
力追逐拱揖儼尊卑低昂相倚伏川流清且深懸  
崖注飛瀑鑑空無遁逃泓折有餘蓄丹碧萬狀殊

洪纖意俱足地靈必鍾人固不專草木聞有道者  
流羽翰白日速秦魏事亦荒虹橋竟誰復漢壇唐  
屋封征伐世彌蹙豈無高尚徒避亂曾卜築其人  
骨已朽圖牒難具錄幸有紫陽翁講授山水奧秦  
山仰其尊洙泗沂其曲大道闢榛蕪日月昭簡牘  
斯文立極功萬古運亭毒我舟武夷過 上命不  
敢宿拜誦武夷篇後生敢言續頗愛山水幽庶慰  
平生欲仰止千年心跡躡訪遺躅

輓嘉善尹胡潔父溺死



荼毒復荼毒此恨終何極見者盡心傷聞者增太  
息塊北大無垠求之理彌惑禍福豈無門吉凶乃  
同域務光投深淵屈子何偏側彼各伸志爲君胡  
亦遭厄問天高不聞叩地深莫測游魂將何之安  
得有羽翼魂乎無東方扶桑日孔棘魂乎無南方  
蛇虺往來亟魂乎無西方流沙蕩無食魂乎無北  
方連龍漚疑疑魂鬼何所依歸來乎故國故國安  
以舒所欲無不得高堂叩鍾簾禴祀嚴有式萃酌  
薦曼漿肴羞馨黍稷組纓班其紛蘭芝競奇持超

無悠往來不待聲與色穹碑史有銘 卹典垂千  
億

題沈鳴道思雲卷

陟岵復陟岵一雲復一雲雲行與雲止見雲如見  
親吾親去不返所念窮朝昏譬彼羨墻見所見惟  
夢魂大哉恩罔極見念徒云云掄揚不盡思幸有  
雙湖文 卷首有戴  
雙湖序 讀罷蓼莪詩爲爾重酸辛

題胡世明守溪卷

人生各有適貴汝山林姿磻溪與嚴瀨所守固異



宜蕩蕩雙溪水合流清且漪波光曉霽鮮萬頃堆  
玻璃有時涵太虛月色上下輝四時景不同佳處  
浩無涯風波亦無惡柳岸漁舟維陋彼若耶小剡  
溪徒爾爲竒草不改色鷗羣日相隨閒來看漁躍  
逝者正如斯吾心幸託此達者信無疑

題詹抑之梅礪冊

清晨卧方起有客時圖來興言梅礪趣欲賦須公  
才披圖一再過三歎空徘徊不見礪之礪如聞梅  
外梅花魁本玉蓋考槃在何所萬物本吾身此意

憑誰語

陳郡守玉疇請觀演武

新秋一雨過颯然天宇清我公會僚友兩事真能  
弁初筵閱武藝細柳羅前營營中布行隊金鼓揚  
旗旌一中妙穿楊衆技紛崢嶸呼吸在掌握賞罰  
緣人情再筵登巨艦戈戟鯨鯢明綴者後或先來  
者縱復橫篙師習野戰擺弄波濤輕轟雷動地震  
犇馬如天行回旋擁征蓋熠燿飛流星正竒面水  
勢貫絡如長城材歸貔虎氣巧奪孫吳兵浮雲避



飛鳥落日西山青公能練壯士遠邇同休聲晚宴  
得蓮寺張弛俱忘形此酒不易傾餘孽不足平吾  
徒且談笑散甲歸農耕

### 武林文會

武林有文會會者四五友同年二百五晨星已八  
九懸車謝世執予亦踵後塵邂逅得文宗王公踐  
台斗及第匪溫飽正色滿人口陸公今敬輿所學  
良不負京兆偉堂堂貴戚皆斂手韓公退之喬水  
玉是操守司寇三尺平漢庭無山右齒少沈存中

博覽堪大受江海不爲深泰華不爲厚予竊窺數  
公經綸寔俱有遊予偃蹇姿倚玉成老醜茲遊一  
何竒茲會良不偶憶昔登第時甲科歲俱丑曉步  
湧金門清波蕩林藪六橋新舊堤漁舸繫川柳清  
淨佛國山金碧絕纖垢行行拜岳祠延竚嗟歎久  
周覽歷重岡豈徒爲杯酒日朝四百八巨細難縷  
剖世代莽相尋無復記誰某靈隱飛來峰嶺陸勢  
如走巍巍三竺高天峻俯堆阜逶迤躡孤山逢人  
問逋耆梅樹已不花鶴放今在否凌危瀕洞開萬



木森蟠蛟臨溪瀑布懸濯濯舒且瀏巉卓入空虛  
陰鬱恣騰蹂四時景不伴明昏異狀候登登復徐  
徐欲別更回首怪哉靈臺君大爲外物誘萬物各  
有主非庶亦何取倏閃堯率天輪迴明戶牖絲聯  
偃仰勞萬象皆培塿纍纍渾異珠若若疑結綬或  
退遜揖容或屹立勇赴或冠若世尊或班若羣垢  
或呀如虬藏或怒若雷吼或斷又或連如剝又如  
妬或墨若柴樵或瑩若瓊玖一氣大無垠浩蕩不  
可畝晚憇巨佛殿閣梨時一叩僧伽具茶筭話獨  
不用肘是時春已深柔條爭吐紐繁華事則非興  
廢竟誰咎細推物理微曰惟山水壽山北更山南  
自卯將及酉勝槩班終南蕪詞愧韓叟山經太史  
續金石諒不朽



七言古詩

送白王事歸省

君家父子不可當七十九十皆 恩光白髮丘園  
同笑傲青雲孫子更翱翔渥洼自古多駉驥丹穴  
從來有鳳凰吏事曾簪御府筆官 封復作尚書  
郎香山洛社風流外鷺綵聽威錦繡行三世 璽  
書人莫及百年出處道何妨韋賢詩禮傳經遠謝  
氏芝蘭奕葉芳真見八荒開壽域須知一德召禎  
祥椿齡鶴算長如此束帛安車未可量我欲登龍



觀盛事極將慈孝爲揄揚

送熊良佐鎮江

春風碧草東亭莫五馬輝光忽盈路斜日芳尊駐  
旆旌青霄丹陛辭鴛鷺掄材正倚山濤明定價  
真增伯樂顧茲地從來民物淳專城豈獨金湯固  
益州舊夢符三刀蜀郡新聲歌五袴法筆陽春天  
可知循良汗簡誰同步蛟龍不久雲雨池廊廟終  
須棟梁具旅鴈飛飛已北翔隙駒冉冉隨東注丈  
夫勲業在及時召伯甘棠有佳樹

題陳自勉清白扇

天地之間有清白清白之名何所起清如湛湛澄  
江波萬頃無風深見底白如皎皎長空月一塵不  
飛光萬里俯仰乾坤不可當首陽只數夷齊子夷  
齊已死不復回千古高風亦徒耳君今此扇何所  
名括竹爲鱗空素紙不須絛綺不丹青自有涼飈  
可相倚卷舒在物無容心譬之可仕亦可止須君  
長日置書几莫向嚴寒葉如屣

題鎮江虛谷道人卷



丹徒有觀名玄妙空山樓閣何崢嶸觀前有谷不  
盈掬四時一色涵虛清有時霖雨恒不止波濤平  
地迷經行惟有此谷常不改世人莫得窺虛盈道  
人悟茲理取之以爲名不虛寧不盈持此以長生

著存堂

父兮稱天母稱地一樣深恩本無二人於萬物號  
至靈生死悠悠真可愧君家父母早淪亡欲問音  
容竟何處百年冉冉秋復春安得長繩挽羲御過  
庭詩禮憶當年一段愁心向誰語萃堂高揭著存  
思目覩心驚不能去不聞古禮有明訓致愛則存  
慤則著此身況是親之遺庶幾夙夜全終譽

題曹時中乃兄西菑卷

先生結屋三泖東良田沃壤生計濃布衣不愛卿  
相印白駒却走深巖中方春東作急布穀肯鋤戴  
笠携兒童不耕而獲吾所耻譬彼食祿而無功手  
足胼胝固無惜但願時和歲屢豐離離禾黍秋可  
期築塲納稼村村同田夫牧豎相揖讓懽呼擊壤  
歌重瞳所私旣得遂素心敢忘公先將所入還租



庸有餘可以周隣窮陶陶此樂誰復得此身天地  
無樊籠有時野飲極快意願添野水杯不空有時  
扁舟弄明月白鷗波蕩春溶溶蒼生久待卧不起  
爲霖空憶人中龍何當一日脫塵鞅來尋三泖重  
挹林下之清風

題程侍講篁墩

此地人云產竒竹篁墩之黃何所名聞是黃巢亂  
兵入居民冒此逃其生黃巢不義良匪人篁黃稱  
謂胡混真居民此計亦可恠辱名孰若亡吾身憶

昔元譚號賢守受命年來印如斗得代爲民所請  
留 賜第篁墩業何厚十三世有忠壯心布衣起  
兵禦強戎一郡生靈賴全活廟食此地收元功祖  
功宗德期無斁後亂何堪汚聲蹟賜第祠堂無處  
尋從此篁墩少顏色千年有孫官近侍古牒今圖  
識同異大書篁墩揭衆迷循良忠臣有生氣吁嗟  
今篁墩之黃今復篁昔何不遇今何遇人生遭遇  
亦何常莫向篁墩問其故

題高宗選秋霜栢榭卷



懸崖峭壁三千尺下有婆娑倒生栢此栢不可尋  
常看枝撐如覺乾坤窄北風臘月墮指寒滿地飛  
霜夜生白惟應此栢最後凋搖落羣芳見顏色龍  
髯軒軒或偃蹇銅榦稜稜本孤直何人移置栢臺  
端表公此心同鐵石君不見萊公巴東手種植民  
比甘棠頌其德願公愛護勿剪傷留向齊民播休  
績

送劉天佑雲南僉憲

故人紛署清聲赫已是京華十年客外臺援權向  
滇南萬里嚴程走江驛江花爛熳如有情江草萋  
萋望中碧新栽五色菜子衣未到高堂夢先適由  
來離合本難期況我與君交莫逆明朝揮手各分  
袂我心戀戀君心亦

題李同僚松鶴圖壽乃翁節菴

有樹參天千歲足柱石廟堂非所欲有鳥冲天異  
鴻鵠霜毛不受網羅辱若翁吟向兩物間洒落襟  
懷出塵俗年登七袞古來稀皓首龐眉頗似玉桂  
花香老十月霜初度初臨酒初綠滿堂賓客樂未



已南極輝輝映華燭猶憐令子隔天衢萬里飛雲  
極遙矚繪圖比物意無限邀我賦詩情甚篤家同  
浙水只東西此意豈待相迫促語云仁者必有壽  
福祿川增日初旭何時買棹得歸來登龍願獻南  
飛曲定知有術致長生欲問金丹肯言不

送張應奎往山西

都門旭日多冠蓋祖帳臨岐送行邁十年霄漢恣  
蜚騫一道冰霜久延待相逢更有前期在莫向風  
光惜無賴 皇仁浩蕩萬方同天涯豈在春明外

竹間書屋

故人昔住鍾離曲瞻彼猗猗儼淇澳平生好古極  
遙矚手閱牙籤三萬軸故人今來官 輦轂幾向  
秋風歎茅屋思之可使食無肉三十年來夢應熟  
石田老人清且淑放筆濃纖姿態足萬竿烟雨動  
盈幅彷彿吾廬在吾目老可邈今坡不祿此墨干  
金未能贖吾詩較畫愧凡俗何啻硤硤當美玉謝  
公丘壑心孔夙范老君民憂並蓄故人此意有所  
屬富貴浮雲安足錄願寶書香綿嗣續百世清風



仰前躅

樵採

漠漠溪雲濕不飛  
西山景暮烟光紫  
巖深曲曲徑路斜  
別有雲林隔塵市  
萬木蒼蒼入杳冥  
桃源天台此真是  
入山長老已多年  
花落花開知甲子  
昨夜狂風動地來  
慄冽嚴威寒墮指  
呼童整擔入山樵  
丁寧莫斷桐與梓  
桐梓雖材識者難  
會稽太守今誰是  
操吾斤兮利吾斧  
富貴榮華等如土  
觀碁浪說爛柯人  
洗耳巢由亦徒爾  
回頭一顧山色白

藍關萬里雪盈尺  
負薪穿谷漫歸來  
却憶明年豐稔澤

輓陸抑之父母

隱君白首東湖上  
釣月耕雲得閒放  
孟光心事同梁鴻  
荆布清風足相伉  
教成令子青霄翔  
詩禮家聲藹時望  
君遷黌舍師母儀  
歲舉賓筵識鄉文  
桑榆暮景不可留  
三釜高堂負榮養  
栢臺夜夜啼乳烏  
淚滴滄浪湧青漲

題徐禮部雙瑞卷



瑞雪山深在何許學士當年築廬處  
笈笈苦塊日悲號不識祁寒與隆暑  
誠能動物理則然孝可格天非妄語  
珍禽駢集山溪間兩兩相將自成侶  
花膺雪羽光陸離水宿雲棲意容與  
普林雙鶻未云奇蕭放二鳥安足數  
處置堂階靜不驚既解呼羣還識序  
徘徊反顧如有情欲向冰霜共酸苦  
由來物理備人倫百鳥區區敢爲伍  
天露休論百露壤地瑞誰誇紫芝  
膺賞玩不同思道心孝廉已續徐  
郎譜也知忠孝本無二移孝爲忠固其所  
昨朝服

闕典邦儀海內蒼生望伊呂一時盛事傳廟堂  
藝苑儒林快先覩東吳詩畫誰最精沈下二家今逼  
古歌詞繪事兩奇絕流播清芬滿寰宇嗟哉雙瑞  
瑞如何和氣致祥非小補

春水軒

鷓夷昔日泛五湖清芬一派留吾儒  
龍門牛渚任所適仙遊何必寰瀛圖  
好事誰人耻受屢碧波盡鷓爭娟娟  
中流恍如坐層漢烟雲縹緲見鷺眠  
左圖右史不偏載偃檣弭楫安如禪  
激灑澄虛欲何



際吐吞日月洪濤前君不見昨宵雷雨今朝虹倏  
忽萬象皆軒中錦袍乘月擊楫者慷慨千古何英  
雄春水軒南北無垠今曷限西東但見鴻復春今  
春復鴻乾坤日夜流如許轉柁回溪趨晚風

題南評張希白丹崖勝跡

樂山翁構樂山亭亭前列岫如畫屏峻嶒上與赤  
霄近下有懸崖如屋形雲霞萬古不改色風雨四  
時無晦冥更聞坤載得神力倏忽威令驅雷霆昔  
人奔走祀廡下大庇境內無精靈今遺跡尚在

否安得萬丈梯空青

壽荷湖漁隱

南極老人身不老西池王母顏長好青鸞舊路蘭  
橋通栖隱何須更蓬島芳筵五月涼生衣鶴算相  
將到古稀荷芬湖上席地飲漁隱磯頭與釣歸人  
言此樂樂未竭北堂壽滿清商發莫問風光又幾  
何但見階蓂開子月壽酒年年歌弋鳧鯉庭却憶  
萊衣趨都將北闕瞻雲意寫向南山作壽圖

賦陳時安奉母南歸卷



安人秀出閩南族穎慧天成清且淑好求早適太  
丘翁箕帚親將辭綺縠太丘擢桂官無爲坐擁青  
氈歌棧樸誰知中道不諧老舉案無由看首宿共  
姜晚節誓自明孟母三遷教兒讀鳳雛元自產丹  
山騏驥從來出天育季方宰邑陟秋曹冰蘖清聲  
滿南服高堂孝養日光輝賀客高門常接轂江頭  
魚笄多及時羅列庖珍分鼎餼 聖恩推本重褒  
揚婦道母儀登 誥軸故鄉迢遞隔年違白首桑  
榆夢應熟元方買棹南歸來花底墳窆幾經宿翩  
翩彩服奉慈歸清旭宜人正西陸雙鴻却背錦帆  
飛歸心自與江流逐明月波濤似掌平歸制頽齡  
有佳菊秋曹一日念幾迴萬里孤雲駐遊目我歌  
未足慰遐思東海南山苦爲祝古云海水變桑田  
真見手籌添十屋

送錢世恒得向字

繡衣驄馬辭天仗東出都門開祖帳祖帳清風賓  
從多舉酒飲君君勿讓策名舊自南宮來栢府官  
高偉時望錢易詩才李白儔柳公書法元和樣手



持丹詔下滄洲滄洲白雨生新漲南瞻吳雲咫尺間還上高堂問無恙王事馳驅信有期使星一道消灾瘴倉儲料理寄匪輕自古安邊須足餉還聞當道有豺狼桂嶺珠厓待廉訪與君交厚衆莫倫握手臨岐復惆悵歲晚交盟良未寒肝膽平生欲誰言從知勲業發軔初早遣封章達天上

答屠天官楊學士諸公主盟見招

重瞳穆穆臨丹扆寤寐求賢隆化理一時文運

盛東南奎壁光搖浙江水詞林賈馬走踰踰政府

夢龍肩比比銓曹位望絕羣僚秘府絲綸無百揆玄武聯官奠民物烏臺獨立持風紀輔世成賢得正人青宮金櫃推良史周官元化賴均調商室股肱深毗倚顧惟庸鈍等鴛鴦欲繼驂騑走千里方當請益思奮齊何事見收蒙不鄙長安晴雪退朝初忽報蒼頭送雲綺招尋已極文字歡會晤更誇鄉曲美翠釜清芬出紫駝瓊葵激灑開春蟄古道相規重金玉高情欲報慚桃李斯文勝事誰王盟多謝關西楊伯起



送盛公子還無錫

名家望重江之左公子乘春浮一舸嚴翁勲業重  
秋卿綵服承顏此行果清風歌管沸華筵玉樹芝  
蘭紛婀娜秋來又動鄉園思南望錫峰高岷峨錫  
峰峰下草堂幽未信白雲閒似我 明時吏隱我  
得兼便曰巢由誰不可桂樹岩前香幾叢芙蓉江  
上秋千朶行行復贈招隱篇莫遣相思隔 青瑣

西戎獻馬圖送楊應寧督理陝西馬政

烏駝曉度黃河來蹴踏萬里風沙開四蹄垂鐵不  
可鑿拳毛繞腹非凡材戎人牽過蕭關下毳衣毳  
帽胡爲者不辭馳獻到關西聞道楊公來王馬甘  
涼極望水草新監苑重開列圉人此疋真爲渥注  
種隱起龍文猶滿身馬復令行如 詔旨蕃息應  
看錦雲比唐家莫說惟毛仲秦世徒聞有非子內  
地養馬連長槽斟水莖草民何勞楊公一來壯兵  
氣萬騎逐北天上高羯胡夜撤穹廬遁馬政旣成  
公入 觀還將此疋獻天閑不是按圖空索駿

賀徐司空雙生子



徐卿一產生二雛先者是兄後者弟鬱葱佳氣曉  
克閭孤矢歡聲滿東第人間鸞鴛信殊常天上麒  
麟爭瑞世五色英英汗血奇渥水丹山起迢遞雙  
珠出蚌掌中新玉樹芝蘭在庭砌揄揚比興付詩  
家不數荀龍并竇桂君不見荀八龍竇五桂咸曰  
同門匪同歲爭如孿子器神全采采連枝美棠棣  
誰言孔釋親抱送我道甫申天所惠乃知積善福  
駢臻衮衮公侯衍遐裔知卿強健方有餘吉夢熊  
羆定能繼再看湯餅會高筵另續璋詩起凡例

送以員范太守赴固原秦都堂幕

黃金臺高高百尺臺下高歌送行客腰懸寶劍何  
所適一笑臨風感今昔起家進士歲屢易粉署回  
翔二千石直道從來柳三黜人生遂意安可得躍  
馬西秦我馳驛慨念腥羶肆克斥出師奏銳尚興  
役我有安邊二三策兵家攻守異損益宵旰求言  
恒側席盈虛分合頗昭晰四目分明四門闢君行  
歷試頭半白報國常懷寸心赤總制三邊舊臺柏  
吐握周公聲望藉運籌決勝計必獲肝膽相孚無



限隔六韜三畧見區畫置戰何須問方格指日狼  
烟掃無迹功成執俘兼折馘轅門貔虎累千百始  
信儒生真巨擘雲臺麟閣圖偉蹟萬古千秋垂竹  
帛

和李世賢所蟹韻

吳中二老張高筵品題風味誰流傳天津肥美信  
無匹玉堂往復金花箋江淮湖海號多種時俗好  
惡長占年長安市者比金玉一品十千寧計錢羅  
珍具啗須置此含黃砵白人爭憐延陵老仙不嗜  
酒誰遣青衣化烏有海虞雪樵醉如神目闕尖臍  
不停手我聞大嚼爲解嘲郭索麪生皆我友海饌  
江醪魯直篇二美何須印如斗一醒一醉各有適  
布鼓雷門慚擊缶

賦盛醫士春雨卷

故人手持春雨卷索我試作春雨歌當春發生乃  
天意膏澤下土爲滂沱古來幹運有良相大旱霖  
雨商郊多誰知良醫儼良相力奪造化非殊科地  
平天成賴神禹平秩東作存羲和神農岐伯典醫



政晉有醫緩漢華佗古人命名豈無謂此意茫昧  
難包羅睽離京國踰廿載走書鼓柁來逶迤入門  
相顧兩相笑舊時黑髮今皆皤玉雪爲神鶴爲骨  
青藜七尺冠峨峨極知浮雲世事只如昨危言高  
論如懸河起予不覺寐而寤清風兩腋祛沉痾藥  
囊叅朮富行李刀圭入手無停搓上醫醫國此其  
是師醫師意非操戈養生視疾有定論授以寡慾  
言無他滄留信宿忽言邁繫維無計將如何停雲  
一日增我慨拊卷欲作還摩挲春今雨兮春復雨

載將春雨何時過

金臺話舊爲同僚張憲副賦

黃金臺高去天咫燕昭置金思致士郭隗何心乃  
抗言直欲致賢從隗始千年同調者誰人話舊論  
心張柱史濟南自古多英豪一時磊落稱四子四  
子才豪世不凡心醉典墳非口耳風雲際會誠有  
時萬里鵬搏一朝起人生聚散本難期謾說并州  
如故里繪圖肖像寫平生三十年來如夢裏張君  
宿望總臺端三子歸來覺今是老眼披圖尚宛然



鍾鼎山林盡堪記交情誰復似陳雷詩禮過庭今  
已矣感今念昔增予懷匪獨友篇兼孝理重之三  
嘆復三歎爲作短歌聊爾爾

### 春景琴圖

園林昨夜春風起浩蕩韶華簇花蓋落落長松屈  
鐵交泯泯江流清且駛中有兩翁襟抱同富貴浮  
雲猶敝屣最愛孤桐斷嶧陽志在高山與流水高  
山峩峩歸獨尊流水洋洋渺無涘七絃古意久寂  
寥千載知音者誰子王徽閑淡入神清白雪陽春  
聲應指安得黃金鑄子期坐回雅調皆傾耳

### 夏景碁圖

首夏炎蒸日南陸萬柳陰濃奪人目芝草琅玕滿  
地生黃鳥嚶嚶轉幽谷若人可是神仙流相對圍  
碁俱野服枰邊樵子一何愚柯爛不知人代速神  
機黑白任縱橫數着聲高撼林木服日餐霞不計  
年蓬海壺天路應熟方圓動靜理則微莫問雄飛  
與雌伏驅除日月天地寬却哂秦人空逐鹿

### 秋景書圖



櫻葉青青覆草亭天風颯爽秋冥冥山陰道人忽  
相訪濡毫細寫黃庭經右軍初學衛夫人虎卧龍  
飛勢不停鍾繇梁鵠晚相遇恍惚雲鶴遊天庭吁  
嗟蒼頡既茫昧後來作者誰精靈披圖一字千金  
價不覺灑落心孔醒顏筋柳骨未暇論家鷄野鷺  
難爲評歷代寶之信有以江右風流尚典刑

冬景畫圖

祝融用事當隆冬萬竿不改瀟湘容伊誰愛畫號  
龍事妙處神傳阿堵中王維山水筆飛動古今名

畫誰能同畫中有詩詩有畫盤礴丘壑生心胸  
幹馬畢宏松巧奪造化天無功遠又淡近又濃湖  
光山色相溟濛從知品畫有優劣神思不移斯下  
風層波疊巘祗尺素眼力能令萬里空

郭熙山水圖

五日一石十日水郭公揮灑神莫比平遠丹青忽  
若無咫尺直須同萬里漠漠遙空六出飛入鏡行  
天識者稀玲瓏照耀臨初日浩蕩乾坤物像移青  
鞋布襪者誰子俯身騎馬顛崖裏偃蹇虬龍霜雪



姿玄圃蓬壺此形似由來巖穴多異人卧龍釣渭  
非隱淪一朝感奮風雲會四方萬國皆陽春吁嗟  
此畫真難得意匠經營妙難測豈但王維與鄭虔  
契丹祁岳俱無色非材授簡失所宜拂拭光寒何  
太奇化工筆意兩難貌爲祥聊獻豐年詩

觀魚圖

白雲飛處山岩堯眼中萬物皆鴻毛共工頭觸天  
柱折堆螺擁翠何時歇蓬壺弱水路渺茫中有琪  
樹參天長是誰觀水有奇趣浮天載地心相忘石  
闌摩空斜點筆榜海何人解驅石鳶飛魚躍祗自  
如回首扶桑天咫尺

次韻賦別

弘治八載仲冬月有 詔相度潮河川維時議者  
重防守誓將固險空腥羶周宣薄伐豈得已漢武  
侈志徒開邊司空識高諳地利司馬望重操兵權  
帝心簡在兩付託 龍章煥爛回星躔兼程百里  
不踰日肅肅將命罔敷宣是日霜風凍川澤潮河  
湍決聲潺湲迅者瀑布噴崖出細者石溜來濺濺



四無尺土盡沙磧歷試三窟皆通泉欲學蘆溝作  
川障縱有神鑿難爲堅大哉 綸綍甚周晰增兵  
戍守功求全王公才大 廟廊具孤標玉樹臨風  
前指揮力議何磊落置之韓范知誰先家聲王旦  
蓋六合舊物子敬餘青氈承家節操信不忝遼陝  
功業人爭傳徐公公卿復前輩童顏鶴髮人中仙  
軒然談笑見肝肺文章吏事無無偏職方健筆有  
遺草作藩閩魯淳風還治水東吳樹嘉蹟昔爲巨  
浸今良田嗟予無能步高躅幸曰同事相周旋顧  
慚頑鈍藉鞭策使我神爽心冷然有時臨流坐月  
下有時陟險凌山巔黃花直至居庸口 皇圖玉  
氣真千年觀風圖畫獻 天子知公有疏能回天  
區區醜虜未足計所念赤子多顛連願言足兵更  
足食大沛鴻澤征徃蠲普天率土息戰鬪飽食黔  
黎同晏眠予也驅馳亦無補 虞廷濟濟皆英賢  
恨無膏雨濟枯槁惟有憂 國心長懸白頭老母  
倚閭望不久當賦歸來篇

同年宴會



已丑同年二百五曲江 賜宴春衫膺英豪意氣  
人中龍誓竭丹心奉 明王仕途出處各不齊南  
北東西紛路岐浮雲流水杳難定萍蓬踪跡亦參  
差高公考績南都至官少司空齒居四棘寺蜚聲  
歷省臺玉雪精神 廟廊器熊公最長近古稀虬  
髯鐵面魁梧姿古心直道佐司馬甲兵百萬胸中  
奇王公戶侍齒居二解刃從容見能事向來水部  
東藩功方寸恢恢有餘地顧公右侍齒列三文章  
吏事無不堪老成臺望號恬靜興來風月時恢談

張公榜首江西裔子姓洗洗真郤桂黑頭宗伯嗟  
長予望汝爲舟巨川濟眇予小子叨後塵兄翁諸  
公僅六人才駑齒少髮反白丹青粉繪何其真丹  
青信是能傳久相看睦若金蘭友兩京勝會此日  
難世契他年期不負回思昔少今皆皤皤者老矣  
將如何已丑同登今癸亥三十五年如夢過後視  
今今今視昔不朽垂名惟竹帛願言忠孝保前修  
莫向榮枯論聲跡

次侍御王原善祖筵聯詠



祖筵餞君今幾年此卷翰墨猶鮮妍詩壇森嚴萬人敵墨池濃淡龍蛇涎玉堂粉署皆珠履金尊巨觥浮春螿分曹醪飲凡幾筵退食朝回去天咫贈言溫其玉珍重 廊廟方需棟梁用百里絃歌未足多攬轡埋輪天下頌南巡楚越山嶽搖肅清鹽海無塵囂向來深期信無負臺端屹立瞻孤標適君此詩慚我後撫卷爲君增歎久荒丘枕塊潮聲寒漫爾續貂能不朽

送楊遠菴都憲督馬西秦

楊公奉使 天邊來沙場牧圉從茲開奚官太僕久凋喪 廟堂咨議須公材近年邊馬多驚下耗散大半虛名者曾聞駮裏與龍媒有今失圉猶無馬三千一六種色新文公僖公代有人開元以來爲最盛誰云馬癖多前身楊公材大被 恩旨寵遇更非毛仲比軒疑信是出羣姿秉公善政非餘子牝牡驪黃列野槽務農重穀人無勞流沙西極千里至猛氣勇奪金城高氏羗思順胡塵遁春見來朝夏來觀舉手加額呼 天王珍貢九夷來八



駿

題陸都閫光前啓後卷

將軍起家列戟久令祖勲名滿人口功高被讒衆  
所知白璧青蠅可能垢弓裘步武發賢孫甲兵萬  
卷胸俱有昨來持節鎮金山往事劇談逢野叟轅  
門貔虎號令嚴復道亞夫屯細柳由來人事本天  
公氣數相尋信非偶回觀流輩徒蠢然安得盛名  
垂不朽如今受鉞浙西東金印他年大如斗二吳  
才士極揄揚偉矣光前還啓後

驄馬行春送李巡鹽

昔年桓典乘驄騎行出千人萬人避京師豪右皆  
凜然千載寥寥竟誰繼駟牡皇皇柱史才千里霜  
蹄見能事掣電迴鞭散五花逸態雄姿動如意行  
行且止非尋常天廐驂騮此無二攬轡徐驅兩浙  
東惠愛及人隨所駐始知此馬骨格殊一心報主  
兼多智歷塊才高衆所知歛然聲價羣空冀古來  
相馬有方臯肯使麒麟北闕地

洪澳棊筒卷爲李世賢賦



瞻彼淇澳棗竹猗有斐君子如切磋瞻彼淇澳棗  
竹青有斐君子如弁星瞻彼淇澳棗竹簣有斐君  
子如圭璧三章興也胡所美武公德成良有以是  
誰筆此淇澳圖大關風教吾所喜初看解籜叢生  
時涓涓已負瓊冰姿少焉條暢挺巖麓濯濯生意  
含華滋再看蒼翠歷霜雪堅不磷兮剛不折清風  
掃俗莫敢囂意氣凌雲過孤節終看密比團繁陰  
千畝未足論高深瘦餘彷彿首陽餓鏘然或作簫  
韶音石城老人好事者愛此風神其瀟灑平生讀

書破萬餘力裁綺麗親風雅玉堂館閣隨所宜冰  
壺玉鑑珊瑚枝垂紳正笏具瞻偉白公退食何委  
蛇晚登南宮地逾峻德器精純更溫潤從容張弛  
文武兼恢恢餘地掃游刃武公之下誰其師維其  
有之斯似之衛人託興非溢美我歌此歌無愧詞

素菴

若有人兮山之阻結幽菴兮號曰素好朴野兮不  
色繪而尚堊審容腴兮惟吾力之所措山遙遙兮  
望超然之白雲水泠泠兮俯儵然之白鷺八荒一



闔今涅緇塵而不汙清冰萬壑今注玉壺於寒露  
瓊臺崔巍今雖信美而弗慕虛室偃仰今老冉冉  
其將暮以生以聚今畢尚平之嫁娶惟簞惟瓢今  
耻平泉之石樹齊彭殤於一瞬今喟宇宙之形寓  
吁嗟世俗溷濁今美惡相妬文詞綺麗今大道攸  
蠹紛總總其難合今棄周鼎而寶康瓠吾博覽於  
四方今反吾車於正路從質以就中今豈捷路而  
窘步先忠信而後繪事今固大賢之覺悟吾私淑  
千載今庶不改乎厥度噫範博厚以爲宮今仰高  
明以爲廬四方上下備物致用今廬吾宅之安如  
守先儒之格言今斯吾有之故居

行臺春意爲侶吏部賦

江南人家多種竹誰遣清風滿湘幅此君一日不  
可無寧使居常食無肉是誰畫者中丞公烟雨蛟  
龍互追逐渭川千畝羅心胸南山萬竿撐我目持  
贈同官意頗濃價重荆金與藍玉行臺對此趣復  
嘉驅盡囂氛絕纖俗霜飛白簡山嶽搖隨處陽春  
滿葑屋一時枯槁氣盡蘇萬彙熙熙生意足功成



大和堂 卷一  
旋珮鳳池頭坐鎮東曹秉鈞軸

壽史天瑞

有美人傑今甫申山川秀毓姚江濱蚤擢賢科立  
要津堂堂正氣諤諤臣周來花甲今六旬朱顏鶴  
髮神仙人文章妙絕詩入神丹青寫竹能寫真都  
臺昔日能圻廵令行六郡民風淳 帝心簡在思  
臣隣司空召入 恩寵新五月正值懸弧辰高堂  
燕喜皆儒紳冰盤玉甕羅羞珍賀詞珠玉無凡塵  
我忝同年意氣親願公期耄同莊椿夔龍接武信  
有因坐看百福仍駢臻

送周原已還吳次韻

春陰漠漠春夢醒緬懷遠道春愁生江湖滿地不  
可越 廟堂北望空馳情美人況我平生舊萬卷  
經書腹中有金臺一別到金陵分手未幾仍握手  
三年鄉國心屢違依然綠竹青山扉高堂甘旨未  
云薄晝遊豈必斑斕永江南三月春未老爛熳春  
遊應絕倒聞今館閣待才人早期徵入 明光草

獨山爲侶尚書賦



鄆城四面皆平陸北有孤山屹然矗峻嶒直欲摩  
蒼穹巉絕光疑撐地軸主人劉恢夙愛山卜築幽  
居傍山麓別來寤寐如見之坐閱流光何迅速山  
耶人耶吾兩忘聊以山色寫心曲 廟堂謝政賦  
歸來依然青山吾意足世間萬事總浮雲吾與北  
山成二獨東籬采菊興悠然千古何人繼遐躅

### 三忠祠

昔年曾讀三公傳今日復謁三公祠三公去世已  
遼邈異代同祠作者誰維昔先王漢室曹南陽卧

龍王者師殷勤三顧契魚水感激受命相驅馳才  
能憂出管蕭右十倍曹丕天下奇言吞吳魏復漢  
業天不祚漢空齋咨高宗靖康當世叔挺生大將  
岳武穆垂手燕雲慷慨言勢薄金兵如破竹復讐  
雪耻功垂成奸檜主和心思慮極詔班師失事機  
忍棄中原構誣獄陵夷德后重可悲文相崎嶇再  
造時聞關嶺海徒興復大事已去何能爲祥興主  
辱公被執夷齊耻食周家粟廬陵絕粒思首丘拘  
送燕京身不屈從容就死南向地君臣義盡仁斯



至大風揚沙晝晦冥聖賢所學期無愧三公出處  
各不同以身殉國皆由衷俛仰天時與人事壯心  
激烈憂忡忡星芒墮營固其數季葉如綫難爲功  
切齒姦邪肆欺視大失民望荼精忠君不見周公  
好誼江湖踪鼎新廟宇都城東肖像千年儼生氣  
高山仰止餘清風我來瞻拜索我歌我歌才薄其  
柰何三公偉蹟炳青史萬古綱常耿不磨

獻嬰圖爲侶尚書賦

周南王化關雎始齋斯麟趾多公子繩繩螿螿復

振振福履綏之良以此綠白華又何所作以物比  
物固有託尊尊卑卑失所宜思古嘯歌心匪薄流  
傳季世至天寶哲王家法真如掃禱山宮中賜洗  
兒錦繡無端爲襁褓國諸姨爭售巧綵輿喧笑  
忘昏曉連昌花萼樂最多不道漁陽變先兆吳興  
畫者亦何意依稀摹寫前朝事自稱筆法妙天機  
誰識天機在兒戲由來此意識者少欲學斑衣空  
夢悄唯餘赤子一寸心持報君親情未了

集勝山爲項揮使佩之賦



項侯集勝山何作盡棟輦飛照城郭橋李門高面  
勢尊聚景朝陽何磊落細石可渠泉可沼斜豎葱  
青及幽眇君不見太湖聚石白公記尤物纍纍分  
甲次平泉醒酒不足論淵明醉石同風致又不見  
古稱喬木人所愛召伯甘棠尚如在晉公手植三  
槐庭果見三公來繼代君侯作者良有意壽考娛  
賓見徽志太平偃武聿修文祭遵俎豆歸能事語  
云仁知樂山水不在山林在城市紫翁仙逝有遺  
蹤孝子瞻雲在桑梓登堂把酒詩且舞滿目穠纖  
難縷數枉史高文細品題予言均無何足取

江樓春霽圖爲史都憲賦

東風吹斷春江雨物色融融滿江濤京口曾聞鐵  
甕城北固樓高渺何許三吳襟帶百越關形勝從  
來堪用武登樓眺覽景最多源自崑崙衆山祖分  
明錦繡作山川況是鶯花好風土長江天塹滾滾  
來澎湃潮頭射強弩霏微烟霧逗空青萬草千花  
映林塢潮生潮落自晨昏兔走烏飛互吞吐星馳  
霧掃倏忽殊萬斛之舟行若羽江到中流却有山



屹立金焦爲砥柱山經地志頗浩茫爛熳闔張紛  
莫縷巍巍端重儼冠峩落落翩翩疑袖舞雲藏變  
化似盤龍夙嘯威稜如鬪虎壯哉造化營腴工信  
是神明所培祐江流不斷山巋存惟有江山自古  
今符堅投鞭何太荒祖逖擊楫空誇詡六朝三國  
安在哉寸地尺天歸 聖主茲棲突兀翬斯飛結  
綺臨春何足數我昔南遊一再登長風送我朝  
天府憑高凝睇恣冥搜物色川原良賸賸不須世  
外訪神仙浪說瀛洲與玄圃披圖恍惚似曾經歷

歷江山在庭戶但恐洪鈞氣未 有陰崖待和  
煦只今 廊廟需棟梁維岳降神古與甫坐看民  
物登春臺散作歡聲滿寰宇

岩獅隱霧

藜杖行行日將暮山色昏沉起烟霧四郊不見往  
來人奔走熊羆匿狐兔山頭隱約後猊形銅頭鐵  
色馬山靈向 前拭目無所見惟石獅踞高崖青

松鶴圖

仙翁興味何瀟灑許身自比巢由石迥然塵表鶴



為羣樂矣山中松作社腰纏不羨之揚州租錄具  
尺連丹丘相看千載未云老上下天壤俱同遊

屠康僖公文集卷之一終

國家圖書館, NATIONAL CENTRAL LIBRARY, TAIWAN, R.O.C.



屠康僖公文集卷之二目錄

五言排律

送沈觀瀾任泉州守

輓謝維時繡衣父母

七言排律

凱還圖爲參將周廷玉賦

送董六史兄謙叔任嘉魚訓導

送鄭公輕黃門寧親

瑞蓮次周司徒韻三首





七言絕句

題畫

戲書洪宣之扇

小畫

和金尚義九日憶山東諸弟

和王昌齡送李浦之韻

和韓渥秋夜懷兄韻

酬沈元節十二絕

詔相度湖河十絕

秋江罷釣圖

畫鷹

題劉尚文芝蘭呈瑞卷四首

桃花圖

歸山十詠次句容戴以德御史韻

携琴圖

題松倚李亞卿德馨

枯木竹石

題莊儀浦雲山圖



憶友

寫竹圖送表倫王尚書南京禮部二首  
次包汝調韻

橋梓聯芳

送湯牛村訪弟南還

帽塢籠烟

畫竹

題梅

蘇堤春曉

柳浪聞鶯

六橋烟柳

道

花港觀魚

南屏晚鐘

麴院荷風

兩峰插雲

平湖秋月

雷峰夕照

孤山雪霽



蓼花灘鷺圖爲馬方伯題

題馬方伯福壽圖

題曹魏武觀碑圖

題蔣文藻扇

題李石城梅

題計廷策延陵懿範卷

題諸半菴漁父便面

題李克成山水圖

題翠岩贈僧宗蕃

竹石圖

題倪月湖釣魚便面

題顧復卿一鷺功名扇面次呂元栢韻

五言律詩

郊祀齋宿和林待用韻二首

寄沈文進僉憲

感秋次李西涯韻二首

送馮佩之二首

贈李工部時器陪陵祀



輓李彥明父

奉天殿侍宴 慶成

送高長卿考績

觀畫

蔓菴爲陸廉伯賦

夜坐述懷

贈醫官張瑩

題向行人忠孝堂

輓劉存仁同年行人

輓戈繡衣父

岐鳳朝陽

鄱湖送馮提學

輓孫文冕僉憲

輓江陰夏希明

寺庭芍藥漫成

輓陳明邁節推次呂秉之韻二首

具慶堂

輓李守貞



連珠池上酌別

半村小隱爲湯公著賦

題澤上人雨菴

題海上人雪菴

吳僉憲觀海值雪二首

題秀上人雪江卷

題顧煉師愛雲卷

題莊立之別號鉏雲

七言律詩

題劉景元編修嘉會堂

題商閣老怡老堂

送張尚綱寺丞弟尚文

送清江船廠曹振千戶

題心遠卷

金臺餞別

送林朝信憲副廣西

壽商閣老

送盛少司寇弟時正還無錫



壽王世賞編修三首

題鄧編摩煖秋臺瑞瓜

送沈進士林知晉州

送湯侍御弟輅還句容

送憲副張廷芳次韻

送林恒蕭展墓

送林黃門使暹羅

送傅中舍告病南歸

壽姚夫人七十

碁墅爲邵文敬賦

送徐公傳告病南歸

送柳中舍歸省

題萬司空朴菴卷

送邵文敬思南

送王成憲司訓歸崑山

題陳宗器郎中友竹卷

用韻送陳宗器

松鶴圖

七言古誤入



賀王世賞生第三子

思補爲畢王知縣賦

寺遊和韻二首

自詠

壽董侍讀

賀郭子美遷居

遊西郭園池二首

賀仲維馨生孫三首

壽李世賢父母

送李文明岳州

和陸職方清風倡和卷

疊韻詠馬

雲隈竹塢

雪嶼梅岩

院落晨暉

幽庭夕照

乾岡草亭

東臯勝井



園卉騰春

遠山霽雪

和韻二首

送李貞伯駕部

題冀文華弟池塘春草圖

和李西涯遷居

限韻遊西山諸寺三首

遊焦山

和楊應寧韻

登壯觀亭次楊應寧韻

過淮陰憶葉崇禮

寫懷

奉屠朝宗都憲

答何司寇

和曹時中憲副見訪

觀演武

拘幽三首

送陳郎中道任南兵二首



和夏正夫憲副韻

和掃雪煎茶卷

送毛以德赴南監

蟠桃

壽馮原孝乃兄原誠六十

送侶少卿巡郊畿二首

輓明仲羅君父母二首

和董侍讀送司馬通伯韻三首

讀鄒氏奏議

和馬天祿秋懷二首

金山夜臺爲徐用和賦

玉屏朝綵

賀李西涯次韻

送呂秉之南歸

清節遺芳輓楊中舍父

向陽書舍爲費司業賦

帶溪環綠

峻嶺行龍



大和堂  
卷二目錄  
岩獅隱霞 七言古詩八

送李德馨同年

和王世賞殿講陞官韻

送劉時雍

輓莊侍郎

和柳拱之楊應寧聯句韻六首

壽江文湍編修母

送林緝熙掌教平湖二首

有懷二首

題望雲思親圖

和陳玉汝玉延亭韻二首

午日玉延亭宴集限韻

夜飲陳玉汝黃門宅限韻

送天寧敬堂住持

題章黃門鑑畫菊卷

輓翁司徒

送郭都憲左遷射洪

送過太璞憲副江西



送友人歸山

賀鏡川楊學士誕

送黃良璧亞叅赴湖廣

挽邊都憲父仕遠公

送馮佩之提學二首

題胡氏賢行傳

塵尾壽周原已父

送屠朝宗都憲總督五嶺

大休待馬左遷姚州倅二首

送卜從大

怡蓮

送張憲副廷芳二首

送石宗海提學江南二首

懷張廷芳

玄孫男

官孫

懋和

校刊

目終



屠康僖公文集卷之二

五言排律

送沈觀澗任泉州守

西省稱多士如君更老成  
異才應聞世清望足蜚  
英鎮靜心無跡孤高日  
有名詩精唐格調法重漢  
權衡論事由肝肺忘形向  
友生謬知從事拙微分  
辱心傾簡擢恩殊渥承宣  
任匪輕丈夫官刺史  
循酷繫時評迢遞關南郡  
蕭條薊北程青冥快孤  
翮旭日照雙旌忍作三秋  
別還看五馬榮過家從



道便候吏喜郊迎借寇聞歌異徵黃看陟明此邦  
真樂土吾屬亦之氓莫忘臨岐語須知別後情

輓謝維時繡衣父母

潭水通橋渭溪花帶草堂跡高人罕竝閨秀閣相  
當謝眺家聲遠熊襄族譜長好述歌窈窕懿行各  
芬芳著易多奇字傳家有義方西川名不忝北郭  
計何良諧老終難託天却可傷歲辰嗟鄭老晚  
節重共姜白日空餘照寒衣不更香丸熊資誦讀  
采澗潔蒸嘗入座明珠爛昂霄彩鳳翔乘時真奮

發 封誥極褒揚珠翟情何限魚軒樂未央生榮  
存孝理死贈亦輝光梅實虛千載萱花未百霜倚  
門今寂寞陟屺益淒涼天地恩高厚江湖路渺茫  
青山同舊穴垂淚表龍岡



七言排律

凱旋圖爲參將周廷玉賦

碧山環疊控居庸迤北峯巒入杳濛地接燕臺仍  
上谷天開禹蹟帝崆峒平看鷄嶺秋寥廓高挹龍  
門氣鬱葱統幕星辰窺夜象穹廬冰雪迓春融王  
風遠被輿圖外夷族都歸宰御中經濟明堂森紱  
冕指揮方鎮儼熊羆萬家安堵桑麻徧九譯來庭  
玉帛克覆載于今同煦育犬羊何事獨頑僭塞峯  
夜報持驍騎廟鉞晨頒簡 帝衷周室千城當重



寄漢臣籌策有全功鷹揚朔漠軍容壯鳥避轅門  
殺氣雄坐上虎符專節制手中龍劔倚穹窿古來  
衛霍名猶在今日孫吳業許同喬出東安誇奕葉  
心懸 北極見孤忠嚴霜逗冷穿犀甲斜月流輝  
射角弓刁斗聲催胡膽落旌旗影拂虜塵空奇謀  
制敵推行儉勇力先鋒重呂蒙勢滅腥膻真破竹  
威加草木盡生風螳螂已折飛轅臂狡兔難逃窟  
穴踪長戟持俘來部下遊兵分節巨湖東陣連榆  
嶺烟雲黑血濺天山野燒紅柱史攙滄妖盡掃可

汗突厥種皆窮伏波未厭驅馳老克國何慚 寵  
遇隆歌凱三軍歸馬逸奏功千里捷音通人爲鎖  
鑰 皇圖固閣畫麒麟世閎崇燕領侯封占異相  
錦袍宮製賚元戎 絲綸雨露褒揚盡帶礪山河  
錫號豐俯仰此身增感激五雲東望祝堯松

送董太史兄謙叔任嘉魚訓導

我從太史識荆初每爲寒暄問起居夜榻典高嘗  
刻燭曉衙情到幾回車容遊薊北經年遠宦拜潮  
南萬里餘誰道衡陽無過鴈須知丙穴有嘉魚講



九利堂  
卷二十一  
壇紅杏時分席，豐舍青燈細勘書。翼翼廟庭陳俎，  
豆詵詵。翁子肅冠裾，坐移槐影寒生帳。采罷芹香，  
綠映渠蟬噪。蛙鳴供雅樂，蜂屯蟻雜爲爬梳。材成  
梁棟，官非冷，囊富文章業未疎。桃李春風，栽欲遍，  
先生此樂樂何如。

送鄭公輕黃門寧親

皇明正德統元日，徧告羣臣祀典優。南鎮威靈食  
中土，會稽山水控諸州。禹功永賴宜存廟，宋祚中  
遷况有丘。香幣明禋文肇漢，牲醪裸獻禮從周。君

當奉使，先生祖人望。登仙恨不騶，日映綵衣持節  
往。風回畫鷁及春遊，胸中史記藏吳越。天上星槎  
近斗牛，紫禁暫辭情渺渺。孤雲凝睇思悠悠，交  
隣傾蓋皆青眼。親憶承顏共白頭，歲晚莊椿能不  
老。堂深萱草解忘憂，烏紗珠翟相輝映。棣萼荆花  
謾勸酬，擬借南山歌雅什。願傾北海釀新筍，壽觥  
拜舞須延佇。王事驅馳敢滯留，共說蟠桃重結  
實。還看海屋更添籌，忠臣孝子行無盡。遲爾遙歸  
侍，冕旒。



瑞蓮次周司徒韻三首

盆盎芳根種有期  
翻翻翠蓋影淪漪  
紅雲水上無蹤覓  
玉井峯頭費我思  
可是天機難自料  
由來物候果誰司  
心藏七竅泥何浣  
葉疊千錢氣未遲  
綽約有情霞耀彩  
娉婷欲語露含滋  
任渠雅麗應難比  
爲國禎祥不用疑  
試看兩心生並蒂  
更誇一本屈連枝  
宮粧濃淡非緣雨  
野色清涼豈藉颺  
迥出塵埃真異種  
不隨桃李是真姿  
恍如湘浦雙妃瑩  
又是雲間二陸奇  
淨植合崇周子說  
碧筍曾吸鄭

公庖玉堂仙侶遊  
應慣秋暑作官趣  
未知麥秀兩岐堪  
竝紀禾生合穎可  
同詞地曹利澤源  
源布元化栽培在  
在施獨愧非才難  
屬和強將俚句答  
明時

再疊

司徒家慶兆花期  
濯濯孤鮮映綠漪  
遶砌清香君子葉  
涉江來掇古人思  
休徵可卜公侯繼  
和氣寧非造物司  
共道靈根枝發早  
唯應僊果子生遲  
遮攔不怕風塵垢  
潤澤長承雨露滋  
着眼有時思在



遠凭欄幾度自仍疑漸看戢戢排羅蓋頗覺亭亭  
露玉枝先後透泥呈麗質輕盈出水拂涼颺雙華  
並秀非凡蓋兩萼駢芳信異姿籬菊有香難共美  
水仙雖好未同奇琉璃影轉翻瑤珮錦繡屏開醉  
酒卮秦始合跼人共識天泉同榦世誰知雪霜太  
華韓公句菡萏西湖白也詞貞潔真同冰玉操孤  
芳不借粉脂施欲追瓜瓞綿綿詠把玩秋房敢後  
時

三疊

百年嗜好此襟期夏日高軒面水漪我憶三吳曾  
入夢公憐淨友謾勞思且從兩地觀花實定兆三  
公是鼎司灑灑盆池生意在娟娟羽蓋化機遲分  
明合浦含珠媚彷彿修林帶碧滋銀架洩香真絕  
勝金蓮貼步恐傳疑波涵後葉催前葉雨浥新枝  
換故枝濃艷滿缸開曉霽幽馨入座雜輕颺冰絲  
玉節元無滓秋月風神別有姿一榦雙房祥已異  
公庭私地事尤奇豪吟有客投瓊句勝賞憑誰把  
玉卮曲水追歡當日事瑤池仙種幾人知未由買



大雅堂 卷二  
棹耽坡興欲緝爲衣玩楚詞自許心貞同玉雪誰  
云容冶類嬌施吳歌楚調知多少唱和臨秋倍感  
時

七言絕句

題畫

花潭竹嶼傍幽亭欵乃漁歌落遠汀坐看南風轉  
蒲葉滿天涼影醉初醒

戲書洪宣之扇

霜冷疎林昨夜秋碧山明月壯孤舟美人千里無  
佳報夢繞西風十二樓

小畫

浦雲烟樹路盤紆白首青山興不孤我亦有亭歸



未得東風長爲長蘼蕪

和金尚義九日憶山東諸弟

節到重陽怕風雨閉門獨與酒杯親莫言旅邸無  
知己猶有黃花作主人

和王昌齡送李浦之韻

浮萍踪跡任東西望斷鄉關意轉迷客裏光陰容  
易過不知花落又狼啼

和韓渥秋夜懷兄韻

風雨瀟瀟正憶兄無端清夢繞承明誰云白髮  
偏能重銷盡年光只數莖

酬沈元節十二絕

印解潮陽十二年病携琴鶴是真傳昌黎老去無  
山斗剖竹今來更幾賢

珍重槭詞意外求鄉評何必問東丘江雲一夢三  
千里直上元龍百尺樓

吳門迢遞隔燕臺會說千金市駿來今日龍媒滿  
原野憑君駕馭識良才

西水橋邊再會難雨床何日旅愁寬鷓原回首心



千里苦塊知君夢未安

吳門薊樹各風烟五載睽違夢寐然聞說江山憔悴甚知君收拾在詩篇

江上梅花逐夢生草堂詩景雪初晴北枝畏冷南枝暖可是東風亦世情

東依桑梓東溟遠北望雲霄北極高自許作官心似水豈應憂世日長蒿

夢魂飛落謝池邊旅食京華又幾年若問萍踪何日定此生端合任皇天

空堂獨坐鳥啼時竹樹涼生暮雨悲欲贈所思關路遠幾回高詠四愁詩

亂山重疊帶斜曛春樹迢迢接暮雲一上高樓思無極天南天北大江分

昭陽歌吹數聲傳樓閣薰風思颯然却憶故鄉行樂處清溪一曲芰荷天

美人何處渺烟蘿萬里青天一鳥過縱有瓊瑤堪寄遠相思不見柰愁何

詔相度潮河川十絕



憶昔封山與濟川壯哉關塞控三邊周巡自愧無  
長策憂國先祈大有年

疋馬肩輿涉大川川流泱泱浩無邊還朝封事

如增戍不待成橋可萬年

浪說成橋保障川橋成未必可安邊逢人莫話成  
橋事驅石應須動萬年

一派潮河會百川設勞鞍馬駐河邊捨城七寨都  
修葺盡說今年勝去年

潮河西去此山川惟石高低遠近邊險阻風霜皆

歷遍煩君傳與我同年

未信夷心險似川誰如頗牧善籌邊兵家夜識風  
雲氣正是中原破虜年

纔過東嶺又西川月色灘聲共客邊惟底寺前黃  
葉下故將詩酒送殘年

柝聲燈影滿前川盡日驅馳直到邊聖主欲詢  
征戍事苦寒衣甲自年年

處處高山處處川擁旄分節柳營邊傍人指點陰  
厓雪已卜明年是稔年



舟楫誰能濟巨川書生頭白尚臨邊故人 天上  
如相問竊祿行臺已二年

秋江罷釣圖

西風江上釣舟橫楓葉蘆花伴月明一醉頽然卧  
無事不知潮落又潮生

畫鷹

肅肅來從紫塞遙星眸玉爪勢難招寄言烏雀須  
知避搏擊凌空在一朝

題劉尚文芝蘭呈瑞卷四首

野雲何意傍溪濱此日無因見老親誰謂芝蘭是  
嘉瑞相看一度一傷神

金函 賜勅照人明知是劉君孝有成百歲浮生  
容易過最難留得是芳名

愁心寂寞夜如年露濕松雲鶴未眠縱有椒漿奠  
高塚難將一滴到重泉

純孝當年衆所知名公來此看蓮芝一封遠奏  
天顏喜合把劉君作世師

桃花圖



東南何處是桃源  
細草春雲鎖洞門  
欲問劉郎當日事  
溪花相對兩忘言

歸山十詠次句容戴以德御史韻

十年寃夢繞林泉  
却望三茅隔遠天  
最愛角巾歸第日  
草堂飛鶴避茶烟

曾是清都舊謫仙  
人間踪跡滯流年  
紅塵匹馬長安道  
爭似山中白晝眠

經學應嫌左氏誇  
生徒誰謂馬融奢  
只今山斗推前輩  
已信文章有大家

翠微深處碧雲宮  
桂樹叢生一逕通  
見說秋風猿鶴待  
周顛歸老此山中

清秋月色照人圓  
歡賞幽期未覺愆  
翠壁丹崖高萬仞  
相從無地可寅緣

飄然逸氣想人龍  
雲樹分明在眼中  
一棹歸來機事息  
海邊鷗鳥狎漁翁

世事無憑一帳然  
角巾頭上有青天  
繡衣脫却班衣在  
忠孝從來貴兩全

幾人林下早知休  
白日滄江繫我憂  
同社交游星



散盡直看一日是三秋

十年踪跡軟紅塵御史芳名重北門歸去溪山新作主風光不減浣花村

南遊烟月付毫端沂水金山次第看得失向來曾自許有官長卽似無官

携琴圖

亭高地僻少塵侵滿眼鶯花春已深留得素琴長在匣不須隨處覓知音

題松寄李亞卿德馨

虬姿偃蹇出雲端萬壑清風白晝寒十八年前懷舊夢紫薇垣裏繪圖看

枯木竹石

萬籟清風玉作團一拳似欲障狂瀾莫言古木無生意老榦終能保歲寒

題莊儀浦雲山圖

峩峩冠豸新恩命渺渺雲山舊驛亭歲晚襟期何處寫相看惟有竹青青

憶友



東隣咫尺斷來羈十日無由共一筵尚有冰壺秋  
露白與君清賞及新年

寫竹圖送表倫王尚書南京禮部二首

歲晚交盟弟與兄春來頭角見崢嶸南宮竒絕無  
塵到惟有清風慰遠情

佳麗江山倍有情琅玕蒼翠石頭城美人可望不  
可見無柰月明湘水清

次包汝調韻

自愧非才濫省臺三年讀禮去還來月明千里相

望地疑是文星落上台

橋梓聯芳

兩木陰森 雨露罩枝聯山北與山南繪圖未盡  
君家盛眼見科名父子三

送湯半村訪弟南還

秋風京國共襟期千里鄉關入夢思歲暮北來鴻  
鴈杳因君重賦鵲鴿詩

帽塢籠烟

烟遶晴巒樹色遮宛然鶴髮戴烏紗清狂不是龍



山客步遍三峯日未斜

畫竹

宦游京北夢江東雲白山青翠竹叢誰寫一竿生  
意足定知千畝在胸中

題梅

紛紛紅紫作輿臺天遣瓊葩第一開莫問調羹他  
日事宜風宜月且徘徊

蘇堤春曉

堤上如何却姓蘇東坡舊日岸西湖春風遺愛千

年在應與甘棠兩不孤

柳浪聞鶯

綠楊枝上鳥嚶嚶斷送春光是此聲更有幽人相  
答和一般風味兩般情

竹石圖

山石清暉木後凋貞姿千尺欲凌霄竹君石友東  
坡癖我得披圖慰寂寥

花港觀魚

爛熳紅花入港濃水雲深處隱簾櫳誰人解道濠



大牙堂  
卷二  
梁趣潑潑游魚在眼中

南屏晚鐘

南山佳處榜南屏佛國浮屠入杳冥最好蒲團花  
雨後一聲鐘磬出林坳

麴院荷風

麴院醲酣水不波風翻翠蓋影如何乾坤清氣渾  
如許淡抹濃粧晚更多

題翠岩贈僧宗蕃

高厓蒼翠故依然可是三生舊日緣却笑塵中人

易老禪心山色自年年

平湖秋月

涵虛湖水秋欲平影落金波到底清下上天光同  
一碧何人吹徹洞簫聲

雷峯夕照

中天積翠聳雷峯威震羣陰氣所鍾最好夕陽能  
返照千林萬壑影重重

孤山雪霽

昔年逋老住孤山野鶴閒雲共往還寒到玉泉開



霽色梅花樹底聽潺湲

蓼花灘鷺圖爲馬方伯題

房相池邊億舊羣  
蓼花灘暖水泆泆  
如今雖有千金價  
不見當年王右軍

題倪月湖釣魚便面

江潭無人石生蘚  
風月垂綸自舒卷  
扁舟一水兩相忘  
不向蘆花問深淺

題曹魏武觀碑圖

武雄心世所知紛紛逐  
鹿竟何爲休論有智并

無智請看曹娥絕妙詞

題蔣文藻扇

數竿修竹綠猗猗  
水石條然物外奇  
誰遣林塘落君手  
畫圖相見一題詩

題李石城梅

東閣移栽品最多  
西湖清淺爲誰波  
杜陵已往逋仙去  
縱有詩情柰爾何

題計廷策延陵懿範卷

婦道姆儀難復得  
令名千載重延陵  
墓田花落東



九和堂 卷一  
風暮一度追思一恨增

題諸半菴漁父便面

林麓歲徂入草堂渭濱巖瀨接微茫阿翁罷釣歸  
來早最好前山未夕陽

題李克成山水圖

道人兀坐寫黃庭竹樹條然入眼青忽向畫圖思  
舊隱移文休訝草堂靈

題顧復卿一鷺功名到白頭扇面次呂九栢  
韻

一鷺條然下碧湖白頭飛鳥共成圖世人若有瑕  
疵者雪裏芭蕉有也無



五言律詩

郊祀齋宿和林待用韻二首

棘寺官仍舊齋衣眼共明紫霄寒月迥烏几篆烟  
生漢代崇 郊祀周王藹頌聲侍臣奔走地誰得  
賜金莖

畫省虛生白蒼梧老更癯乾坤 昭代統禮樂  
聖神謨華髮添新侶丹心是故吾西隣適叟在此  
興未云孤

寄沈文進僉憲



我棹西江轉君旌濟水前驅馳同一笑留滯更三年  
憲府清威重郎官俗累牽械辭使人至讀罷強  
詩篇

感秋次李西涯韻二首

面暘冰尚早邊水葉先秋霜月懸烏府郵籤報驛  
樓朋簪離復合歲籥去難留三復瓊瑤句微吟亦  
漫酬

歲殘殊惜歲秋去尚防秋野燒明荒壘烽烟淨茂  
堪瘡痍何日療惠愛幾人留一劍平生意君恩

未易酬

送馮佩之

四月雨新霽雙旌朝出城人才膺妙選王事復  
勞行赤子何年地皇華幾日程青雲高誼在近別  
亦含情

同事張公子情親兩不疑飛騰俱善價經濟有深  
期稼穡蒼生計艱難聖主知公餘兼問俗駐節  
一題詩

贈李工部時器陪陵祀



至日陪 陵祀平明出國都 聖恩天浩蕩年瑞  
雪平鋪珠樹瞻蓬島玄雲拜 鼎湖茲來公作主  
詩興可能無

輓李彥明父

七十希年境三茅足隱淪松筠隨晚秀蘭玉向庭  
新粉著餘 恩典滄江罷釣綸萊衣今化淚風木  
夜烏頻

奉天殿侍宴 慶成

昨日逢初度今朝宴 慶成懸弧生有兆 賜食

坐爲榮白髮非春事丹心豈宦情獨慚樗散質無  
力佐昇平

送高長卿考績

黃甲登賢地銀章報主身名高同刺史郡小有民  
人藻鑑天卿重珠璣翰苑新贈言非爲別勲業晚  
逾親

觀畫

結茅臨水次物候逐時新坐對綠楊好忽驚黃鳥  
頻生平山水癖容與畫圖親白首滄洲路相看恐



未真

蔓菴爲陸廉伯賦

有美高蹤客無忘太古心  
寡營惟舊業養拙自中  
林蔦外燈殘曙蘿邊月轉陰  
物情如有意相對漫  
清吟

夜坐述懷

月色本來好燈光也自新  
撫擅惟舊物顧影只閉  
身懶拙寧忘世迂踈却任真  
北堂與西董歲夢一

活中

贈陸四官張瑩

醫國家聲舊歸田樂事多  
疎簾紅杏雨短棹白鷗  
波野色分冠冕閑情付薜蘿  
隣翁新釀熟乘興卽  
高歌

題向行人忠孝堂慶壽

有美東洲老今過六十春  
燭花南極夜使節綵衣  
人千里逢茲夕高堂樂衆賓  
藩王忠孝語 睿  
翰墨猶新

輓劉存仁同年行人

大甲堂

卷三

三



送送同年友人  
尚典刑髮從中歲白禮任此生  
青翰墨開文苑雲霄失使星孤雛雙淚眼萬里逐  
江萍

輓戈繡衣父

樵李傳家舊連窩卜宅新勝遊無故老鄉飲失佳  
賓江海身成幻詩書業未貧栢臺寒食暮風雨正  
愁人

岐陽朝陽

乾正峯密秀迴翔氣勢豪九苞方覽德千仞不羣  
高露液滋梧竹晨光耀羽毛鎬京何處是懷古意  
空勞

鄱湖送馮提學

巨鎮連三郡洪濤滙百川天寒陽鳥集雲靜雨龍  
眠山屹中流柱風奔下瀨船使君持節去嗟坐興  
悠然

輓孫文冕僉憲

身沒官銜在囊空旅櫬歸霜鷹摧羽翮驄馬失光  
輝風采人皆頌諷詢意盡違惟餘舊臺栢蕭瑟夜



鳥飛

輓江陰夏希明

高人棲隱地喬木覆江陰  
白日無塵鞅清風有素琴  
修文千古恨尚義一生心  
遼鶴歸何處烟霞自古今

寺庭芍藥漫成

堅坐席方暖頗聞庭藥香  
是誰憐近侍留爾殿羣芳  
翠綠深深色緋紅淺淺粧  
廣陵多異種此種亦非常

輓陳明遇節推次呂秉之韻

一別詎生死流年忽異同  
虛傳周柱史真惜寇巴東  
天地聲尚滿家山夢已空  
吾詩何足重聊欲備觀風

傳經嗟有子寄母幸無金  
壯氣秋旻杳歸鬼江水深文  
應憎命達髮不待年侵修  
短慧誰問烏啼壠樹森

題莊立之別號鉏雲

樂土饒南畝披雲帶遠林  
長鏡三尺柄短褐百年



心老隱同磻釣躬耕付壠吟鹿門期不遠千古有  
徽音

輓李守貞

同年三十載一別見無期海內虛台望臺端失豸  
威冰霜人共識韓范虜曾知功業蒙 恩異銘文  
太史詞

連珠池上酌別

雨晴流物色歲晚見交心樂事青春會高歌白雪  
吟濟時身未老感別念俱深卯酒騰騰醉西山日

欲沉

題顧煉師愛雲卷

萬物從吾好悠然此意深從龍元有遇出岫本無  
心岐路隨翻覆江山自古今浮生任飄泊惟爾獨  
知音

題澤上人雨菴

一菴迷處所花雨正濛濛有色還無色低空復颺  
空燈昏寒沁佛刹古氣流虹此意渠能解陰晴日  
日同



題海上人雪菴

豐年有三白和氣滿吾菴已入江瓊詠何須佛法  
叅茫茫大宇宙落落小江潭惟底垂藤竹渾疑玉  
屑甃

吳僉憲觀海值雪

鹽城三日雪海嶠十年心江漢歸流急朝宗此意  
深氣消千里瘴勢壓萬山岑憲府威風壯清酣復  
短吟

浩蕩觀東海嗟峨望北山魚龍出沒處雲水有無  
間鑿石來無算奔流去不還寒雲容易夕極目正  
愁顏

題秀上人雪江卷次張方洲韻

作瑞看三白空門不二天花飛林失路月淨夜無  
烟江閣如圖畫漁蓑欠釣船強吟懷舊賦情在酒  
杯前



七言律詩

題劉景元編修嘉會堂

尚禮家聲海內傳，二難文雅更翛然。  
枝連花萼春風裏，酒滿壺觴夜榻前。  
時采蘋蘩供禴祀，閒探魚豕續韋編。  
無邊盛美斯堂會，卻笑登龍未有年。

題商閣老怡老堂

元老 恩榮際盛時，百年心事髻毛知。  
傳巖霖雨歸台鼎，嚴瀨清風屬釣絲。  
新夢每隨明月醉，老懷偏向白雲怡。  
乾坤萬里真空濶，翹首冥鴻繫我思。



送張尚綱寺丞弟尚文

伯氏才名動九州，季方豪氣折王侯。誰云聽雨成  
簫瑟，真見開樽共勸酬。燕鴈影高還對月，荆花春  
遠獨登樓。白頭應有京華念，憑仗君歸慰遠憂。

送清江船廠曹振千戶

水部緣江六月寒，篙工巨艦轉輸難。斧柯聲裏千  
艘集，渠柳陰中萬戶攢。力可滅胡須上將，才堪通  
賦豈閒官。腰間劍氣長衝斗，勲業還期遠大看。

題心遠卷

幽居地僻占雲林，誰識逍遙物外心。竹色晝含蒼  
影靜，苔花春染履痕深。逃名不作青雲夢，適意聯  
歌白石吟。欲訪高蹤何處是，閒門五柳翳清陰。

金臺餞別

岐路誰同阮籍愁，英豪真作子長遊。文章價在須  
青簡，勲業盟深貴黑頭。雲影波濤蘭棹穩，書聲燈  
火草堂幽。他時記取重逢地，月殿香分桂子秋。

送林朝信憲副廣西

白簡冰霜六月生，法星遙傍嶺南明。九霄舊識埋



輪手八桂新馳攬轡情地劇正須勞使節晝遊應  
勿緩王程觀風我念憑誰問會待雙魚寄遠聲

壽商閣老

早從韋布極台衡鍾鼎勲名奕世榮 綸綍再登  
黃閣地薜蘿遙起碧山情祖筵疏傳羅朝彥鄉社  
溫公會洛英年閱古稀添鶴髮春風瑞靄滿堂生  
送盛少司寇翁時正還無錫

江上春風動紫荊遠遊應念友于情鄉心對雨燈  
連榻客袂經秋杵滿城芳草欲迷帆去影短書還  
待鴈來聲太平盡說山林樂況復君兼吏隱名

壽王世賞編修

月華星彩玳筵開我爲佳辰緩騎來八义皆  
秀句一年一度此深杯早登黃閣憐楊億舊着班  
衣念老萊滿目飛雲家萬里倚門應見首頻回  
燕喜堂深壽域開長庚光傍紫微來金天爽氣隨  
弧矢玉樹清標映酒杯書遠欲憑南浦鴈歌長重  
詠北山萊相看襟抱真如洗醉倚松陰一鶴回

又



宣溪才子玉堂仙，隔日開樽作壽筵。  
槐影當簾秋旭正，蘭香繞坐晚風偏。  
醉吟綠髮三千丈，笑指青雲十四年。  
老我簿書堆裏坐，却將心賞付詩篇。

題鄧編摩煇秋臺瑞瓜

曉日籬瓜照眼明，迥然一蒂見雙莖。  
瑞占伯仲同時顯，夢兆熊羆兩地情。  
大雅綿綿勞客頌，高門奕奕擅鄉評。  
如君盛事真堪紀，竇桂王槐浪得名。

送沈進士林知晉州

吳下才名眼底稀，之官千里亦王畿。  
三刀暫借

為州去，雙舄還看向闕歸。  
望日清秋雲淡淡，別當長路樹依依。  
題詩未盡同袍意，兩字循良願不違。

送湯繡衣弟輅還句容

白雲歸思繞江東，烏府離尊幾夕同。  
臺閣清風懷趙抃，關門豪氣識終童。  
蕭蕭夜雨鴛鴦原，急急秋晴鴈札通。  
試着絳衣秋正好，庭前香滿桂花叢。

送張憲副廷芳次韻二首

星輅千里快雲程，已識朝陽一鳳鳴。  
范老未忘天



下計狄公真擅斗南評江邊鴈影兼秋遠野外烟  
光入暮橫涼月梅花草堂夢分明如對故人清  
薊北江南路幾程武林風葉晚秋鳴釋之法老應  
多暇白也詩豪好細評望入烟霄丹闕迴坐臨  
溪水碧山橫使舟夜向西湖泊天竺疎鐘到枕清

送林恒肅展墓

十載同年共粉闈夜燈晨榻每相依 廟堂憂在  
心如渴丘壠情多夢欲飛官貴未忘韋布賤道高  
長任俗人譏鏡川文價千金重

時楊學士先生評其歸爲是作文錢

之已與君歸定是非

送林黃門使暹羅

八月星槎萬里行載將 恩雨過占城更籌每用  
占朝晷土色還憑識地名陸賈有才堪使粵班生  
無地不登瀛誰云此去滄溟遠飛夢時應到 玉  
京

送傅中舍告病南歸

晝遊桑梓荷 恩寬帆轉秋江白露寒夢 闕有  
情還染翰病軀無力且加餐每於傅氏誇三德更



向陳昆比二難莫遣西堂成遠別早將鳴珮侍

金鑾

壽姚夫人七十

名登八座疊 封章幾向 宮廷沐寵光白首三  
牲遺祿養青霄二鳳已翱翔月華入夜瞻南斗花  
氣隨春到北堂福似桐江應不盡願添江水作霞  
觴

碁墅爲邵文敬賦

竹雨花潭對一枰時聞剝啄有餘聲荆公漫看垂  
成戒謝老曾遺破敵名幾着後先森在目兩端勝  
負總忘情也知寓物非留物坐隱從教歲月更

送徐公傳告病南歸

十年燕越幾相隨無限深衷此別離李密有情都  
在疏馬卿多病未忘時唵看寫影秋來早坐聽潮  
聲月上遲遙憶過江家咫尺燈花昨夜已先知

送柳中舍歸省

鸚薦曾聞少日名玉堂飛翰動冠纓王郎已就思  
歸賦歐老真成養志榮醉裏乾坤神浩渺興來出



水筆縱橫 九重聞有遄歸 詔莫爲鄉心薄宦  
情

題萬司空朴菴卷

亭亭大朴蔭江湄奕世清風合在茲已與王槐親  
世業更同韋柳作家規萬牛空說丘山重高蓋真  
承雨露滋封植願言無剪伐爲君重賦角弓詩

送邵文敬思南

零露恩深詠蓼蕭壯心休問驛程遙人間何處非  
萍水天上誰云有鵲橋五馬已專黃霸郡百篇應

瘦沈郎腰秋風楊柳凋零盡安得長絲繫去輶

送王成憲司訓歸崑山

省臺應不羨諸公鉛槧長時校異同未許東丘輕  
鄭老極知西學重王通冰壺月湛崑崗玉碧水秋  
高笠澤鴻莫遣晝遊成久戀幾多桃李待春風

題陳宗器郎中友竹卷

識君未許子猷先湘水清風已百年桃李不隨春  
共媚冰霜長與石同堅籜冠嘯傲杯中聖石徑道  
逢物外仙他日鳳池應有約珮環聲裏夢釣天



用韻送陳宗器

英妙如君奏績先相逢猶記作州年一旬爲客非  
留滯十月將冰且未堅舊說陳蕃曾下榻今看景  
倩似登仙兩京冠蓋聲華在 雨露同霑尺五天

賀王世賞生第三子

頭角森森聳玉時不須吉夢已先知麟兒此日看  
啼處驥子前年解誦詩蘭茁階庭春尚早星垂弧  
矢夜何遲獨慙老大鳩巢拙一度華筵一繫思

思補爲畢玉知縣賦

三間茅屋傍東湖可是淮東一野夫歸去淵明誰  
復似知非伯玉世應無不論車馬來今雨要使江  
山識故吾檢點平生無長物直將心跡問前儒

寺遊和韻二首

日暮庭隈雪亂花路迷墻外是誰家歌狂更對賢  
人酒思渴還分學士茶吟雜梵音香繚繞坐添涼  
吹竹欹斜無端幽興憑誰寫聊共濡毫散墨雅  
春雪雖寒也自春乾坤清氣屬詩人吏情始覺閒  
爲樂岐路誰知夢未真身與世忘安有物交因心



醉不須醇尋幽合有長篇續却憶張燈是昨辰

自詠

薄宦悠悠繫此身十年羸馬困紅塵青袍自笑馮  
唐老白眼誰憐杜甫貧夢裏草堂三夜在日邊花  
萼一時新品題欲記春多少却愧詩才未有神

壽董侍讀

玉雪丰姿錦繡腸十年供奉有輝光瑞烟入處星  
初見綺席開時酒正香天上正須揮翰手榜中真  
作探花郎嬌兒戲綵還稱壽先誦南山第一章

賀郭子美遷居

背郭春陰遠市居任渠梁燕污床書千金有意尋  
鄰曲一室無心事掃除徐勉未須論旅舍陶潛真  
亦愛吾廬涼臺燠館雖雄甚不似門多長者車

遊西郭園池二首

遠山含雨黑雲頭詩到林泉景更幽野寺可能添  
一榻水田應只欠雙鷗風光入眼渾無賴塵事驅  
人且未休惟有杜陵豪俠甚盡將花鳥賦春遊  
紅塵何處挹清泠西郭風泉快始經遠上釣臺魚



召碧重過碁館竹林青春將柳色深還淺目送巒  
光醉復醒桃徑李蹊行欲遍尋芳更到水心亭

賀仲維馨生孫

瑞靄龍葱曉色浮青雲甲第駐仙騶報箋可是璋  
書錯坐客非因湯餅留簪笏家聲還舊業壺觴春  
酒正新筵從今戲綵分甘地漸覺椿庭玉樹稠  
春風庭館繫來轅喜見桐枝又長孫瑤珥已誇安  
邑第德星應羨太丘門也知家法由先世賸有書  
香屬後昆數到曾玄凡幾萊高堂自覺此身尊

高門賀客夜懽呼又見興家第一雛學語也應竒  
杜驥讀書端不數韓符丹山鳳穴還生鳳甕社珠  
湖更毓珠此日渴筵堪一醉月明歸騎不須扶

壽李世賢父母

鶴髮相將兩壽仙翰林袍笏是家傳龍門燕集三  
千履鸞誥恩榮四十年共挽鹿車非舊隱載歌  
鳧弋有新篇從今更指吾宗樹玉顙孫枝滿目前

送李文明岳州

二千石是古諸侯形勝東南第一州衡嶽曉光隨



九和堂 卷二 三  
日遠洞庭春浪拍天浮壯懷不作晨星感故里仍  
無晝錦遊十五年來同榜意題詩須寄曲江頭

和陸職方清風倡和卷

清齋夜賦小團茶音賞還將手節搥玉署可人淹  
素月畫屏仙夢隔青霞年華未放唵身老春色如  
憐病眼花天上棲鸞元有樹不應羈旅似晨鴉

疊韻詠馬

野色雲團映乳茶坐收千里不須搥郡迷白練寒  
連霧尾掉紅絲遠掣霞渥水麒麟元有種郭家獅

丁浪傳花間來臨得韓蘇卷醉筆盤龍又抹鴉

雲隈竹塢

竹院逢僧盡日閒白雲深處是禪關尋幽不爲題  
詩去坐嘯何妨帶月還烟徑曉沾芒履濕露痕春  
染石床班紅塵車馬應無限誰識祇林趣不慳

雪崦梅巖

雪滿孤松白日斜青蓮影裏見梅花偶穿東郭先  
生履如到西湖處士家健步不辭山磊何醉唵蕪  
愛樹槎牙詩成石壁無題處且向禪房坐啜茶



院落晨暉

古殿殘燈避曙光  
講鍾聲裏散爐香  
慈雲縹緲三千界  
迦葉尊嚴四大床  
風動寶幡金瑣碎  
日臨琪樹玉蒼涼  
我來且借蒲團坐  
始覺浮生有底忙

幽庭夕照

讀罷山僧白馬經  
禪床趺足對幽庭  
乳牛欲下平坡暗  
老鶴初歸獨樹青  
落日暫教留返照  
長天坐待繁星清  
遊已倦饒佳興策馬還登綠野亭

乾岡草亭

重岡細路入林垞  
兜率天開一草亭  
法眼已無塵土溷  
道心長挹蕙蘭馨  
當年建刹空飛錫  
此日參禪水在甃  
四萬餘言前劫事  
不須重講法華經

東臯勝井

東臯鑿地湛天光  
分得曹溪一掬香  
未許亂蛙喧玉甃  
休驚渴鳥下銀床  
三更月照禪心淨  
九夏風生佛骨涼  
欲汲清泠濟塵世  
纒絲千尺未爲長

園卉騰春

乘閒來踏紺園春  
方外風光悟此身  
萬紫千紅終



是幻六根五蘊本非真  
禪心只見空花落塵眼  
還驚貝葉新坐久相忘成一笑  
洪爐陶冶不無神

遠山霽雪

岩峩鷲嶺入蒼冥積雪晴時儼  
盡屏雲錦織成狐尾白天花  
飛繞佛頭青琉璃地迥元無色  
甘露門開自不扃我愛老僧今  
惠可五峯頭骨本同形

和韻二首

步入東林一逕分苦無玉帶鎮  
山門白雲滿袖岩中烏翠竹迷  
人郭外村百丈竿頭須自奮三  
生石

上且休論貝多臺近桃花洞却是  
天台別有源妙香金鼎碧烟分  
上有輕雲護法門龍問大還來  
石洞鶴隨飛錫過山林禪心自  
比廬峯靜僧臘誰將甲子論欲  
識西來舊衣鉢曹溪一脉是靈  
源

送李貞伯駕部

東吳家在水雲間南望龍江亦  
故關駕部已爲楊素重仙舟又  
載李膺還聞談往事心同醉坐  
閱流年鬢易班回首蒼茫斜日  
暮孤鴻千仞若爲攀

題冀文華翁池塘春草圖



靈運西堂入夢頻覺來詩句獨驚人千年伯仲誰  
同調今日池塘自有春鄉國不堪行處遠畫圖還  
向別時新況聞阿買風流在去折天香擬卻說

和李西涯遷居

登瀛重詠屋渠渠新燕何須訝舊廬紅藥影翻堦  
下日碧芸香拂案頭書萊公故有樓臺地甫老真  
成水竹居從此追隨多樂事不妨深巷駐行車

限韻遊西山諸寺三首

繫馬松陰占石堤山腰飛瀑衆流齊我憐惠遠清  
於玉誰道山公醉似泥雲覆紫藤穿徑小風斜烏  
帽入林低十年始識西湖寺不惜詩筒爲遠携  
掃石眠雲醉八仙禪家風味自年年客來岩洞題  
詩遍僧在蒲團演法圓何處山林饒白日此中樓  
閣帶清泉天花滿眼真方外可是茲遊亦偶然  
白雲應識我心閒雲護空門晝不關天與清歡重  
載酒地當佳境一看山游絲落絮來何處卓錫鋪  
金住此間已借禪堂分半榻不知西崦夕陽還

遊焦山



江上青山面碧窓短牆之外卽長江興亡關世此  
流在歲月催人我鬢雙夜永輕寒生薄袂坐深清  
燄爛金缸茲遊茲寺皆竒絕不賦新詩氣不降

和楊應寧韻

宇宙竒觀快此生登臨我輩夜堂清山腰樓閣天  
低樹江上人家水拍城古栢瘦藤寒耐老奔流峭  
石怒難平山靈應訝初來客欲訂重遊未有盟

登壯觀亭次楊應寧韻

壯觀亭高我到初海天空濶野航孤雲間巨壑心

同野日上層霄手可扶山色有情當共固客懷無  
賴隔東吳多才地主留詩卷臨別匆匆更酒壺

過淮陰憶葉崇禮

舟泊漢陰日已斜漢陰故人今在家羨君兩郡飽  
才譽笑我一官空歲華夢裏只疑身有翼燈前未  
信眼生花清江綠竹餘多少肯念分同舊主衙

寫懷

薄宦悠悠走畏途六年三度謁 皇都貧來原憲  
身非病老至潘生性本迂人世升沉山色在水天



涼冷鴈行孤自慙入奏無功績惟有丹心是故吾  
奉屠潮宗都憲

東越山川秀氣鍾遙遙門闕大吾宗風霜力振中  
臺栢節鉞名高五嶺峯天上繡衣明獬豸江頭秋  
露老芙蓉激揚獻納皆君事莫向交游意太慵

答何司寇

堂堂司寇古蘇公十載門牆感激中山斗名高人  
莫並箕裘業在世難同 清朝經濟歸公論白首  
情誠簡 聖衷潦倒無能蒙記憶敢言辭賦有揚

雄

和曹時中憲副見訪

磊落誰當作賦才高名藉甚滿秋臺星堂夜永占  
賢聚剡棹春深訪舊回老髯催人渾易短壯心憂  
世苦難開知君賸有西湖興公暇還尋處士梅

觀演武

浦嶠風烟接戍壇憲臣名重虜心寒天無私照萃  
夷遠海不揚波 帝澤寬列陳貔貅皆武弁運籌  
帷幄本儒冠指揮訓練歸能事勲業麒麟閣上看



拘幽三首

樊籠幽繫入殘年何處喬松別有仙萋菲可能成  
貝錦宮商聊爲發朱絃愁心裊裊千絲亂春夢悠  
悠五夜眠世事無端君莫問角巾頭上是青天  
鐵戟圍扉晝不開昏雅歸盡析聲來壯心未變寒  
灰後淑氣先隨暖律回霄漢有恩瞻日月江湖  
無地避塵埃眼中得失休相笑迂拙元非濟世才  
浮名如芥謗如山一夜飛霜鬢欲斑直道已超榮  
辱外危機休問是非間坐憐老鶴堦前困嗟愛孤

雲海上間却憶雙親家萬里君恩未報可能還

送陳郎中道任南兵二首

歸心千里上江臺相逢懷抱此時開流年半逐忙  
中去向事真成醉裏來華館夜深燈影亂碧天風  
過鴈聲回人生聚散渾難定莫惜臨岐更舉杯  
東隣燈火故人居綵筆分題酒興餘書寄鄉園還  
有鴈食當賓館豈無魚十年此別心先醉萬里逢  
秋髻未疎聖代偃兵多暇日仙曹清況復誰如

和夏正夫憲副韻



夜看西垣聚德星曉來飛札是黃庭名高豈作雕  
蟲藝價重真傳相馬經鶴鳳自應歸上苑珊瑚誰  
遣避重溟老成人物須君輩況復流年髯尚青

和掃雪煎茶卷

珍重東家兩耳鐺無端詩思坐中生雪花浮動旗  
鎗影松葉暗來風雨聲素札尚留遺墨在玉壺應  
似此翁清風流好事今凋謝撫卷懷賢不盡情

送毛以德赴南監

童稚交情今老成廿年湖海旅蒐驚驛驛逸駕非

無路鵬鷲層霄正有情江樹遠分楊子渡秋風吹  
過石頭城兩京文物當全盛司馬題橋是此行

蟠桃

王母何年降漢臺玉枝蟠屈爲誰開東方眼見三  
偷去西汜盤分七顆來悟道未須論佛偈止饑應  
不慕天台千年一實真堪紀又逐春風到壽杯

壽馮原孝乃兄原誠六十

蓬萊山色近簾櫳清隱分明有古風五老會中曾  
識姓四明社裏又添公笑看甲子流年改傲睨乾



大和堂 卷二  
坤醉眼空聞道拙齋新橐就幾時傾論一尊同

送侶少卿巡郊畿二首

小隊風霜出近郊 九天 恩寵照宮袍民安不  
負旬宣寄地重仍兼保障勞鵬鷲凌空秋氣肅干  
旃在野月輪高驅馳再誦皇華句經濟從來屬俊  
髦

南仲威名滿四郊十年冰操只青袍雲霄捧日心  
長在夙夜憂時夢亦勞甘雨隨車周甸遠妖氛埽  
地漢旌高權兼將相真能事共說 中朝得譽髦

輓羅明仲父母二首

江右清風舊隱淪早從東里躡芳塵京華從宦兼  
南北韋布馳聲滿縉紳遺後尚傳庭下訓知非空  
憶夢中身玉堂有子 恩榮在 贈典曾看兩度

新

閨門冰玉照人寒懿德曾從向傳看孟母織絲綫  
曉杼班姑紉佩冷秋蘭 鸞書天上重頒命鼎食  
堂前每問安年邁古稀誰復似瀧岡回首路漫漫  
和董侍讀送司馬通伯韻



越水風煙隔歲年霜天持節又南還埋輪事業看  
前輩阜俗文章啓後賢幽薊離情疎柳外江湖秋  
興落霞邊門多桃李非身計爲國丹心向日懸  
菁莪春色滿郊畿非復當年絳帳師社裡詩篇空  
紙價菊邊尊酒過花期昌黎學館生徒集司馬才  
名走卒知棖精棟梁收拾盡不煩鉛槧校淳漓

讀鄒氏奏議

歲方艱食更屯兵濟世安邊仗老成鎖鑰北門遺  
嘉甘棠南國藹芳聲哀榮誰得兼生處來去公  
應繫重輕手疏百篇人膾炙高山仰止不勝情

和馬天祿秋懷二首

敢向青雲歎後時一官長繫故園思空因鱸膾懷  
張翰欲買舟航學子皮柳市漸稀霜後葉菊籬猶  
帶雨前枝登高滿目悲秋意宋玉當年恐未知  
金蘭契分本同心白雪新詞感意深薄宦正須三  
釜在流年又見二毛侵乾坤雅操歸元亮江海清  
風屬仲任一段幽懷何處寫欲從東郭理瑤琴

金山夜臺爲徐用和賦



蝶夢雲遊共杳然陰陰松檜掩牛眠青山忽已成  
千古白日無由照九泉天遣滕公居此室鶴隨丁  
令去何年幽堂總是傷心地落木悲風響杜鵑

玉屏朝綵

東旭蒼涼薤露晞坐看林屋藹清輝芙蓉色麗青  
天迴馬鬣封高綠樹微誰謂佳城無白日還憐寸  
草有春暉愁來可柰長安遠縹緲朝雲滿目飛

賀李西涯次韻

鳳書初報玉堂春 賜錦裁鵬五色新漢任嚴徐

真盛事唐稱頗牧在文人班承 黃閣身應近講  
侍 彤幃地更親十載叨陪門下士相從何止卜  
芳隣

送呂秉之南歸

冰壺玉鑑入秋清倒峽詞源老更成北鴈獨隨南  
鴈遠綵衣兼得錦衣榮潮生極浦天低樹月照疎  
燈許浦城却望白雲親舍隔因君東去不勝情

清節遺芳挽楊中舍父

一官憂 國鬢先皤隨處清風異績多應似隱之



居嶺表還同虞詡在朝歌甘棠舊樹人皆詠碧蘚  
遺碑世不磨若問歸林下意淵明三徑復如何  
向陽書舍爲費司業賦

碧牖南開得曙先彩霞晴映白雲篇惜陰不用虞  
公劔退食還看學士磚影拂鸞凰當闕下清分  
葵藿到堦前此身長與丹青近壁水真臨尺五  
天

帶溪環綠

溪上春光欲染衣昔人會此釣璜歸波痕漱澀如  
鱗感地勢縈紆作帶圍岸柳籠寒輕冉冉汀蒲將  
雨故依依琴岡茅屋三間在何日臨流坐石磯

峻嶺行龍

烟光樹色青如葱逶迤蜿蜒將無窮初驚鱗甲動  
秋水頓覺氣勢凌長風四圍互與雲上下一躍直  
指天西東何人脫屣跨絕頂穩坐歸去蓬萊宮

送李德馨同年

玉陛風迴紫綬香親霑內宴出明光恩波直  
與江流遠日影兼隨使節長夢入西垣封諫草才



高南國擅詞場蛟峯孫子同鄉舊爲報相思阻鴈  
行

和王世賞殿講陞官韻

萬卷撐腸悟斲輪 九重恩寵及青春  
文星北極寒芒見 化日西清瑞靄新  
明道五箴須上獻 淳夫三昧許誰親  
莫言李昉班猶下 學士官階擬拜真  
送劉時雍

雲箋忽報郢中春 十載交情晚更親  
篋有敝裘官計薄 庭無稽牒頌聲頻  
南帆曉色將家遠 北闕

恩光與歲新 猶憶慈闈應萬里 鴈書先寄楚江濱

輓莊侍郎

螺川驛裏識君時 幾向秋曹動遠思  
持節東巡冤獄洗 擁兵南下捷書馳  
臺丞舊肅冰霜操 卿貳新承  
雨露私便道 忽驚遼鶴去 吟溪流水不勝悲

和柳拱之楊應寧聯句韻

職方奇績冠諸曹 湛露 恩霑北極高  
鏡裏光陰雙短髻 人間富貴一秋毫  
江湖未忘交游念 屏翰無煩撫字勞  
應有匡時無限計 憂來莫遣目長蒿



大和堂 卷二  
京華傾蓋十年時真向劉君感故知 黃紙新恩  
頌日下綠波幽恨繞天涯梅花歲晚還相憶鴈札  
春深定有期台省薇垣相接地重來補袞未應遲  
古來建節重藩侯汗簡勲名取次收自擬丹心酌  
素志誰將孤嘯發羣憂行車佇息閩南稜奏牘曾  
防塞北秋 王事馳驅今萬里相看無計可遲留  
眼底才名更幾人蕭然野鶴倍精神臺華自昔稱  
公弼召父于今得信臣白水青山隨夢遠碧幢紅  
旆及春新旬宣到日多清暇莫遣音書滯海關

別策

金門舊有聲又從薇省沐

恩榮董生筆

底三千字范老胸中十萬兵  
瘴雨欲來山色暗纒烟消盡海波平  
間關未隔朝天路飛夢時時到

玉京

兵曹吏幹更詩才懷抱逢君幾度開  
捧日有心曾共語亭雲無句向誰裁  
壺觴送酒人將別河水流澌臘已回  
惆悵都亭携手地天涯南望獨遲徊

壽江文湍編修母

華堂晝爽動秋蓮珠翟光生錦悅前  
天上恩榮



初度日人間樂事古稀年醉看桃實分瀛海笑指  
萱花映綺筵我有長生新製曲憑將一鶴向南旋

送林緝熙掌教平湖二首

東行萬里粵兼吳車騎翩然出 帝都詩社曾看  
凌鮑謝講壇應復繼蘇湖悠悠身世蕉中鹿納納  
乾坤水上見清夜小齋無一事短檠高坐聽伊吾  
身向江湖夢亦安名兼吏隱是儒官千年孔壁詩  
書在萬里堯天雨露寬臘屐花間風雨袖青氈座  
上日三竿慈闈白髮承顏地猶憶當時舊膽丸

有懷二首

青瑣從容退食遲 恩榮真荷 九重知 宮坊  
日暖花磚地瀛海春生玉樹枝一代文章新史筆  
百年詩禮舊家規五雲高處三台近會造鷓班集  
鳳池

野鶴風塵跡未奇囊中空說舊毛錐簾分花氣春  
將遍庭轉槐陰日正遲報 國有心驚老大寧親  
無計感睽離茫茫世路誰相問此意惟應鮑叔知

題望雲思親圖



碧山萬里藹清輝南去孤雲滿目飛獨荷 君恩  
齊海嶽却憐親養遠庭闈太行情事今何減函谷  
風神世所稀從此仙齡長不老安車還許覲 金  
扉

和陳玉汝玉延亭韻二首

學士東垣休沐地園亭日涉趣還成籬根斲處含  
雲細藥種移來帶雨生蜂蜜羊羨人共賞楚珩秦  
玉眼雙明簡齋風韻今猶在却笑靈均賦落英

又

龍門賀客快仙登月樹雲梯次第升東郭野陰春  
淡洩西山爽氣晚稜層坐中人物金閨秀醉後風  
神玉鑑澄明日藥劑原有約不妨談笑繼華燈

午日玉延亭宴集限韻

酒闌徐步小園東習習涼生白苧風滿院荷香消  
醉盡隔簾花氣浥塵空歌聲遠過林雲靜杯影清  
邀海月同翼翼新亭規畫勝高文誰頌梓人功

夜飲陳玉汝黃門宅限韻

幽齋清絕喜追從小徑蒼苔印屐蹤彷彿西河瞻



月兔還如東野逐雲龍百年韋杜斯文在十日琴  
尊此會重乘輿不妨歸騎遠晚來涼吹滿高峯

送天寧敬堂住持

金刹東來第一山白雲深處翠微間錫飛滄海人  
初到月照空林鶴正還庭竹有情餘舊綠石苔無  
恙長新斑蒲團未了浮生話安得相逢半日間

題章黃門鑑畫菊卷

新築幽亭菊數叢花神意匠兩爭工百年幾向東  
風下一卷長留故篋中風雨滿城無去燕江湖隨

地有來鴻屈醒陶醉皆天趣未信青銅鬢易逢

輓翁司徒

民部超遷 雨露寬平生勲業在 朝端老成經  
國紆籌策談笑逢人見肺肝卧病忽驚南菊老行  
旌無奈北風寒欲知身後文名在試向冰崖集裏  
看

送郭都憲左遷射洪

往年持節向雲中笑擁青油幾夕同霜滿栢臺秋  
氣肅烽消羽檄虜塵空離情無奈看春草世事還



須問塞翁萬里蜀川君獨去射洪新酒勝郫同

送過大璞憲副江西

會同鸚薦上金臺雲路先登亦快哉兩度水曹看  
異績十年秋署識竒才風霜南國乘驄去桑梓東  
湖衣錦來獨愧一官無寸補江天落日首重回

送友人歸山

茅屋江邊趣不稀休論塵世是還非尊前白髮添  
明鏡籬下黃花映舞衣 廊廟深憂謬老在尊鱸  
信美幾人歸聞來獨把青藜杖滿目雲山繞翠微

賀鏡川楊學士誕

一星光映紫微垣此日高堂酒滿尊上壽身初逢  
下壽三元人復愛中元凝凌羣從俱登第游夏諸  
生半在門更喜白頭供奉地 青宮黃閣總 天  
恩

送黃良璧亞叅赴湖廣

八月星槎動漢旌秋風吹過石頭城南藩早付承  
宣寄東掖猶傳諫議名別後懷人逢短札向來憂  
國見平生同年契分君應最此日分携不盡情



輓邊都憲父仕遠公

驅馳萬里詠皇華  
民部超遷績更嘉  
老去鏡中看白髮  
歸來林下對黃花  
蘭芽分植庭堦秀  
鸞誥移封寵渥賒  
一代典刑今已矣  
高山仰止不勝嗟

送馮佩之提學二首

十載西曹案牘勞  
一官南國旆旌高  
風烟遠道心猶壯  
鵬鷲青天氣亦豪  
候鳥可教音杳杳  
離杯那復醉陶陶  
文章價比千金重  
已覺浮生等一毛  
天上懷人思欲飛  
萍蓬踪跡竟何依  
楚雲燕樹關

心遠白雪陽春到耳稀  
江水有魚書可寄  
草堂無酒興多違  
坐聽門外蕭蕭雨  
落盡秋梧客未歸

題胡氏賢行傳

淚垂霜刃痛何深  
割股年來爲藁砧  
義似睢鳩應更峻  
方窮扇鵲已難尋  
疾風勁草看孤節  
白日青天照此心  
奇事今收劉向傳  
姓名西蜀重南金

塵尾壽周原已父

越山奇種最風神  
長尾蒙茸色更新  
短柄手中持白玉  
清風坐上辟紅塵  
松枝折代元非偶  
瓊樹相



將自可人知是人間麋鹿侶贈君逢祝壽千春

送屠朝宗都憲總督五嶺

稜稜白簡肅都臺尊席雄班亦壯哉鷹隼秋霜資  
搏擊麒麟閣上看崔巍嶺吾合作中州鎮文武誰  
當濟世才好似韓公詩祝鄭送君遙去望君來

次林待用左遷姚州倅韻二首

天涯耐可故人辭別夢春愁兩不支夷徼山川非  
子病 朝廷臺閣付誰宜一肩行李囊無物千古  
常贈有詩宇宙姓名君實大清風先已頌童兒

賈誼何須賦楚辭萬鈞九鼎力能支江湖路遠身  
仍健天地恩深罪亦宜去國尚存孤郡檄愛君  
真見數篇詩驅馳聞說將家便猶學當年戲綵兒

送卜從大一首

八月西臺風月清驪駒一曲送君行仙槎影動星  
河遠使節 恩霑雨露榮白雪自應輕下里青蠅  
元不汗連城岳陽樓上登臨日憂樂應懷范老情

怡蓮

背郭茅亭一丈寬晚涼清興繞闌干香分玉井秋



大和堂 卷二  
逾遠夢入銀塘月正寒千古遺文傳世業百年幽  
賞付儒冠花中君子人爭愛誰復春園問牡丹

送張憲副廷芳

駢駢班馭儼神仙身近蓬萊尺五天 玉陛定陳  
金鑑策皂囊曾貯白雲篇 朝端故舊離情繫節  
下蒼生望眼懸佇種甘棠滿南服台星卿月待超  
遷

使節南巡道路長憂時早已鬢毛蒼三春甘雨蘇  
周敝兩浙清風擅激揚壽祝華封 丹旆近霜飛

閣樹繡衣香朝來行李平增重 內帑宮筵疊

寵光

送石宗海提學江南二首

一別淮南又幾年相逢青鬢故依然平生報國  
心曾許遠道懷人夢亦牽棊樸正歌文化盛雲霄  
方美 寵恩偏宦游踪跡應難定祖帳離杯惜共  
傳

洛陽桃李滿門栽化雨長隨使節來一代儒師歸  
憲府萬方文物共春臺朝天已效華封祝琢玉還



須匠石才明日驪駒又行色都門南望首重回

懷張廷芳

清江浦上重逢處白馬湖邊又獨行一日暫違人  
兩地片帆高掛月三更微茫菱葉蛙聲亂突兀波  
心塔影橫瓜步雲山看漸近相期吊古不勝情

居廉信公文集卷之二 終



屠康僖公文集卷之二目錄

七言律詩

清源阻舟二首

阻風渡口驛簡趙繡衣英

舟至天津

送趙都憲陞大理卿二首

過吳江垂虹橋別趙栗夫

寄次林緝熙教諭韻

過吳江三忠祠



宿金山寺二首

謁亞聖公祠和馬都憲韻

和馬耿話舊韻

和包汝調話別韻

道中卽事

次司馬通伯二首

送何司寇還朝

贈星士

送白亞卿進表

送徐用濟太守二首

送吳希瞻舉人歸平湖二首

懷同年董尚矩兼柬張廷祥

竹庭

賦可筠

送婁郎中治水

送楊應寧憲副提學

送翟廷瑞都憲巡撫山西

送延平李垣監生昆仲



賀葉崇禮誕子

離亭倡和三首

次陳時安憲副韻

輓傅曰川尚書

輓通政王君敞父母

中泠泉送費司業

送梁洗馬交南

送金寺丞便道歸省

送陳玉汝往湖廣勘王府

送畢嘉會方伯

輓董尚學司空同年

輓梁廷美戶部尚書

題亞卿張君憲光後堂

送陳玉汝都憲南臺兼操江

謝大理諸公

送楊尚綱江西憲副

輓項襄毅司馬

送楊紘立修書成還南



送金德綱考績

輓伏羌伯銳乃祖

次楊應寧韻

送金德綱南臺長憲

和王良璧都憲喜雪韻

送耿秩宗還京

送葉崇禮之廣信

題春野卷

送張虞咨南京左府都事

題楊太常旦貞母卷

送曹時中憲副江西

輓陳玉汝都憲

送南京顧員外綸

送朱儀夫還自嶺南口

送朱郎中恩憲副河南

送徐文莊從調之京

送陸鼎儀

送毛德輝上舍東歸



題江山一覽亭

送楊碧川入修史

和吳元博東閣閱卷韻

述懷

和錢僉憲韻

送曾侍讀入修史

和顧良弼龍興寺樓韻

贈徐景湯醫士

題吳江周舉人經魁冊

過山海登南海口二首

過密雲

過居庸關

漢兒營空曠疏止之

薊州除夕待旦二首

和周伯常誕日韻

次韻述懷

弔于肅愍公

過廣信



舟中述懷無酬贈行諸老

過南浦驛

章江倡和

題王刺史世英恩養堂

過長沙贈鄭太守

贈楊志仁別駕

阻風臨湘驛謝鄭楊二公

送林緝熙掌教嚴州

輓陶給事諧父竹軒

輓新寧伯祖

題戴銑桂巖書院

謝謝方石催子入太學

贈余相士四明人

和馬宗勉馬天祿見懷韻

送梁叔厚弟太倉學正

送何世福通判饒州

賀楊太理誕日用舊韻

輓張時達工部亞卿



壽馬天官

和白太保 賜麟服韻

送南安吳同知希瞻二首

送錦衣千戶吳端卿還嶺南

赴顧良弼戶部招次韻送明仲二首

賀屠丹山領父母 誥命是日微雪

賀侶大器誕辰無生孫

三原王冢宰壽九十有 詔存問

次三原王冢

人日立春

入功德寺

尋西湖源

往香山

過別墅

坐來青軒

觀泉

往平坡

宿僧房



太和堂 卷三目錄  
曉覽寺景

再入功德寺

遊玄通寺

遊善應寺

入山途次口號

送毛惟勤僉憲山東

送張奎指揮杭州

甲子元日

卜郊看牲二首

郊祀人日在神樂觀作

中元謁陵

齋居午朝

讀騷有感

看牲 郊次王守溪韻

奉天殿侍宴 慶成二首

郊壇迎 駕次吳匏菴韻

清明謁 陵和白秉德韻二首

次韻酬焦孟陽吏部



次李亞卿遣代天壽山祭告二首

郊祀訖事送少司徒顧同年

憶故廬

東閣閱卷次吳匏菴韻三首

送 太皇太后梓宮入山陵二首

奉 孝宗梓宮入山陵四首

太皇太后禫服陪祀三首

祈雨齋宿

分獻再用原韻二首

冬至前一日謁祀 西陵

寒食陪 祀宿昌平

三月初十夜陪祀

次韻送楊邃菴都憲督馬西秦

送于京兆景瞻致仕二首

奉使河間九日次高都憲韻六首

送登江夏惠南歸

賀劉文和乃郎中書汝忠生子

限韻二首



輓毛郎中父允常

輓崔尚書

立春自述

送熊汝明大叅

酬司馬輕

贈原善賈御史

與柳廣同發嘉興

次彭司寇韻

再次

次遣中貴 賜寶鈔羊酒

輓黔國莊敏公平江陳公豫

和馬天祿疏止死刑

送司馬公輕赴長沙司訓

憶先穉二首

瑞蓮次韻

詠荷

贈劉時亨

賦橫雲山



壽羅洗馬母七十

送熊大使往泰州分司

贈謝達本還淮陰

送黃仲弘告病歸莆二首

送柳拱之乃翁

鸚鵡洲

輓陸孟昭

送邵文敬使宣府大同賞功二首

輓彭敷五

保安寺僧房

玄孫男元侯校刊

目錄

六印堂

卷三目錄

十一



屠康僖公文集卷之三

七言律詩

清源阻舟二首

黃沙漠漠柳陰陰  
盡日孤舟野水濤  
薄劣何心訟  
風伯天王有意禱  
桑林春深漢苑鶯  
聲早書遠吳  
門鴈影沉一夜月  
明千里夢思鄉  
望國正難禁  
孤舟十日阻清源  
望盡吳山是故園  
白日短琴聊  
適興綠波芳草易  
銷魂回天有疏  
憑誰獻報  
主  
無能祗自論一段  
幽懷何處寫  
隔溪燈火又黃昏

NATIONAL CENTRAL LIBRARY, TAIWAN, R.O.C.



阻風渡口驛簡趙繡衣英

南客懷歸東復東，行行日日打頭風。一年寒食春將暮，咫尺清源路不通。范老未能忘世故，阮生何用泣途窮。栢臺柱史深知已，準擬維舟一笑同。

舟至天津

旅食京華春復春，南轅北轍敢辭頻。雲霓望斷河流淺，燈火人稀野市貧。鴈影拂烟歸極浦，櫓聲搖月下前津。如何行處多榛莽，不是觀風亦損神。

送趙都憲陞大理卿二首

駟駢班馭勝登瀛，共羨中丞拜列卿。唐任元衡真宰相，漢稱張釋老刑名。三吳地遠甘棠在，九棘天高玉鑑明。他日超陪應未卜，雲霄回首不勝情。

送客禪林花竹深，坐依蘭檻散幽襟。峯巒東去參天秀，湖水西來入座陰。萬古登臨皆寄跡，百年離合幾知心。明朝又向江亭別，極目孤鴻思不禁。

過吳江垂虹橋別趙栗夫

垂虹亭下暫維舟，坐對長風酒力柔。千里蒹葭橫一鴈，三年湖海狎羣鷗。萍浮踪跡終難定，鵬運功



名早已酬把袂臨江秋興遠吳山斜日正悠悠

寄次林緝熙教諭韻

十月孤舟渡水涯酒醒波靜看汀花停雲渺渺今  
宵夢斜日悠悠何處家小徑過從情正洽長篇投  
贈句還嘉文章宇內聲名在不用秋乘海上槎

過吳江三忠祠

三忠祠前江水清扁舟繫岸風日晴吳楓落葉動  
秋興陶菊餘花鍾我情芳蘭況有素心在舊雨更  
憐青眼明擬挽長戈駐斜照謾碎鱸膾供蓴羹

宿金山寺二首

癯然鶴骨是吳僧邂逅中峯興偶乘納納乾坤人  
自老峩峩樓閣我重經金鰲下瞰千峯月灑海孤  
鷲萬里鵬欲問龍宮深幾許梯雲還踏最高層  
大江中起一峯高潮落江門繫晚艘山色似憐秋  
鬢好風波不啻客程勞天留勝槩宜詩句地絕塵  
氛任爾曹鐘鼓不鳴僧入定冷泉一勺醒春醪

謁亞聖公祠和馬都憲韻

巖巖遺像儼當時門下千年有退之道管人心終



不死力排異說敢爭持山靈遠護宮墻舊夜氣清  
涵草樹竒文緒茫茫誰復繼後生仰止不勝思

和馬耿話舊韻

東兗朝經暮宿鄒從來鄒兗地相繆諒陰高帝方  
思說熙洽成王已相周敢謂揚清須激濁也知後  
樂本先憂夜燈候館成深坐石鼎茶香散碧漚

和包汝調話別韻

未休休厭北山文不飲懷人意亦醺寒滿征袍廻  
雪騎春先歸夢繞江雲風濤撼激河流駛竹樹葱

茸嶺路分乘輿遠遊聊復爾空疑剡棹不逢君

道中卽事

五日新年兩日程官情離思一時并維車虎嶺看  
何峻空我龍浮愛此清竹影暗隨簷溜下水又欲  
與路岐平無端更作江南夢賦得梅花句不成

次司馬通伯二首

春雲飛盡午天寬坐愛梅香已破酸千里烟花今  
夕共十年湖海此盟寒迂疎我拙時空晚諫疏君  
多世却難兩夜江千愁不寐直依南斗望長安



御史行臺花木稠竹林梅塢坐消憂青雲高興朋  
簪盍白雪新詞卷墨留何處短書來驛騎誰家長  
笛起江樓巡簷索笑忘歸路落日飛鴻送遠眸

送何司寇還朝

九重有詔趣還京去任公應繫重輕周室舊稱司  
寇獄虞廷今賴士師明天顏咫尺瞻宮仗仙珮  
委蛇聽履聲却恨後生南望遠三台高處不勝情

贈星士

客子談星術最神一時聲譽動朝紳酒壺相對青

春好詩卷交題綵筆新天地此生難自料萍蓬隨  
處任吾真憑君問我鷓行舊誰是夔龍許國人

送白亞卿廷儀進表

祥雲瑞日滿 楓宸 聖壽宜過億萬春靈繞  
龍函符 睿算香分螭陛肅臣鄰 堯封共賀三  
階正禹貢同看五玉陳南國小臣瞻拜地夢隨仙  
履上星辰

送徐用濟太守二首

十年霄漢到鴛行五馬行行倍有光郡邑久還周



揖讓君侯復繼漢賢良  
千山草色經心亂  
六月荷花拂棹香  
却憶風流雙皂蓋  
此心真與海天長  
財賦東吳甲數州  
使車欲別更攀留  
官清未必緣詩苦  
髮白多應爲國憂  
天北天南同醒眼  
江花江燕待仙舟  
春風萬戶棠陰裏  
竹馬兒童不解愁

送吳希瞻舉人歸平湖

而翁同里又同年  
英妙承家世所賢  
渥水神駒元不忝  
丹山雛鳳豈虛傳  
束書且放東湖棹  
獻策遙瞻北極天  
溫飽平生非子願  
古人勲業在交烟

夕陽望望白雲歟  
又逐歸心到海涯  
行止總爲吾道計  
浮榮一任俗人誇  
如予樗散叨微祿  
似爾文章亦大家  
萬里飛騰方拭目  
好將春札報京華

懷同年董尚矩兼柬張廷祥

秋香畿甸校闈開  
太史持衡簡命來  
江右文章歸二妙  
斗南人物近三台  
虛堂撤幕塵氛淨  
永夜篝燈曉漏催  
濟濟英賢誇盛集  
一時風雅賴君裁

竹庭

白日庭幽滿綠筠  
此君瀟洒迥無塵  
夷山高節應



同調蔣徑清風已卜隣  
夜月過林巢鳳起春雷動  
地籀龍新南溪聞說饒千畝  
何日相過問主人

賦可筠

鷓湖曲曲水泆泆卜築惟應可  
此君微雨過時天  
作晝涼颼動處日難曛  
王猷往事憑誰詠袁尹高  
風得世芬珍重琅玕今幾丈  
會看空翠拂青雲

送婁郎中治水

聞道黃河濟洛渠  
喜承鸚鵡刻復何如定  
知國餉資長策細考泉源續誌  
書士爲酬恩心不負公方憂

世術非疎古來豪傑成名者多在逢時感激餘

送楊應寧憲副提學

嵩呼禮罷曉辭朝  
惜別無因一解鑣  
二十年餘交誼舊  
四千里外客程遙  
斯文有子非留滯  
大雅何人繼寂寥  
珍重西行歸及早  
老夫拭目望雲霄

送翟廷瑞都憲巡撫山西

臺端望重絕躋攀  
三晉雲山指顧間  
使節未離瓜步道  
春風先度鴈門關  
安邊有計輸心赤  
問俗多勞益髻班  
他日政成爲國瑞  
九霄爭覩鳳麟還



送延平李垣監生昆仲

猗猗仙李世芬芳道至延平日月光人向先賢觀  
嗣續我於爾輩憶門墻堯天蕩蕩 恩波潤閩水  
迢迢鄉夢長三載歸心知有在莫教春草遍祠堂

賀葉崇禮誕子

克閭有象夢先知天上麒麟始誕時注水神駒何  
是算丹山彩鳳未爲奇百憂已喜君無累五十誰  
云子太遲爲祝公侯應袞袞瑞圖還續老夫詩

離亭倡和三首

棘寺南來又七年鶚書眞荷 聖恩偏力疲盛暑  
當三伏心愧非才已五遷天地有容身尚健涓埃  
無補夢猶牽却憐鮑叔深知已明發江亭意惘然  
樗散悠悠老髻侵姓名何意列朝簪兩京竊祿  
恩殊厚十載司刑念亦深 欽恤敢忘 明聖詔  
平反聊慰母慈心極知忠孝吾生事獨愧疎慵力  
不禁

龍江江泊晚風清又是趨朝第一程穩坐中流看  
月色狂吟五夜聽潮聲身逢堯舜千年聖夢想夔



龍萬古情四十悠悠無寸補空將書劔說平生

次陳時安憲副韻

三千里外駐行騶二十年來感舊遊同榜姓名知  
不負平生膠漆分相投元龍老氣秋天杳徐孺清  
風夜榻留一笑燈前明又別江湖萍跡漫悠悠

輓傅曰川尚書

訃音何意及名公台斗清華古秩宗論事可能忘  
李絳校文空自憶揚雄 明廷禮樂功何盛奕世  
詩書道豈窮回首楚江丹旆遠心香一瓣爲南豐

輓王通政敬父母

伉儷如賓早著名衣冠先後沐 恩榮江湖不忘  
憂時念里閭都歸義士評無復板輿娛暮景空餘  
綵服象平生煌煌 卹典同埋玉萬古輝光照九  
京

中泠泉送費司業

金山寺裏此名泉一別金山已十年香美未論牛  
乳並品題曾向水經傳月臨島嶼天河近江作波  
濤地脉連今日我來尋舊約禪厨詩榻故依然



送梁洗馬交南

宮僚使節下交南  
華國才猷事事堪  
周室馳封恩最渥  
越裳修職分能甘  
伏波銅柱供清眺  
勾瀆丹砂漫劇談  
莫爲晝遊虛講幄  
早將歸珮理朝

送金寺丞便道歸省

司馬高名未老親  
錦衣稱慶繪圖新  
晝遊乘傳方爲便  
鄉夢還家未是真  
千里江山隨使命  
百年忠孝屬吾身  
龍媒一顧俱增價  
歸散沙場首宿春

送陳汝玉往湖廣勘王府

紫宸朝罷送行時  
爽氣西山別袂知  
拜勅敢忘嚴命重  
贈言非止故人私  
皇華駟牡車徒盛  
秋水芙蓉歲晚宜  
此去宗藩吾什託  
二南江漢美周詩

送畢嘉會方伯

廿載交游鬢二毛  
飛騰今日冠時髦  
剛方真古包京兆  
曠達非前畢吏曹  
淮海轉輸饒國計  
湖湘叅佐足賢勞  
從頭課績君應最  
指日天書下寵



褒

輓董尚矩司空同年

策獻天人董子奇詞垣講幄共稱宜  
文章法在諸生誦啓沃功多  
聖主知百揆功名收史冊兩朝  
人物見風儀同年契分君應最淚  
逐江流不盡悲

輓梁廷美戶部尚書

堂堂南省大司徒冰蘖清聲重兩都  
共說蕭曹司國計早聞韓范握兵符  
九霄倦翼冥鴻遠萬里歸心老鶴孤  
悵望高風今寂寞空歌哀此奠生芻

題張亞卿憲光後堂

居然堂構鼎新圖九世同居世更無  
風月儘教償舊主溪山元不負今吾  
完歸似信相如壁去復真隣合浦珠  
從此青雲看接武故家門閥盛文儒

送陳玉汝都憲南臺兼操江

禁柳園花滿眼春登仙誰似此行真  
北臺望重風霜舊南國官高雨露新  
龍勅江巡天浩蕩豸冠山峙玉嶙峋  
獨憐五老簪纓會詩社分明少一人



謝大理諸公

九棘門高不易登諸公才望合蜚騰自公多暇逢  
三益錫我芳筵重百朋意氣總如清廟瑟丰姿端  
比玉壺冰酒酣却愧萍蓬跡竊祿無能老齒增

送楊尚綱江西憲副

洪都大府是監司象簡金緋得  陞辭持命正須  
峩獬豸埋輪元不問狐狸熟知畫省閒刀筆好種  
甘棠滿路岐歸拜親闈行及早雲霄勲業有前期  
輓項襄毅司馬

大臣謀國與身妨前輩儀刑耿不忘論事諫書存  
史冊出師功業者邊疆誰云俎豆非軍旅我識江  
湖亦廟堂寂寞宣公千載後有如襄毅可增光

送楊維立修書成還南

三年奏績覲  承明史館還應待老成國有典謨  
須手筆官增祿秩更光榮山公藻鑑今猶昔蘇氏  
文章弟與兄南去銓曹人物地清高何必論登瀛  
送金德綱考績

總憲司戎六歲過銓曹引奏上  鑿坡分明  天



語恩波濶蹇諤臣躬政績多入座超資存故事西  
江問俗有遺歌向來報國平生念老大相看意若  
何

輓伏羗伯銳乃祖

百戰沙場破虜雄嚴霜列日見孤忠千年事薄雲  
霄上一翦身亡草野中漢有大風歌猛士周存元  
祀紀宗功峩峩 賜額 皇恩重武勇徽名奕世  
封

次楊應寧韻

太常曾說日知賢典禮如公更歲年可是玉皇香  
案吏紛騰紫府羽衣仙步隨 丹陛星辰地身切  
青霄雨露天 郊廟禮成公暇日霞觴長得醉華  
筵

送金德綱南臺長憲

九重新命下朝端雅望真宜總鐵冠老去承 恩  
雙鬢白向來憂 國寸心丹紫金山色隨朝爽玄  
武湖光帶月寒最是栢臺清絕地公餘得句寫琅  
玕



和王良璧都憲喜雪韻

長空漠漠晚雲重  
玉雪霏霏逗遠風  
一語回天封事密  
六花鋪地瑞光濃  
君臣已幸時相會  
麩麥何憂歲不豐  
坐見陽和生海嶽  
誰云寒蠶困魚龍

送耿秩宗還京

三遷八座兩京名  
吏部文章老更成  
司馬舊推蘇軾望  
秩宗今見伯夷清  
敢於相業論門閥  
還向台堦憶履聲  
詔遣遺歸歸莫緩  
好將忠赤佐皇

送葉崇禮之廣信

信美東南第一州  
名山勝水信難儔  
宦遊是處皆羈旅  
公道何人爲挽留  
同俗定興劉氏學  
乘閒還上翠微樓  
循良有傳君居最  
舊日裴公今葉侯

題春野卷

寄形宇內寓名新  
吏隱分明物外身  
浩浩八荒皆我闥  
茫茫四海亦比隣  
藩籬剖破有餘地  
爾我相忘無限春  
千載淵明與康節  
樂天此意竟誰論

送張虞咨南京左府都事



嚴翁勲業重朝紳節操如君復幾人  
潞水暖宜天上楫留都官稱幕中賓  
黃焚壠栢恩重責春到堂萱老更新  
年少宦游誇畫錦五峯晴色照蒼旻

題楊太常旦貞母卷

共姜大節存穹壤孟母芳聲播古今  
指日誓天孤子念春暉寸草百年心  
玉顏未老山同壽恩命無涯海共深  
試看相門忠孝傳清風瀛得遍詞林  
送曹時中憲副江西

玉雪丰姿凜豸冠從容進退古人難  
別來北鴈誓全少歸去東籬菊未殘  
白髮青山吾願足扁舟滄海聖恩寬  
同年契分如君幾尊酒何時一解顏

輓陳玉汝都憲

玉毀山頽已隔年訃音今日是真傳  
延陵欲掛留徐劔刻曲空回訪戴船  
綠野勝遊悲舊榻皂囊封事泣高賢  
傷心最是臺前栢幾度臨風一泫然

送南京顧員外綸

棘寺南宮舊有聲秋曹遷轉疊恩榮  
身依北



闕踰三月家去南都祗數程雲影半隨瓜步道江  
流長遶石頭城太平門外當年路山色湖光盡裏  
行

送朱儀夫還自嶺南口

江湖浪作子長遊肯信明珠尚暗投謫宦未忘憂  
國計還京先慰倚門愁百年事業須鍾鼎萬里風  
波寄葉舟同榜故人今漸少別情無賴是東流

送朱郎中恩憲副河南

白簡緋袍凜豸冠曉來辭 陛出長安中州共說

非常省憲副都稱最好官搏繫鷹鷂今日易羽儀  
鸞鳳古人難行行記取西曹筆散作陽春萬戶歡

送徐文莊從調之京

西風別意滿青山冠蓋相逢改壯顏霄漢有情人  
北去鄉書無恙鴈南還江頭碧樹三秋遠籬下黃  
花一笑間捧檄寧親歸及早錦衣應勝舞衣斑

送陸鼎儀

吏隱無名去任閒北來未久又南還詩書器業箕  
裘外忠孝聲華父子間鏡裏漸添新白髮夢中猶



大和堂 卷三  
憶舊青山紫萸黃菊應無恙歸向東籬倚醉顏

送毛德輝上舍東歸

夜尊賓榻坐移時童稚交游已鬢絲豐劍尚看沖  
斗在毛錐今試出囊竒南朝烟月將歸夢 北闕  
風雲待宦期春及一陽家慶好 堯天無地不恩  
私

題江山一覽亭

納納乾坤一草亭坐臨寥廓眼長醒九江東去原  
同碧五老南來不了青太史新文傳已遍尚書遺  
墨記曾經故家文獻應無恙千古風流重典刑

送楊碧川入修史

玉署才名伯仲齊九霄端合鳳鸞棲千年與冊歸  
彤管一代 恩榮荷 紫泥金榜共推君甲第省  
闈會冠瀾東西登瀛 賜炬皆文老天上星躔正  
聚奎

和吳元博東閣閱卷韻

天開閭闔散繁陰 紫極中間下 德音策試治  
安今日事耻於温飽此生心昭回 睿翰雲同爛



浩蕩 皇恩海共深東閣趨陪叨異數喜收崑玉  
間荆金

述懷

憲節煌煌駟牡駢越雲吳樹轉霏微近人花鳥沾  
春雨到處江山感客衣世事短長身未定平生經  
濟願無違草堂白髮青尊酒愁見關河一鴈飛

和錢僉憲韻

二十年前共省堂別來玄鬢爲誰蒼人胡傲吏非  
狂亦漫狂白雪調高珠在側清霜威

重晝生涼欲知烏府聲名舊荀令依然席尚香

送曾侍讀入修史

玉殿傳臚第一人平生忠孝不謀身北門供奉詞  
垣舊南甸 恩書驛召新文譽子瞻推獨擅史才  
曾輩更誰親 堯天蕩蕩垂謨烈直筆煩君用意  
真

和顧良弼龍興寺樓韻

飛甍傑構介洪禧突兀當窓面面竒千里江山開  
寶刹萬年香火集沙彌宿雲伴月心同寂片石孤



六和堂 卷三  
松老不衰從此淮南增勝槩龍興偉蹟野人知

贈徐景暘醫士

南湖背郭石橋東竹徑花畦曲砌通蘇橋有泉千  
井綠董林無恙萬株紅酒多賢聖尊常滿藥富君  
臣坐不空欲續宋清當日傳知君不愧古八風

題吳江周舉人經魁冊

鹿鳴歌罷理歸艤大捷詞場氣未降天地有文垂  
不朽東西得士已無雙風回却桂香隨月霜老吳  
楓影入江自是科名堪遠到古來儒術可經邦

過山海登南海口二首

形勝真成虎豹關我來巡歷重躋攀茫洋大水南  
通海迤邐長城北際山西制封疆連萬戶東屯兵  
甲控諸蠻諏詢有命憂難副不爲風霜點髭斑  
麥穗林花覆瓿斑肩輿行處雨初乾入雲鳥道蕭  
家嶺撲面烟嵐山海關兩月飽看形勝裏半生理  
沒簿書間前程更說熊兒谷渴吻人多乞水還

過密雲

野戍蒼茫過密雲潮河古北岸平分山尖人影空



中語澗底泉聲月下聞欲鑄龔黃留善政寧無頗  
牧奏竒勳激揚却愧吾才拙未有涓埃答 聖君

過居庸關

玉關天塹壯登臨百二山河隔虜音兩澗合流聲  
浩渺千林環翠氣蕭森駝峯虎峪高還下琴峽湯  
泉古又今老我等邊無一策祇將風物付微吟

漢兒營空曠疏止之

麻谷山頭日夜輝蜿蜒迴抱路霏微產生石竇知  
形異汨沒沙泥識者稀大禹奠區金作貢相如奉

使壁完歸珠厓漢棄榮前史直寫愚衷達 帝畿

薊州除夕待旦二首

星軺歲盡尚邊城坐擁重裘夜徹明官炬謾勞花  
有信屠蘇莫訝酒無情江梅遠道遲來使塞草嚴  
寒老戍兵白髮可云摧膽氣丹心元不負書生  
今夕無端感慨頻更籌欲盡歲華新卿雲瑞日開  
黃道鳴玉鏘金覲 紫宸五十正逢將老境涓埃  
應愧未歸身太平有象邊無警遙祝重華億萬春

和周伯常誕日韻



相業儒聲起晉陞英賢降嶽福宜綏山濤藻鑑人  
難遁韓愈文章世莫窺 魏闕天高卿月正漢關  
霜冷旅鴻遲別來無限三秋意一度懷君一誦詩

次韻述懷

行臺高對碧山陞圻甸周巡荷 寵綏撫字可忘  
今日計忠良直向古人窺風塵關塞憑誰靖歲月  
頭顱祇自悲有約束籬何處是不逢黃菊也題詩

弔于肅愍公

不世奇才益世名力扶社稷定 神京回天奏疏

宣公筆制虜神謀范老兵 三聖褒忠恩獨異一  
時奸黨恨難平穹祠岳廟相隣近仰止高山萬古  
情

過廣信

使事郵程日共催玉山回首石崔巍櫓聲咿嘓中  
流下樹色蒙茸兩岸開片片白鷗隨浪去盈盈紅  
杏出牆來春風到處皆詩料老我無心亦漫裁

舟中述懷兼酬贈行諸老

星槎南望北辰尊捧節宣 恩下 楚藩周鼎分



封森玉葉隋珠投贈總詞垣吳山越水舟中景岸  
柳園花野外村肉食可能忘寸補愧將書劍老乾  
坤

過南浦驛

二十年前此驛亭官僚邂逅眼俱青滕王閣浸碑  
文蝕鐵柱觀仙雲水冥萬里壯遊司馬癖三湘幽  
恨屈原醒觀風弔古王臣事獻納無能愧使星

章江倡和

花柳江城淑景和洪都勝槩飽經過官清使節隨  
甘雨野曠農疇繞綠波南浦晴光朝日麗西山佳  
氣晚霞多廿年南國重來地詠罷諏詢愧我何

題王刺史世英恩養堂

三十年來幾別離袁州邂逅鬚俱絲睽違每作燈  
前夢恩養初題卷裏詩王氏孝親家法在韓公忠  
國郡人思知君兩字平安意勲業終償歲晚期

過長沙贈鄭郡守

南都一別十年期邂逅江城慰所思白首心知同  
鮑叔清襟愛客是當時醴陵忠烈祠宜葺湘水英



鬼事可悲極目山川無吊古僕夫應笑我行遲

贈楊志仁別駕

故人相見問京華藉甚才名衆所誇臣節風霜猶  
別駕 聖恩江海且長沙湘潭草綠將情遠衡岳  
峰青入望賒須信飛騰今日地朱應踪跡向天涯  
阻風臨湘驛謝鄭楊二公

使旌迢遞此經過白浪翻空阻渡河頭上有天皆  
雨露人間無地不風波千峰樹色陰雲合萬頃湖  
光夕照多東道斯文非二妙阮途其柰客愁何

送林緝熙掌教嚴州

吳越相看總故鄉公行吾道有輝光阜比坐擁蘇  
湖教絳帳班分弟子行忙裏光陰身易老靜中魚  
鳥意都忘子凌臺古碑文在遙望山高與水長

輓陶給事諧父竹軒

諫垣 封勅下清門力疾猶堪謝 寵恩伯玉年  
華身易老燕山桂種葉仍繁寧無屐齒留松徑尚  
有書香滿竹軒愁絕孤雲游子淚遺名鐫石賁高

原



輓新寧伯祖

崇安壯節儼祠堂  
翊運功多世可忘  
英鬼不隨雲  
共散丹心應與日爭光  
聖恩褒卹乾坤大  
歲禮輝煌黍稷香  
天下倚安公望重  
勲名無愧郭汾陽

題戴銑桂岩書院

桂岩仁里接翁村  
舊構新成世業存  
白鹿洞高堪共語  
睢陽名重複誰論  
百年文獻宗應大  
數仞宮墻道益尊  
邛桂森森方未已  
諫垣風采又諸孫

謝謝方石祭酒催子入太學

自笑忙官有底忙  
秋霖連日往回妨  
數年別後新詩少  
一紙書來故意長  
且向關閤尋入道  
敢從游夏問升堂  
斯文無限通家念  
越水吳山本一鄉

贈余相士四明人

柳莊竒術幾人傳  
再見京華已隔年  
李珣珠庭非浪語  
班超燕領豈徒然  
吾生蹇拙天難問  
品物差池理又玄  
自信儒門元有相  
古來說相有遺篇

和馬宗勉馬天祿見懷韻

棘寺容臺有二卿  
憐君倒履爲予迎  
青春謾負金



尊約白雪虛尋石鼎盟一代人豪當北斗千年文  
體學西京酒酣吟罷多餘興醉眼猶堪一局枰

送梁叔厚弟太倉學正

伯氏才名切紫霄廣文官好玉爲標熟知學校司  
風化尚憶蘇湖有教條際海連山佳麗地登金步  
玉 聖明朝他時欲問春消息還上怡亭看過潮  
送何世福通判饒州

彭蠡涵天倒碧波鄱陽山色擁青螺九賢堂在風  
聲簾五老亭高歲月多今日賓僚須贊畫古時循

吏豈催科伯兄契分同年最推轂無能愧我何

賀楊大理誕日用舊韻

嵩嶽鍾靈毓異賢卽看八座此時遷權來昨日還  
今日老去稀年又一年且向公侯誇袞袞更從瓜  
瓞賦綿綿同鄉同榜情無限莫道相逢亦偶然

輓張時達工部亞卿

抗疏歸林許乞歸孤帆回首宦情微 三朝人物  
從今少八十年華邁古稀旅襯遠隨南浦月春風  
空老北山薇 聖明卹典哀榮極莫道浮生露易



聯

壽馬天官

第一東曹最老成年躋耄耄位台衡九流人物山  
公鑒西夏聲名范子兵遇事感懷多奏疏忘家爲  
國本平生願公身比南山壽長抱丹心奉 聖明

和白太保 賜麟服

百獸誰如此獸祥織成雲錦 賜非常衣裁五采  
恩三接價重千金世什藏漢閣繪圖增物色周郊  
呈瑞倍輝光老臣報 國心如許司寇蘇公折獄

長

送南安吳同知希瞻二首

北來京國又南旋橫浦分符已六年謾向科名論  
世契更從盤錯見才賢敦願程珦誰爭長廊廟江  
湖意並懸歸拜嚴君如有問爲言吾老欲歸田  
西江佳麗說南安力役其如拯敝難節操家承爲  
今子催科政拙是能官引閩控廣封疆遠借寇徵  
黃 聖澤寬大庾嶺頭梅萬樹要將冰玉與人看  
送錦衣千戶吳端卿還嶺南



傾蓋京華未浹旬，盍簪高燕倍情親。幸看玉樹爲佳倩，坐接冰翁更可人。秋水白蘋詩興遠，錦衣烏帽寵恩新。嶺頭到日梅花發，兩地相思入夢頻。

赴顧良弼戶部招次韻送明仲二首

故交那可別，離年忽漫西。堂第一筵晚，歲冰霜心共潔。幾人膠漆分，同堅大丘雅。會星應聚徐，孺高風榻尚懸。惟有舊情今，不忘原留環。珮早朝天酒散高，堂夜色空十年。冠蓋兩京同，真堪壯節相。如重未信長途阮，籍窮鴈影暫隨雲。去北客心長，共水流東平。生道誼非然，諾往事心愁。一醉中

賀屠丹山領父母 誥命是日微雪

老臣抱笏上 蓬萊金殿瑤堦霽，色開瑞雪送冬三日盡盤龍迴。誥九重來天公我識爲祥意，郢客誰多作賦才。預報高堂今夕喜，壽星光彩祝三台。

賀侶大器誕辰兼生孫

年幾耳順逢初度，老我相過倒酒尊。秋榜預期雙桂子，春筵先賀一蘭孫。多才多壽君身足，加祿加



官我願存弱冠交游今白首歲寒心事復誰論

三原王家宰壽九十有 詔存問

武公盛德伏生年林下高風樂事全松栢孤標凌  
歲晚乾坤間氣毓才賢耆英洛社詩中見供帳都  
門畫裏傳初度正逢 存問詔皇華天遣一陽前

次三原王家宰韻

祖帳當時列國門悠然歸老信乾坤百年那可無  
間日舉世從知有達尊愛菊載開元亮運種瓜還  
卜部平園耆英聞說多高詠唾落珠璣五七言

人日立春

長言此日人爲日劉道今朝斗建寅世事不如鄉  
曲好兒曹爭喜歲華新梅花額遠休相問竹葉香  
清定幾巡更有辛盤風味別鬢邊金勝滿堂春

入功德寺

一入空門便覺寬恠來雀躍更蜺桓上方可許隨  
雲卧勝槩應難坐井觀三界尊嚴依寶樹千年功  
德護 金鑿憑高極目皆詩料何處鐘聲出樹端

尋西湖源



西來一泓見銀泓倒影琉璃萬丈清滾滾泉源浮  
地起涓涓寒碧照人明且於萬法觀雲水莫向三  
乘問海瀛坐久颯然毛骨爽不知塵世有塵纓

往香山

香山佳麗冠西山影帶湖天九折灣路入烟霞心  
自寂衣勾藤蔓手長攀隔林幽鳥窺人語對面高  
峰繞塔環不是老僧能愛客浮生安識此中間

過別墅

山腰丈室構初成地僻人間共有情滿眼天花開  
徑隔林鐘鼓報新晴風吹古木秋將老鶴下空  
庭夜轉清石溜潺潺峯轟轟與來還欲步前楹

坐來清軒

石床趺坐覺清嚴香茗曾無俗味兼山色傍雲來  
故榻秋光隨月度疎簾老松直幹重遮戶舊竹新  
梢欲過簷興到可能無秀句誰云貪佛我留淹

觀泉

閒看秋水詠滄浪野服臨流步晚涼漱玉鳴琴消  
俗耳涵空浴日浣詩腸半巖濺雪雲根遠一勺分



甘石髓香不識源頭來幾許  
滔滔今古爲誰忤

### 往平坡

四面雲山日易晡  
別開兜率問征夫  
重重寶樹皆禪境  
擾擾吾生亦宦途  
演法未窮三昧偈  
覺心還解六窓呼  
祇園卜築從今麗  
始信平坡勝給孤

### 宿僧房

宦味何如野味甜  
晚來幽獨更巡簷  
山空雲冥鳥棲樹  
鐘靜人稀香滿簾  
恠底佛身金作相  
遍題詩句筆摧尖  
紅塵歲月皆羈旅  
隨意行藏不用占

### 曉覽寺景

嵯峩丹碧耀林丘  
迤邐山川望未休  
北去風烟空絕漠  
東來瑞氣滿中州  
傳燈照夜龍觀影  
說法驚神石點頭  
滿眼風光題不盡  
獨慚卧病也神遊

### 再入功德寺

含衛城高枕碧湖  
天然絕勝輞川圖  
移居欲學雙林傳  
問訣還叅六祖盧  
沙界離塵空玉宇  
禪心如月湛冰壺  
酣餘睡思憑誰遣  
玉碗茶分竹裏廚

### 遊玄通寺



野色蕭條一徑通烟霞深鎖梵王宮芙蓉疊嶂晴  
雲外祇樹千尋夕照中始悟浮生俱是幻靜觀萬  
法本來空凌高絕頂驚昏黑何處金鑰逗晚風

遊善應寺

登登力倦且凭闌門外車塵了不關福地隨人成  
驚嶺勝遊千古說香山攀林風送窮猿落汲井雲  
隨老衲還蓮社交游今似昔隨緣信宿興非慳

入山途次口號

紫禁朝回曉氣清衣冠分隊五陵行修文偃武當

全盛歲稔人和共太平霜露沾濡周廟祀

鼎湖

瞻拜漢臣情天光如洗園林近忽聽中峰一磬聲

送毛惟勤僉憲山東

豸冠白簡被恩私颯颯清風滿路岐西署十年  
真法吏東藩今日又監司功名遠大從茲試吾道  
行藏信所之好爲澄清培植計星輶莫遣去遲遲

送張奎指揮杭州

年少芳名動縉紳錦衣拜秩寵恩新留侯閱  
餘千世卻穀詩書更幾人闕下祖筵冠蓋盛江



南春草夢蒐頻冰翁相見懽如舊驛報先煩慰老親

甲子元日

時序驚心苦憶家野梅開過有山茶謾傾栢葉杯中酒載頌椒盤昨夜花算老餘年猶掛曆履端嘉慶已宣麻平生報國才何補空向頭顱惜歲華

卜郊看牲二首

曉來微雨浥香塵夾道鳴騶擁從人禮重駢儀三省日郊當仲月兩占春相臣紀述裁詩緝聖主

殷勤屬意頻預整冠裾兼問候履聲先已到 楓宸

卜郊二月及春期雲護龍輿淑景移香散瑞烟

迎劍珮柳分晴翠上旌旗兵屯罷虎環圍肅食

賜夔龍步履遲天意分明歆大祀載歌周頌介繁

禧

郊祀人日在神樂觀作

乙丑年書不到人南郊叨奉屬車塵洪鈞應轉青陽淑中使恩頒玉饌頻紫殿香雲朝散彩白



頭花甲老逢春甘泉有賦誰堪獻巨筆掄揚在史  
臣

中元謁陵

秋入山陵景倍嘉松楸十里步來賒炎宵力倦  
頻衣樹渴吻詩枯屢供茶 弓劍埋藏深歲月  
鼎湖仙逝老烟霞禮成灌獻歸星散輦道香風送  
月華

齋居午朝

環珮齋宮擁 玉輿東風吹曉柳條舒彩雲滿路

鳴鸞近紅日中天 駢蹕初馥馥異香飄御苑紛  
紛 珍賜出天厨侍臣時復霑 恩澤拜舞堦前  
思有餘

讀騷有感

閒玩騷詞謾目評無端世變有餘情揚雄未可論  
同調賈誼真能起後生尺短寸長長是短鈞輕翼  
重重爲輕千年風雅須公繼我亦何心賦不平

看牲 郊次二守溪韻

詞林聲價重東曹獸錦猶存舊 賜袍丰采朝端



凌玉雪波濤筆底繼風騷烟中花柳將情遠天上  
橋山入望高瞻拜 鼎湖增感激誰云王事獨賢  
勞

奉天殿侍宴 慶成

少宰名兼漢史良 郊成侍宴日初長殿中樂奏  
簫韶曲天上 恩分雨露香海錯陸珍須 尚饒  
金鋪玉戶接 明光宮筵歲歲春如昨武烈文謨  
仰 聖皇

闔闔紅雲拂曉開千官環珮上遊來日華高映黃

金殿花氣晴熏白玉杯仙樂九成隨地徹 綸音

三接自天來廿年西署叨班末供奉無能得再陪  
郊壇迎 駕次吳匏菴韻

老臣供奉百年心 天子絲綸寵渥深良史共推  
司馬筆古音誰調伯牙琴瑤壇扈從春分綵內史  
傳宣曉 賜金咫尺威顏星履近真看鸞鳳集如  
林

清明謁 陵和自秉德韻二首

我馬西行力倦馳春郊又是一番奇山青雲白能



九卷堂 卷三  
醒眼柳綠花紅解索詩夜宿僧房憐梵語曉來芹  
泮聽吾伊百年幾度逢寒食襟抱慚非少壯時  
咫尺懷人意每馳瓊瑤投贈信瑰竒從來大樂能  
忘味未必忙官可廢詩七步有誰親子建一聲何  
處起桓伊中宵月色情無限有約歸途竝馬時

次韻酬焦孟暘吏部

望望 橋陵百里遙和風真覺凍容消山光最好  
閒雲影春色初勻上柳條 五帝東西瞻拜地萬  
年熙洽 聖明朝禮成夜半歸騰擁月彩香烟滿

碧霄

次李亞卿遣代天壽山祭告二首

雲漢昭回詠使臣昊天瞻告歛威神四方圭璧將  
情遍 當宁雷霆屬意頻甘雨隨車滋下土轟雷  
掣電散歆塵神功浩蕩歸精禱萬姓歌呼擊壤新  
山陵祀罷月如盆雲盡青霄殿閣尊上下明禋嚴  
典禮旄倪歡舞共兒孫谷菴潤澤青連壤園木敷  
榮綠繞村今日桑麻勞 聖主爲祥呈稔豈無門  
郊祀訖事送少司徒顧同年



西北軍興每輟耕親承 天語爲蒼生操贏劉晏  
寧無計破虜韓公素有聲今日安邊須足食古人  
論將重干城平生經濟心如許會見封章答 聖  
明

### 憶故廬

冷節三逢倍憶鄉海天南望白雲長荒蕪雀可羅  
門巷拜掃兒能奠酒漿華表巢傾遼鶴杳石垣年  
久冗狐藏 橋山陪祀真叨幸忠孝平生意可忘

### 東閣閣卷次吳匏菴韻

天近 蓬萊曉殿高 丹墀對策總時髦千年再  
觀風雲會八座皆供翰墨勞 御筆題名金作榜  
仙庖送饌玉爲膏焚香禮罷臚傳出敢賀唐虞得  
禹臯

龍樓和氣閣春陰 天子臨軒降 玉音多士琅  
玕爭獻秀宰臣衡鑑盡傾心奎星光啓人文朗桂  
藉 恩覃雨露深科第拔才元是寶荆揚何必貢  
南金

羣趨東閣經三日進讀文華協 聖猷內監錫筵



應宰鹿大官供饌更椎牛銀杯酒醞承 恩厚寶  
鏹緡多荷 寵優感激不勝何以報願祈萬歲復  
千秋

送 太皇太后梓宮入山陵二首

仰止 橋陵氣鬱盤萬年玉匣此中安關雎麟趾  
終媲美令範徽名永不刊厚載 恩深天覆竝  
累朝尊養古今難巍巍 帝德源流在史述安能  
盡筆端

成奉王慰吾 皇中帳分曹肅鷺行訓本詩書

培 聖澤恩深似續衍天潢烟霞拱護千林秀  
弓劍輝煌萬古藏臣子攀號和氣溢極知誠孝感  
穹蒼

奉送 孝宗梓宮入山陵四首

七月宮車及塋期乾坤高厚小臣悲臨風慟哭真  
無路未死時 恩尚有時 龍去鼎湖千古地烏  
號珠樹萬年枝 神功聖德應難紀太史何人重  
勒碑

朔風動地捲塵沙送送旌幢百里賒萬寵貔貅悲



曉角 五陵松柏噤昏雅喪如考妣追無及 德  
被華夷痛有涯幾度夢魂猶奉 詔不知 龍馭  
已升遐

千年 王氣鬱青葱天意分明待 梓宮左右諸  
峰爭拱抱西東二水自朝宗平原曠衍形如砥遠  
嶂孤高勢插空廟祀禮成歸欲暮不禁清淚洒寒  
風

仙仗金輿候曉過薦羞今日又清河忽聞中使傳  
宣下真看 君王感慨多虛殿拜趨深縹緲 諸

陵瞻望鬱嵒峩明朝入奏兼安慰次第臣工上玉  
坡

太皇太后禫服陪祀三首

英皇後聖總齊天服禫茲辰薦 御筵天賜清涼  
開溽暑地當盤踞擁祥燭塗山內訓還同德太任  
思齊未及年史筆直書昭萬古小臣追感復悽然  
分曹夜宿共齋居又是南郊一度初 紫禁天高  
寒月迥碧壇人靜夜燈疎園丘千古追周典五峙  
當年陋漢輿 宮錦湛恩同拜賜豈應樗散也華



大和堂 卷三  
三  
裙

仙壇高處羽衣居此日重來我度初

予誕日

雲滿瑤

臺香麝散鶴翻珠樹曉風疎龍旂鳳翼開仙仗紫霧紅雲捧帝輿何幸郊禋叨奉引侍臣冠蓋總瓊裾

祈雨齋宿

青天一片月初微貪看從來惜素輝春盡醱醖綠架發夜深蝙蝠繞簷飛深宮獨守垂堂戒飽飯難進素食譏坐久再歌雲漢句不知天意與誰違

分獻再用原韻二首

九十風光一半春卜郊人意物華新居遷直舍經三宿食變清齋斷五辛雲護蓬山青更遠暖回瀛草綠初勻祥雲瑞日龍顏喜紫陌香煙不動塵

直廬齋宿幾經春故事詩筒入社新聞誦國風無別麗細賡坡韻有餘辛月明滿地墻陰直燈燼何人斲息勻却憶詞垣曾白戰老來猶得侍芳塵

冬至前一日謁祀西陵



日逢長至謁 橋陵策馬冰途記昔曾  
蕭寺晚寒人散亂  
西山雪霽石峻嶒  
灰飛葭琯催更漏  
鍾動明樓爛  
夜燈瞻拜鼎湖龍  
馭遠乾坤厚澤荷豐登

寒食陪 祀宿昌平

初程今夜宿昌平  
蕭寺疎鐘報晚晴  
十載法曹常道路  
百年人世幾清明  
天開圖畫山逾秀  
春入膏腴草又生  
明日橋陵瞻拜地  
烏號悲罷不勝情

三月初十夜陪 祀

齋居鐘鼓報初晴  
二十餘年幾度行  
甘露瀼瀼團萬樹  
銀河耿耿落三更  
鑾輿駐蹕心先達  
郊社燔柴禮告成  
願祀岡陵千歲壽  
白頭供奉不勝榮

次韻送楊邃菴都憲督馬西秦

文武才名重兩京  
中丞超擢最恩榮  
好收沙苑人間種  
莫遣麒麟地上行  
秋入風霜千里奮  
春生雲錦五花明  
由來北冀連西塞  
一顧真堪價十城  
送于京兆景瞻致仕二首

尚書勲業蓋乾坤  
京兆承家節操存  
老去清風開



蔣徑歸來白日卧陶園官閑訟牒詩盈案典在湖  
山酒滿尊林下衣冠今見一東門相送復何言  
抗疏乞歸歸夢頻碧山如故白頭新東床却憶同  
年契南國真成異姓親囊載圖書無長物病依琴  
鶴是閑身極知勇退平生願也爲驪駒一愴神

奉使河間九日次高都憲韻六首

行臺寂寂又斜陽何處秋花著意黃我已無能叨  
法吏君方有譽起詞場老年帽怯風前落故國身  
驚夢裏長爲報新篇渾漫興今吾不似故吾狂

西風又見鴈隨陽搖落空山木葉黃佳菊倩酬明  
日節賞心非復少年場愁來子美詩偏壯老去淵  
明趣獨長萬古登臨同一笑傍人莫訝禰衡狂  
佳節真拚到夕陽喜看秋菊映眉黃清歡合作藏  
闔戲白戰渾如赴敵場萬事莫教忙裏錯百年羸  
得靜中長風流勝槩今如昨不是狂夫老更狂  
謝池春草入詩幽花萼相輝遠近樓駟馬未忘巴  
蜀夢錦衣同擬曲江遊萍蓬世路誰青眼霄漢交  
期我白頭萬事有緣皆預定又從瀛海漫遲留



風雨重陽景最幽，憑闌何處一登樓。皇華自愧諷  
詢拙，瀛海誰云汗漫遊。白髮數莖添鏡裏，黃花九  
日遍枝頭。百年此會真非偶，詩卷須君妙墨留。  
耿耿中宵坐，徹明重陽時節。半陰晴，苦遭白髮故  
無恙，笑對黃花殊有情。吹帽勝遊，今又古，登高舊  
俗，弟和兄，同年佳會，勞相贈，一醉安能盡。十翬時  
都憲惠吳酒  
十翬故云

送澄江夏惠南歸

故家文獻重東南，門對澄江百丈潭。訓子菑畬書

破萬娛賓松菊徑，開二壯觀

紫極連青瑣歸夢

高霞點翠嵐，世際唐虞無一事，好將風物向人談

賀劉文和乃郎中書汝忠生子

黃閣勲名蓋世豪，鳳凰池上又奇毛。一珠入掌誇  
英物，五色非凡見汝曹。北極深恩應共遠，南山  
佳氣與爭高。司徒最是通家舊，遍寫璋書不憚勞

限韻二首

官居清絕似幽居，斜日登堂夜漏餘。清興不隨秋  
後減，宿愁都向酒前除。百年勲業身長健，千里音



大和堂 卷三  
書鴈未疎鄉曲情親來往熟明朝猶欲戒吾車  
芳尊相對月華生秀句真隨刻燭成官不愛名慵  
料理情逢知己話分明誰家搗練秋千杵僧寺鳴  
鐘夜一聲寒入空堂醒醉眼狂歌天地有餘情

輓毛郎中父允常

訃音前日到長安親友同嗟玉樹殘江海高風推  
義士雲霄 寵命拜封官愁深花鳥青春晚望斷  
松楸白日寒元老勒銘垂信史百年遺德子孫看

輓崔尚書

老成凋謝恨如何落日淒風強自歌召伯甘棠遺  
愛在山濤藻鑑得人多 四朝出入心同赤七十  
年華鬢已皤幸有書香傳一柱鳳凰池上沐 恩  
波

立春自述

玉瑄灰飛萬象新京華今日又逢春金花勝裏光  
陰轉栢葉杯中感慨頻東陸祥雲餘縹緲西山瑞  
雲尚嶙峋廿年南北知何補俯仰乾坤愧此身

送熊汝明大叅



江湖踪跡幾浮沉二十年來感慨深同有慈親垂  
白髮敢忘憂 國罄丹心東藩膏用隨車到西陝  
甘棠滿路陰知己劇談歸騎晚坐看明月起雙林

酬司馬輓

兩人懷抱髯毛知一笑三山慰所思君畫地圖方  
歷歷我耽風物故遲遲文章合作千年計詩法真  
成一字師潦倒尊前明又發離情無柰月明時

贈原善賈御史

俯臨澄碧仰崔巍幾度凭闌首重回梧葉上階無

輓坤

輓黟國莊敏公平江陳公豫

公侯才畧美璠璣出入忠勤重憶渠尹鐸爲邦專  
保障曹彬歸橐祗圖書世家入史勲名在廟祀從  
民惠愛餘淮水清源風壤接祖孫相望幾人知

和馬天祿疏止死刑

明公台鼎力能支一疏回天物論持唐帝褒張書  
作鑑沛人思鄭字名陂朝端直筆羣工慕海內英  
聲走卒知一代典刑耆老在後生瞻望願從茲



送司馬公輕赴長沙司訓

姑蘇人物魁天下司馬承家器  
宇存今有文章司  
要地豈無桃李在公門  
須知才大時難棄  
更信師  
嚴道益尊碧水青莪趣  
何限扁舟相過可重論

憶先壠二首

湖曲東來抱遠林古堂  
鼓桂接槐陰  
九天雨露  
頒新誥六袞頭  
顛是此心門戶未論容  
駟馬詩書  
休問滿籬金祖宗  
培植根源在世澤  
惟應嗣好音  
傍海依山草樹深  
去家十里鄂陽陰  
焚黃可擬

靈如在衰白真成老  
見侵恩賁松楸  
難返日誓  
全忠孝未忘心  
從來罔極知何報  
鶴怨鶻啼自古  
今

瑞蓮次韻

亭亭紅玉水仙姿  
一榦駢生漾碧漪  
太華峰頭應  
避艷天泉池裏會  
于奇時和合作禎  
祥兆塵遠偏  
承雨露滋今日主  
八霄漢隔涉江恐有舊襟期

詠荷

玉井空聞藕似船  
官曹何處遠分泉  
未誇簇簇花



成錦已見青青葉點錢香送夜筵宜落月質非塵  
土出清漣主人近有西湖興歸棹猶能聽采蓮

贈劉時亨

吳門烟月舊江天千里歸人一鴈前夢近北堂還  
在客情深西署復同年乘閒定有觀風錄感友能  
無伐木篇若見毘陵孫刺史不妨重飲惠山泉

賦橫雲山

秀擁層峰紫翠間昔賢勝跡此名山近人好鳥如  
曾識隨意白雲相對閒地接烟霞堪隱逸天臨星

斗許躋攀豪來更倚長松望碧海蓬壺入醉顏

壽羅洗馬母七十

七十年光未老身清風華館醉芳辰冰桃舊入瑤  
池宴玉液初分 內苑春史閣 恩封金作誥板  
輿晴色錦爲茵綵衣花下承顏地再祝南山笑語  
新

送熊大使往秦州分司

煮海爲鹽入賦輕 朝廷多賴職司清承 恩又  
向兩淮去閱世尚餘雙眼明烟水南帆長作客衣



大和堂 卷三  
冠 北闕盡知名他年萍水相逢地滿酌燈前與  
細評

贈謝達本還淮陰

滿座清風入鬢涼相逢賓主盡同鄉酒壺詩卷將  
情遠越水淮流引派長六載竹林思阮老一經家  
學重韋郎 明時出處非殊調歸去惟應倍有光  
送黃仲弘告病歸莆二首

病來抗疏欲辭官出處分明世所難綠野有情堪  
吏隱白鷗無恙未盟寒才名豈必時人識風節當

留汗簡看萬事不如歸去好任渠塵世起波瀾

秋風歸楫沂江瀾渺渺雲山靜裏看流水百年惟  
鬢短清冰萬壑照人寒交游此去論文少事業從  
來適意難今日夔龍滿霄漢不妨高卧一官閒

送柳拱之乃翁

秋風旅鴈下衡陽醉眼臨高興欲狂千里客星瞻  
北斗幾宵詩草夢西堂江邊倚棹瓠尊綠野外看  
山木葉黃百歲親顏歸正好舞衣長爲祝如岡

鸚鵡洲



大江南去屹孤舟不盡滄波撼石樓餘吳萬年黃  
祖去高名一代禰衡留白雲鷗鳥閑皆得芳草漁  
歌晚共幽艤棹平川試回首鶴鴒寒影落沙頭

輓陸孟昭

雲霄高誼接芳隣西署南閩總要津績上旬宣空  
海瘴座中談笑出風塵虎云貝錦由人織實有青  
山未棊貧今日孟嘗門下客不知誰復感恩頻

送邵文敬使宣府大同賞功二首

熊羆當闔掃妖塵 聖主恩頒府庫新白日青天

元照宥震雷飛電歛威神馳驅身入論兵地感激  
誰為報 國人策馬臨邊煩一語功名須早盡麒麟

鷄鳴馬色望中來四塞山河遠近開秋館客程朝  
駐節柳營人語夜傳杯風流爭識皇華少淺薄深  
慚玉署陪兩地相看明月在菊花叢裏各登臺

輓彭敷五

瀧江秋水深千尺照見銘旌萬里還可是文章憎  
顯達未應天道喜冥頑壯心落落成愁地往事悠



悠緘夢間惟有典刑今不泯鄉評朝論滿區寰

保安寺僧房

竹林深處隱棲筠心跡相忘不染塵笑傲烟霞松  
作伴消磨風月水爲隣數竿絕勝湘江綠千畝何  
須嶰谷春我有清詩何處寫琅玕舊節粉痕新



屠康僖公文集卷之四目錄

七言律詩

送徐文敷分題得圮橋

送都憲艾德潤

送同年熊騰霄顧良弼往薊州踏勘牧馬草場

送熊顧二同年至郊外三義廟留題

衡山

和賓之李先生韻



送莆田林進士富

次熊騰霄同年韻

夜坐有懷

和王世賞韻

送閩尚書弟還湖州

題侶司徒赤壁賦卷

題清懶窩次韻

和李西涯醉爲馬墜二首

送劉學士仁仲歸省巴縣

題王民望呂梁開築卷

輓徐用濟太守

又次其臨絕韻

壽何世光重慶

平沙落鴈

輓馬尚書景高

公餘雅趣

劉臺

贈周君鐸叅贊戎幕



夜榻無寐再述

次李西涯韻二首

送友

賀孝子劉尚文旌表

石室爲邵用之賦

和黃九成聯句韻

新安于侯明全孤冊

竹軒

題彭節婦

送謝鳴治乃叔

送顧天錫和李若虛二首

壽李西涯先生

送洪宣之巡撫貴州

壽同年熊騰霄

飲于喬謝先生席次韻

送王元勳

送柳拱之考績還保定

雪中訪香山上人



飲景范堂次韻

輓任亨伯

飲少司寇戴先生宅

賀熊騰霄陞南京戶部尚書

重陽前二日飲太師英國公宅時翰林八人

送南京馬少宗伯

次韻送王民望少司徒致政

飲常職方第

疊韻奉謝馬宗勉少卿張啓昭宮詹水雲亭

餞別

送陳廉夫南京工部尚書

送嚴蓄之歲貢南還

賀屠朝宗都憲次韻二首

送戴廷珍使魯府

次顧天錫大叅韻二首

送葉崇禮大叅

題張邦兆十景堂

壽李西涯



送劉廷式都憲

和包汝調郎中韻

送史天瑞鸞鶴二子應舉

送李季仁作郡寶慶

陞職

辭職不允

都察院有竹寫興

送嚴克承襲職南歸二首

送丹山屠太傅長子正卿侍祖南歸

送韓司空淳夫往南京

送項揮使佩之往兩廣贊理方畧

梁太史席上次屠丹山韻二首

送張朝用赴南都二首

送大理汪鼎夫乞歸養母二首

次丹山送衍聖公孔知德韻

送藍文秀都憲寧夏

次李西涯送衍聖公韻

璽書有感



致仕謝諸公餞送

潞河發舟

次黃茂菴韻

過天津

慰人南歸

次韻

次黃元德韻

淮陰遇湛元明編修

清江浦遇陳平江伯

寄顧天錫

次呂秉之韻

次包汝調韻

次諸學文韻

酬秀庠諸士惠禮

劉郡侯周別駕招飲

府庠諸士見過次前韻謝之

題邵以道同年送毛穎夫卷

再答劉仲賢郡守二首



嘉庠諸士携酒至用前韻謝

過白蓮寺和包汝調韻

輓半村湯公著

題倪蕪湖扇

送常汝仁京兆往南京

送河南屈直方伯

題馮漢卿存耕卷

次湯汝元韻

飲屠舜卿宅

吊岳武穆

送楊二和提學西蜀

次彭濟物憲副進表二首

壽三一居士兄七十

贈院使錢汝礪致政次屠丹山韻二首

葺祖居

送胡國宜通判潯州

于嘉興惠土牛

送陳巡按



壽諸半菴

題海天道人卷

奎姪遷御史按閩

九日陳玉疇諸公會飲龍淵寺二首

次包汝調壽呂秉之韻

登寶岩塔

過石室山次張靖之韻

題翠岩都綱先照樓二首

送舒方伯之廣東

送秀水蘇從仁

題秀水劉貳尹望雲拱壽冊

硤石山寺紫微絕頂

春菴和施廷儀韻

蒲菴爲楊時職賦

和伍貳守時秦韻

送韓相夫貳守開封

次彭憲副懷謁陸宣公六首

宴王宗式宅賦奇梅



輓呂秉之太常

送費子克閣老

送金朝用赴滁州

鄉飲

送袁巡按

彰孝坊爲楚世子賦

題太公釣魚圖

隱真留題

題倪子虛月湖卷

答黃元德

題盛文耀西溪冊

題周大卿近竹卷

出錢塘門

過神霄福地

登孤山

遊靈隱寺

憇龍井

南屏迴步



遊南山

遊虎跑

再遊南山

次張巡按遊山韻

湖山遊樂園爲劉總鎮賦三首

題筠翁橋次呂太常韻

贈史孝基上舍

九日姜一臣招燕鬱秀二首

樹先祖考妣 賜誥之碑

再樹先考妣 諭祭并 誥勅之碑

送常推官之辰州

贈遜上人

丁卯塤子中式有作

庚午生孫

戒子

辛未得塤子捷書

得廷試書

飲俞晦夫東園池亭



題沈禮之溪南卷

西克馬汝礪見訪

送梁守移杭郡

壽馬紫崖侍郎廷用

贈周東園汝安二首

送坤子應試

謝職方于吉過訪宿精嚴方丈次舊韻三首

癸酉八月九日京闈第一場憶坤子

十二日第二場

望日第三場

賞芍藥分韻

次伍貳守感懷之作

宿嚴克承宅值雪

鴻洲

鷗川

次黃元德韻

訪徐克剛

訪嘉善陸汝嘉



寫懷三首

訪嘉善薛惟敷

雨菴

贈費柳西五十

玄孫男

瑋孫

全校刊

蘭孫

終

屠康禧公文集卷之四

七言律詩

送徐文敷分題得圮橋

蒼烟落日淡平橋  
駐馬空原入望遙  
一卷素書曾納履  
千年黃石想孤標  
傑人未信時難遇  
孺子今知氣不驕  
九鼎漢家歸妙畧  
留侯勲業滿清朝  
送都憲艾德潤

中丞辭 陛向江東手捧  
丹書絳節雄 天誥  
賜霑光祿酒都亭人避  
栢臺聽高鷹搏秋早



甘雨和風願歲豐感慨平生經濟意爲君多寫別  
離中

送同年熊騰霄兵部顧良弼戶部往薊州踏  
勘牧馬草場

京華東去是漁陽曉捧天書出未央官列九卿  
周典制地當三輔漢封疆同朝同榜諸公盛憂食  
憂兵兩意長王事獨賢君莫賦重陽須進菊花觴  
送熊顧二同年至郊外三義廟留題

漢宋三人可比殷英豪世代不無人力扶宗社功  
同偉指復中原志莫伸運祚短長原有數奸邪傾  
覆豈無因千年廟貌猶生氣仰止高風感慨頻

衡山

曾讀虞書識此山重華五玉照人寰諸溪窈窕滄  
溟接一嶽崢嶸霄漢間度應機衡竅眺覽宿當翼  
軫可躋攀翠華想像頻興感落日飛雲自往還

和賓之李先生韻

宮衣待漏舌含香紫極氤氳曙色蒼班老校書  
尊講幄歐公納諫託篇章承恩步接金闈跡



報國名慚粉署郎朝罷從容還退食  
玉墀風細珮聲長

送莆田林進士富

莆中盛葉許誰鄰科目綿聯踵後塵  
使命舊誇題柱客晝遊今識葉繡人  
登堂重慶年仍少傾蓋平生我獨親  
回首竹林應在念早看旌旆侍楓宸

次熊騰霄同年韻

別來良會眇無因一日三秋更渴塵  
官有簿書何太苦家餘琴鶴未全貧  
蠶絲總是呻吟力肉食誰

爲感激人深夜行臺岑寂甚每將清夢役詩神

故人近別又新冬退食遲回日已曛  
未許方尊聯夜榻空懷流水入絲桐  
冰霜雅操惟心共桑梓歸期祗夢同  
回首漁陽渾咫尺斷雲殘雪送飛鴻

夜坐有懷

史筆名隨禁籍香龔峯千仞映空蒼  
欲探碧海無休力贈辱青瓊更短章  
七步未奇曹子建八分真逼蔡中郎  
也知官舍東西隔一榻清寒漏點長

和王世賞韻



醉墨清詞入手香  
朗吟孤坐月蒼蒼  
班聯玉筍叨分籍  
秋浦仙曹喜報章  
已卜芳鄰同杜曲  
深期盛業在王郎  
雕蟲不盡懷人句  
縮地無由此興長

送閩尚書弟還湖州

江鄉別夢繞皇州  
棣萼相看幾月留  
鍾鼎可能無稷契  
山林端合有巢由  
官封四代千年典  
業厚良田萬頃秋  
歸捧龍函鸞誥重  
恩光先已到

松楸

題侶司徒赤壁賦卷

落落乾坤眼界高  
數遊赤壁壯波濤  
周郎孟德今誰在  
明月清風放我豪  
賦景直須兼比興  
命詞還合並莊騷  
何人更有凌雲思  
飛夢翛然動九臯

題清懶窩次韻

白頭供奉幾經春  
一榻悠然物外身  
玉立風標元有價  
雲閒心境不無神  
杜陵未忘盃中物  
楊綰長留席上塵  
浮世青山何必問  
碧山終日對吾真

和李西涯醉爲馬墜二首

九折俄驚十步前  
卽愁黑髮變華顛  
搏沙誤學街



頭坐醒酒疑從石上眠  
焦遂齒無非是病王郎臂  
在未爲全誰知督力歸天  
相笑語傷人自舉鞭  
紅塵失脚錦鑣前似向春風  
舞欲顛步學邯鄲疑  
是夢醉非阮籍也成眠  
百年麟趾竒初試千里龍  
駒老始全相慰底須秦策  
贈亨衢元不費長鞭

送劉學士仁仲歸省巴縣

學士寧親別 禁垣都亭祖餞  
戒行軒衣冠世業  
逢 昭代兄弟才名見兩元  
蘇氏三峯從古重想  
如駟馬至今存承歡爲道  
同年意老大交情未易

論

題王民望呂梁開築卷

我昔南來訪水曹  
倦行曾此息塵勞  
青天月出隨  
波湧白屋村成倚  
樹高鑿石何年功  
磊磊安流今  
日興滔滔也知地  
險歸人力萬古名  
存一代豪

輓徐用濟太守

五馬才名滿浙寰  
急流勇退早投閑  
草書遒勁蘇  
黃上詩法精嚴  
李杜間海鶴千  
年歸莫弔風鵬  
萬里去難攀  
悠悠六十餘年  
事莊蝶遽遽竟  
不還



又次其臨絕韻

栢岡何處掩竒蹤  
老大交游感慨中  
骨肉斯文情太苦  
死生今日意何窮  
無襦有褲歌廉范  
臨水登山憶謝公  
收淚處酬聊復爾  
呼君不起柰泉重

壽何世光重慶

君家種德由來遠  
世澤相承祖見孫  
白髮漫誇同壽域  
繡衣還喜出高門  
耆英會裏聲華舊  
重慶堂前笑語溫  
此樂人間真不偶  
紫泥應共沐天恩

平沙落雁

兩兩相呼自在棲  
秋風澤國稻梁肥  
聲傳遠渚燕葭靜  
影落遙天繒繳稀  
塞外帛書知有待  
月中清瑟憶同歸  
隨陽踪跡渾難定  
看取乘春又北飛

輓馬尚書景高

將相當年屬老成  
賜歸林下一身輕  
五朝勲業歸鍾鼎  
百歲哀榮光死生  
塞北嶺南曾駐節  
兒童走卒也知名  
不堪耆舊今凋謝  
腸斷西風慘客情

公餘雅趣



大和堂 卷之四  
最愛君家艸閣幽別來三載思悠悠疎林白石元  
無恙黃菊清尊憶醉遊奕葉箕裘誇世澤百年江  
漢擅風流策勳異域尋常夢公退寧忘闔外憂

釣臺

先生何事獨垂綸漢業中興有故人物色遠勞天  
上使羔裘穩卧越中春當年高隱思巢父千古清  
風嗣渭濱仰止題詩無限意荒臺矗矗水粼粼

贈周君鐸叅贊戎幕

平江幕下孰如君韜畧蟠胸更好文共說叅謀通

國餉又看承

寵列將軍搖搖武旆吳鈞在漠漠

烟雲楚樹分西北風塵愁望眼還期談笑策崇勳  
夜榻無寐再述

霜月凝寒夜漏遲殘燈孤館夢驚時十年薄宦眞  
樗散兩地相思總別離綠髮漸隨明鏡改黃金曾  
畏故人知前程莫問來朝事世路于今正險巖

次李西涯韻二首

客舍蕭條每晏如傷人錯認子雲居貧來自喜篇  
章富病起誰云禮法疎吾道有緣千載合省曹無



補一官虛門墻瞻望心如渴何日重迎長者車  
在告經旬懶出街獨將高誼問荆釵文章自合歸  
黃閣鄉夢何由到石厓兩字功名真有分此生忠  
孝未忘懷凭闌最愛南山近野色蒼茫晚更佳

送友

握手都亭日已斜官途離合漫興嗟眼中人物真  
難得 天上恩波亦未涯別後有情還對月公餘  
無事早休衙春風一段繁華夢多在河陽縣裏花  
賀孝子劉尚文旌表

麻衣血淚傷親瑩孝子哀思豈爲名一卷蓼莪看  
未厭百年天地恨難平芝蓮燁燁呈佳瑞 恩典  
煌煌荷 聖情盛事欲憑何處述桂林聞說誌新  
成

石室爲邵用之賦

月斧雲斤極化工清虛真可寄高蹤白羊門外苔  
花老紫荔墻頭樹色濃入座香煙凝翡翠捲簾疎  
雨對芙蓉相看頓覺塵凡異不信蓬山一萬重

和黃九成聯句韻



越水吳山萬里家相逢何必問生涯詞垣舊識人  
如玉粉署新看筆有花好古侯芭吟更苦高懷黃  
憲意偏嘉無能亦作低頭拜也共清尊醉月華

新安于侯明全孤冊

悠悠伏枕淚雙痕倚託于公舊德門兩姓交游今  
日見百年宗系此孤存何妨冰玉相輝映自是朱  
陳重世婚多少黃金買然諾近來翻覆不須論

竹軒

掃却紅塵不到門此君瀟灑最宜軒清風半榻有

誰伴落日萬竿無鳥喧寄跡真同蔣詡徑養高難  
與俗人言狂來得句琅玕下洗耳溪流枕石根

題彭節婦

三十年來一節難巍巍綽楔 聖恩寬宥砧不負  
平生託汗簡無慙萬古看錦瑟春風他自好青燈  
機杼夜偏寒辛勤賴有孤雛在已向層霄振羽翰  
送謝鳴治乃叔

海內曾聞太守賢豈因衰白賦歸田酒尊黃菊長  
無恙月色蒼江不用錢洛社名高從古重敦彝會



好自今傳玉堂小阮勞回首欲把南山祝萬年

送顧天錫和字若虛韻二首

高節何須愛一官人生知遇古來難紅雲鳥道千山遠白露江楓九月寒舟泊東吳思故壠心懸北斗望長安幽懷幾許憑誰語且共清尊此日歡聞說明晨有去程分襟何惜此杯觥也知別駕宜王子未必長沙老賈生旅館幾宵詩卷在江流千里布帆輕月明後夜天涯路兩地愁懷夢不成

壽李西涯先生

初度今年憶去年新詞舊詠總堪傳喜浮春酒添盃綠恩滿宮袍映日鮮仙李正誇門葉盛長庚不惜夜光延華堂我亦叨分席坐挹清風壽綺筵

次李白州韻送洪宣之巡撫貴州

簪筆行囊祇奏書丹心奉國幾人如籌邊世已歸能事保障君應出緒餘秦制中丞從古重漢庭前席爲誰虛交游引領相思地幾度因風問起居壽同年熊騰霄

初度逢秋已授衣照人瓊樹藹庭闈筵前同榻今



還六鏡裏流年古亦稀  
斗北才名時籍籍  
狐南星宿夜輝輝  
相期指日登台鼎  
歲歲稱觴願不違

飲于喬謝先生席次韻

脫却紅塵我未能  
通宵白戰思誰勝  
分襟南國二年夢  
接席西堂兩夜燈  
涼吹忽飄金井葉  
清標如對玉壺冰  
無由縮地同傾酒  
空憶騷壇百萬層

送王元勳

愁多每詠停雲句  
喜劇真爲倒屣迎  
別眼望迷江  
海遠壯懷吟入夜  
燈清交憐萍梗身  
何繫報乏涓埃夢  
屢驚十載宦游如  
昨日早將勲業慰平生

送柳拱之考績還保定

獻賦曾將器業親  
兩京南北宦游頻  
方看五馬分符重  
又見三年報政新  
雨露恩深長戀闕  
瘡痍心在敢謀身  
黃堂自是台衡地  
未許蒼生借寇恂

雪中訪香山上人

蘭若誰如惠遠名  
白雲深塢隔柴荆  
雪開淨土心塵寂  
鶴在空林眼界清  
預結青蓮還有社  
重尋翠竹本無情  
狂來更作淵明飲  
玉洞春壺對月傾



飲景范堂次韻

晚衙騎馬赴賓筵，滿座清風儼列仙。  
春入紫毫濡墨汁，香生疎箔逗茶烟。  
朋簪喜盍青雲上，鄉國情牽碧艸前。  
醉眼也應清絕甚，玉堂歸路擁金蓮。

輓任亨伯

五年霄漢憶任公，作縣心勞首易蓬。  
旅櫬遠隨江路轉，交期兼逐酒盃空。  
榮枯世事憑春夢，得失人情問塞翁。  
驄馬長安今失望，蕭蕭臺柏自悲風。

飲少司寇戴先生宅

童穉交游鬢已華，夜堂尊酒意交加。  
十年舊事燈前雨，幾樹幽香檻外花。  
莫向剡溪論故事，直將樵李說通家。  
春明明日東巡路，雁影迢迢隔海涯。

賀熊騰霄陞南京戶部尚書

已丑今幾四十年，同時八座幾人遷。  
絲綸命下南曹地，喉舌司存北斗天。  
杜預理財多損益，長孫儲粟見才賢。  
東南民力君須惜，佇看封章到日邊。

重陽前二日飲太師英國公宅時翰林八人  
未逢佳節且開筵，翰苑風流有八仙。  
兩浙敢云雙



大和堂  
卷之四  
三  
綉豸上公直見一貂蟬莫嫌老鬢黃花裏長繫歸  
心白雁前感激雅懷何處寫強將詞賦託高賢

送南京馬少宗伯

故人一別兩成翁無限離情感慨中萬丈文光高  
北斗十年才望重南宮論心每覺風神異笑老猶  
驚甲子同俯仰平生貴知己如君真有古人風

次韻送王民望少司徒致政

雲出無心鳥倦還乞歸優詔許身閒江籬不爲  
騷人綠湘竹猶含帝子斑老去投簪思北壩興來

采菊見南山從今須鶴休相謂城市紅塵總不關  
飲常職方第

眼底交游更幾人夜臺尊酒復開醇黃花令節餘  
三日白髮衰年近五旬隨意功名吾分在與君鄉  
曲此情真酣歸緩踏長安道宮漏遲遲月色新

疊韻奉謝馬宗勉少卿張啟昭宮詹水雲亭  
餞別

水雲深處小亭幽亭下黃花晚更稠世有路岐如  
鳥過人無根蒂總萍浮玉堂尊酒勞行蓋烏府風



霜怯去舟潞水悠悠今夜月直隨北斗望 神州

送陳廉夫南京工部尚書

少司徒作大司空南北官高 寵渥同梓里雙旌  
明晝錦雲霄一鶚下秋風四民盡入安居內百度  
都歸巧思中白髮丹心憂 國念早將封事達  
宸聰

送嚴蓄之歲貢南還

比鄰相識自童時君上青霄我鬢絲醫國家聲方  
遲子綈袍故舊更論誰毛錐已覺囊中見卞玉何

慚獻後音秋榜長安吾屬望五雲高處慰深期

賀屠朝宗都憲次韻

鸞鵲天書曉 陛頒老臣宿望重如山 恩從紫  
殿來烏府名動青羗與白蠻捧日有心長戀 關  
正冠無夢不趨班明良遭際如公少伊呂勲名伯  
仲間

朝罷懽聲滿 帝州 龍章擎出鳳池頭山川間

氣鍾東越宇宙芳名遍兩甌秩進保衡方 賜璽  
筵開臺省更椎牛欲知磊落襟懷澈玉鑑清冰萬



項秋

送戴廷珍使魯府

紫殿金門曉仗開 冊函仙詔下蓬萊 宗藩禮  
重加東魯憲部官高切上台旌節輝煌 恩命在  
冰霜迢遞歲華催還朝定在陽生後莫惜書郵寄  
栢臺

次顧天錫大叅韻

吳楚分符歲月深郡城山水愛登臨閭閻直見文  
翁化風物都收杜甫吟萬里江湖長愛 國百年

天地幾知心 廟堂經濟須公等可許高才尚陸  
沉

黃金此地有高臺幾度懷賢首重回解刃覆硯真  
妙手過都歷塊豈凡才驅馳仕路丹心在老大交  
游白髮來今日相逢疑夢寐病襟愁思一時開

送葉崇禮大叅

京華六載一相逢此日嵩呼覲 九重歲月故應  
催老鬢江湖不解管行踪淮陰路近家千里蜀道  
青遙月幾封同是西曹舊僚友早來聯珮聽朝鍾



題張邦兆十景堂

主人卜築傍林塘十景分明會此堂巴蜀江山千古勝園廬竹木四時芳浣花溪好今非杜大谷梨成舊屬張身在廟廊心畎畝且將歌詠答滄浪

壽李西涯

花甲週來復此辰丹心如舊白頭新周公濟世憂勤甚傳說匡君啟沃頻兩漢文章華國體四朝人物領儒紳槐堂喜氣開南極頤祝遐齡比大椿

送劉廷式都憲

中丞問俗又籌邊膽氣雄誇似昔年洛下張綱人共識關中范老虜真傳五方風習歸南夏萬里河山拱北燕從此封侯應不遠丈夫勲業在凌烟

和包汝調郎中韻

六年南北夢竟勞臥病歸來別禮曹丘壠關心重拜掃弟兄逢節憶登高山林未必無台輔塵土何能識俊髦明日除書親捧領知君有意憶江臯

史天瑞鸞鶴二子應舉

二月流澌下潞河墳笮南秦欲如何百年詩禮承



家慶 昭代文章重甲科春日暫辭未綵舞秋風  
同聽鹿鳴歌鵬程萬里須珍重老我雲霄屬望多  
送李季仁作郡寶慶

伯氏分符已十秋季方領郡復南遊官榮五馬非  
凡秩地控三湘得上游楚俗謾嗟征役苦謝池應  
慰別離愁對床雅論歸循吏海內清風兩列侯

陞職

世路經心感慨多非才空愧豸冠峩激揚人物吾  
何敢淺薄平生分已過國士古來憐賈誼將才誰  
復嗣廉頗悠悠竊祿真無補鏡裏衰顏老柰何

辭職不允

拜官今復濫臺綱竊祿西曹已甘霜跡似鴻泥隨  
去住年如駒隙任閒忙千頭橘綠貧堪種一寸心  
丹老未妨再捧 綸音增感激不知何以荅  
君王

都察院有竹寫興

都院南偏竹數科是誰封植待予過居能醫俗元  
無倚力可消炎不在多淇澳清風瞻衛武湘江遺



事說虞娥平生幽賞題詩興老大無能奈爾何

送嚴克承襲職南歸

承恩朝拜五雲天客裏歸心一雁前  
卻教詩書從古重穰苴文武更誰先  
運籌決勝真能事授鉞登壇屬壯年  
湯說封侯須燕頷早期勲業上凌烟  
紫宸朝罷馬頭東年少爭誇膽氣雄  
馬援甲兵真烈士祭遵俎豆有儒風  
江南山水三秋遠塞北烽烟萬里空  
歸去海邦嚴斥候坐令四境樂時雍

送丹山屠太傅長子正卿侍祖南歸

妙年器業未輕論彩服南還孝道存  
極品勲階看祖父盛門詩禮見兒孫  
四朝山秀衣冠萃重慶堂高笑語溫  
共說鳳毛今五色早來天上沐深恩

送韓司空淳夫往南京

南來北去總恩波老我交期奈別何  
真覺流年如過客每同清論若懸河  
吳天楓落三江淨楚地秋高一雁過  
自古司空兼百揆早將封事達鸞坡

送項揮使佩之往兩廣贊理方畧



將軍能武又能文意氣真空冀北羣威破崑崙今  
復見名標銅柱昔曾聞梅開南國香逾遠雁過西  
江影暫分自古功臣圖麟閣早將韜畧淨妖氛

梁太史席上次屠丹山韻

七人賓主兩同年又是西堂第一筵風引爐熏沾  
薄袂月移簾影上修椽孟鄰可作尋常地杜曲真  
堪尺五天痛飲劇談忘爾汝向來懷抱故依然  
憶別江南又幾年故人高誼此開筵有官鼎鼐登  
三殿無地樓臺祇數椽再接清談鄰玉樹重聞仙  
樂夢鈞天更闌秉燭渾忘醉調笑風神尚宛然

送張朝用赴南都

八座官高切上台紫泥恩詔下蓬萊漕河偉績  
甘棠在江國微寒白雁催今日正須劉晏計當年  
曾借寇恂才榜中契分公應最極目南天首重回  
官重留都簡命新曉看仙履上星辰志當得處  
恩難報交到忘形晚更真人去人來江上路天南  
天北夢中身祖筵此別無他贈共秉丹心奉  
宸



送大理汪鼎夫乞歸養母

抗疏辭官拜北堂 聖恩加秩許還鄉  
病餘身覺今朝健 老去人誇百歲強  
尊榮西風歸正好 江魚南國味偏長  
三公一日真難換 莫惜臨歧鱗別觴  
棘寺官高重兩京 喜膺恩詔出承明  
春回南畝陶潛興 日薄西山李密情  
健翮高飛知遠舉 急流勇退見平生  
茲行莫作尋常看 不負忠臣孝子名

次丹山送衍聖公孔知德韻

竟日經筵滿座春 脩然玉雪見斯人  
每從東魯瞻

山嶽又向中朝識 鳳麟萬古綱常元  
有屬千年洙泗更誰論 嵩呼歲歲來  
還去 願補山龍作舜臣

送藍文秀都憲寧夏

賀蘭西去黃河東 帶礪河山指顧中  
萬里長城人作障 千年形勝地臨戎  
戎行看斧鉞 天邊下坐擁貔貅 關外  
雄聞說屯田 兼召募 好收時論策元功

次李西涯送衍聖公韻

冠蓋行行雪滿城 兒童走卒早知名  
由來祖餞交親地 總是歸寧父母情  
西掖每瞻冰鑑遠 東床真



比玉壺清瓊瑤辱贈應難報欲賦停雲愧未成

璽書有感

璽書朝捧下

鑿坡感激餘生分已過

淑問老

成溫詔侈

保終知止昔賢多憂時自許心存赤

衰暮誰憐鬢已皓天地高深何可寫祗應江海是

恩波

致仕謝諸公餞別

萬福張筵話別離三忠留袂復深卮雅懷不啻論

膠漆達士何須問路岐老境半催雙鬢改國恩

多負寸心知茫茫春水舟航遠北望停雲有所思

潞河發舟

曉出都城一日留無端風雨阻行舟人間可免驅

馳累物外應須汗漫遊岸柳有情還歷歷水鷗無

事故悠悠敝廬松菊依然在猶幸歸來未白頭

次黃茂菴韻

今日午晴昨日陰陰晴大半春已深風吹柳絮正

無賴雨打梨花愁不禁千里家山向來夢百年時

序平生心浩蕩君恩欲圖報蕭蕭短髮難爲簪



過天津

曉泊天津竟日留坐看潮汐送歸舟手持黃紙  
天邊下心許青山夢裡遊野市荒烟春寂寂閒雲  
飛馬晚悠悠城樓傑構當年勝曾記題詩上上頭

慰人南歸

恠來青艸亂青袍可是山人索價高好景有花春  
潑潑醉鄉無酒樂陶陶江山杜甫詩篇壯湖海元  
龍意氣豪一笑烟波齊得失回觀塵世亦勞勞

次韻

自憐白首乞休年猶有丹心向日懸張翰可容南  
國老陶潛應許北窻眠兩京從宦來還去一月行  
期缺又圓惟有雨聲今似舊疎疎密密更蕭然

次黃元德韻

青山照眼識初衣有客聯舟賦式微逝矣光陰催  
鏡髮蕭然松竹隱柴扉莊生老去題前夢伯玉今  
來悟昨非寄語山靈休悵望舊遊猿鶴定相依

淮陰濶元明編修

一別三秋念已深方舟何意宿淮陰西江使節君



臣義南海歸程日夜心共說晝遊輕萬里極知家  
耗抵千金相逢邂逅還相飲楚樹吳雲思不禁

清江浦遇陳平江伯

岸柳汀蒲滿綠陰平江祠古樹森森乘舟我已來  
淮口駐節君還傍水濤兩世逼家非識面百年遺  
澤尚徽音却憐尊俎論文地風日賡酬有翰林

洪公  
同行

寄顧天錫

少日名聯漢署香豈知鷓鷯晚分行歸來合賦陶

元亮癡絕曾如顧長康六袞病餘身尚健數篇詩  
好意何長扁舟今入東湖手直向周山問艸堂

次呂秉之韻

李杜壇高不異時相從猶記白雲司歸來須鶴曾  
相識老去江山是夙期寂寞巢由清節在崢嶸夔  
稷令名垂山林鍾鼎吾儕事極目冥鴻繫遠思

次包汝調韻

一辱隋珠照眼明綈袍猶是故人情未忘婚嫁聊  
隨俗有味清閒底用名風雨欲醒池艸夢江湖重



訂野鷗盟一琴一鶴君家事雙屐何須五馬行

次諸學文韻

一棹吳淞去復歸青衫猶識舊荷衣十千酒價行  
非溢望七人生古亦稀階鶴有情如解語海鷗無  
事已忘機遙思威鳳翔千仞 昭代文明下德輝

酬秀庠諸士惠禮

英賢濟濟擅才華旨酒登堂已拜嘉隨世功名前  
輩耻矢心忠孝後人誇宜公事業居鄉里歐老文  
章屬大家努力前修須遠大莫將鉛槧薄生涯

劉郡侯周別駕招飲

使君佳宴及芳辰賓主東南笑語新五月喜農連  
日雨三人醉酒一堂春劉公德政休前輩茂叔仁  
明更後身自古借恂還入召他年應作廟堂臣

府庠諸士見過次前韻謝之

老我歸田鬢已華諸君英妙際亨嘉掉頭種竹從  
吾好奮翼凌雲向汝誇一代文章歸大雅百年人  
物本通家由來厚俗先鄉里談笑過逢樂未涯

題邵以道同年送毛穎夫卷



傾蓋誰爲國士知  
荆州識面自西陲  
邵公數得先天異  
毛遂囊存脫穎奇  
塵土幾人能物色  
甲兵垂老見襟期  
悠悠四十年来事  
謾向轅門一賦詩

再荅劉仲賢郡守

再會黃堂未浹辰  
相知誰謂白頭新  
且嘗一筯鱸魚膾  
莫厭深盃竹葉春  
禮樂衣冠千古地  
江湖廊廟百年身  
欲知郡化今何似  
歌頌惟應召信臣  
履聲遙憶上星辰  
舊事分明入夢新  
黃菊釀成千日酒  
甘棠散作萬家春  
唵成白雪歸能事  
老去青

山着病身漸喜里鄰相識盡  
每談孝子及忠臣

嘉庠諸士攜酒至用前韻謝

憶別吳鄉幾歲華  
璽書增秩拜恩嘉  
知非伯玉已云晚  
題柱相如未足誇  
識面自慚非北海  
著書誰復是東家  
人生行樂須臾事  
剛道無涯又有涯

過白蓮寺和包汝調韻

老宿禪心惠遠齊  
偶來結社話曹溪  
誰能爲解坡翁帶  
我獨閒賡孝肅題  
高柳碧梧雙鶴瘦  
亂藤修



竹片雲低毘盧閣近蓮花界更欲壺觴與客攜

輓半村湯公著

濟濟青衿半在門半疑城市半疑村鹿鳴有燕歌  
琴瑟棠棣何人賦鵠原賭墅奕碁前輩是幅巾野  
服古心存 龍章渙錫他年事留得書香付子孫

題倪蕪湖扇

江湖豪氣未摧藏秋榜名高翰墨場三泖一舟憐  
我老百年雙屐爲誰忙殘紅新綠清尊滿急管繁  
絃舞袖長今日賓筵最奇絕數竿修竹雨浪浪

送常汝仁京兆往南京

堂堂京兆壯都城望望雲山祗數程八表慈闈今  
日養百年鄉土故人情 神州赤縣霑新化白璧  
黃金有舊評我抱離愁隨水去秦淮月色共江聲

送河南屈直方伯

一雨隨車洗宿嵐又看藩 命向江南交期有道  
名宜早法吏能文事總堪老我杜門休枉駕逢人  
問俗且停驂知君不久歸台鼎留得清風作美談

題馮漢卿存耕卷

爲卜存耕先



大和堂 卷之四  
共說黃金貴滿籬誰知方寸有遺耕菑畚可是從  
心理稼穡元非在力成房杜一生真磊落儀秦六  
國苦縱橫何如丹府恢恢地留得陰功世世評

次湯汝光韻

珮玉長慚漢侍臣瓊詞錯比竇庭椿人間壽域開  
南極天上星芒拱北辰漸老形容吾是故相逢意  
氣客非新菜羹臘酒元宵近一醉陶然笑語真

飲屠舜卿宅

昔宗奕葉世非遙一棹相過可待招芳艸池塘還  
舊夢對床風雨復今宵九天燕越成離別三月  
花未寂寥美酒玉缸知預辦不須鄰市解金貂

弔岳武穆

英雄進退繫安危大厦顛非一木支萬里長城資  
逆虜千年深恨失吞夷奸邪自幸謀身足天道終  
難巧力施誓復中原心不死至今墓木向南垂

送楊二和提學西蜀

樵李毘陵五日期甘棠路近野人知正誇慶協熊  
羆夢又喜冠峩解豸威人向中朝瞻使節士於西



蜀仰賢師十年頗憶雲霄舊兩見超遷兩贈詩

次彭濟物憲副進表

綵鷁飛飛濟巨川萬方玉帛賀  
堯年彤庭雉扇迎祥日  
袞冕香爐疊瑞烟金鏡有人持錄獻台司  
無地不才賢嵩呼萬歲齊三祝  
喜動威顏咫尺天

表章周雅耀山川又是龍飛第五年拜舞懽呼

登玉筍崔巍功業繪凌烟岡陵再作禧公頌文武

真如吉甫賢樂奏鈞詔闡闡曉從容星履上青天

壽三一居士兄七十

舊廬桑梓水雲東抗疏歸來老桂叢  
恩及兩門金間玉天成二子孝和忠  
稀年頊祝期年壽三一何慚六一翁  
却愧晚生踰耳順幸從林下挹高風

贈院使錢汝礪致政次屠丹山韻

吾宗錢氏本通家老去歸休鬢已華  
惠洽兒童交契密業傳袍笏  
聖恩賒江陵謾說千頭橘勾漏  
休論九轉砂最好東籬秋入閨  
今年花勝去年花抗疏歸來成契闊  
忘形痛飲是平生極知天下無



九和堂 卷之四 三十八  
雙士占得人間第一榮  
扁鵲善醫還視色  
韓康賣藥可逃名  
前星光彩吾深慶  
指日徵書照眼明

韋祖居

舊業相承過百年  
楠楹摧落尚依然  
翠團老樹高遮戶  
青挹羣峰遠接天  
苟美敢忘公子善  
肯堂猶記昔人賢  
松丘蕪沒歸來晚  
却恠蘇秦二頃田

送胡國宣通判潯州

潯州作牧荷恩榮  
去去雲山都幾程  
俗尚詩書誇陸續  
心勞撫字說陽城  
二江形勝連天遠  
三邑

提封入掌平  
好種甘棠千萬樹  
坐看歌頌達

神

京

于嘉興惠土牛

報道青陽歲欲終  
勸農生意土牛中  
條風已解飛灰力  
好雨初施潤物功  
忙裏光陰如轉燭  
向來少壯已成翁  
洞庭春色依然在  
莫謂衰顏借酒紅

送陳巡按

兩年按節見才雄  
老我無因揖下風  
寒入簡霜歸闕下  
愛餘棠日滿江東  
雙清冰月襟懷淨  
三白湖



山歲事豐愛國愛民心幾許定多緘疏達 重瞳

壽諸半菴

窈窕幽居北更南春風絳帳老能堪揮毫覓句真  
成癖問柳尋花不是貪布襪青鞋閑杜老壺觴琴  
韻醒陶潛人生七十春宵宴吟倚寒梅月半菴

題海天道人卷

弱水蓬山何處求多君瀟灑羽衣流丹臺姓字長  
生訣老鶴風烟萬里秋藥杵籠烟春潑潑簫聲吹  
月夜悠悠從渠滄海桑田變一笑青天不盡頭

奎侄遷御史按閩

星槎忽報下閩川老我春襟喜欲顛綵戲庭前方  
愛日晝遊風物且經年竹林莫戀家山好烏府親  
承 雨露偏經濟平生曾自許好將忠悃荅 堯  
天

九日陳玉疇諸公會飲龍淵寺

三塔巍巍壓路岐登高此日赴佳期有人有地方  
成美無酒無詩不是奇白雁書稀成夢遠黃花秋  
老爲誰遲龍山戲馬俱塵跡納納乾坤萬古思



大和堂  
九之四  
畫戟分幽總俊髦自公多暇其登高天留詩景初  
開釀 恩憶宮筵舊賜糕落帽尚餘千古話餐英  
休問昔人騷風流詞翰今如昨未必陶潛興獨豪  
次包汝調壽呂秉之韻

老人文古壓西京伯玉行年重德聲賀客登龍皆  
上客清卿解組豈凡卿宋朝公著鈞衡喬漢室蕭  
何昂宿精初度中秋前二日壽星南極夜光明

登寶巖塔

陟險登堂一叩禪青松白石豈知年江雲剩作金  
銀氣花雨如浮玳瑁烟十里湖光平鏡徹七層塔  
級向空懸三乘法罷心無住便欲凌虛直上天

過石室山次張靖之韻

萬木撐空不解樵禪宮石室可能消地當險峻逢  
佳寺人得閑行荷 聖朝舉世光陰塵擾擾是誰  
詞賦興飄飄山林鍾鼎皆天性不用淮南大小招  
題翠岩都綱先照樓

罨畫樓臺深復深誰人筆貌可千金三間茅屋此  
中是一塢白雲何處尋翠竹修藤還識主高山流



水屬知音新銜領袖 恩如許羸得扶桑日照臨

又

昨日登高此復登乾坤佳節喜相仍豈因蓮社招  
陶令可是尊鱸乞季鷹老脫畏途成我拙籍占名  
路付誰能浮生未了曹溪語佛法如何最上乘

送舒方伯之廣東

南粵除書荷 寵靈壯年鬢髮未星星阜民牧伯  
存周典老吏刑名出漢廷文武自應同吉甫謀猷  
誰復似玄齡行行嶺海巡宣地贏得甘棠處處陰

託根竒峭貯中庭盎水青青異楚萍始信孤標無  
俗氣從來九節是仙靈清如點瑟三千衆義比田  
橫百世馨陶菊周蓮俱人品欲將遺恨續騷經

和伍二守時泰韻

西蜀東吳餘萬里萍蓬宦跡幾朝曛甘棠世已班  
良吏利器人應識使君司馬五規當日計魏徵十  
漸是前聞兩章白雪勞賢詠回首并州隔暮雲

送韓相夫二守開封

四載賢名滿秀州一尊相送驛亭秋尚書舊業家



入和生一  
卷之四  
三  
聲遠二守新符 寵渥優包老素聞  
關節事仲淹  
曾切地方憂 聖朝他日論功籍  
直寫循良第一  
流

次彭憲副懷陸宣公六首

咫尺君門隔九天  
相臣敷奏思如泉  
調羹直味鹽  
梅裏補衮常瞻日月前  
一藥膏肓真切病  
千年仁義總成編  
雪山萬里公來重  
舟楫何人濟巨川  
博學宏詞起秀州  
平生所學會能酬  
祇知報國爲臣節  
肯計排奸與世雠  
扈從絲綸非極遇  
天時人

送秀水蘇從仁

我愛棠陰滿路隈  
公車頻爲草堂迴  
三年述職唐虞制  
百里謳歌卓魯才  
天上恩光人北去  
霜前寒色雁南來  
聖明側席求賢日  
願植清標御史臺

題秀水劉二尹望雲拱壽冊葉

飛雲曳曳繞鄉關  
孝子悠悠指顧間  
色映太行當日白  
線存遊子舊衣斑  
酒稱賢聖春如海  
詩祝岡陵壽比山  
若解從龍霖雨意  
可言出岫不知還



硤石山寺紫微絕頂

硤石佳山聳紫微，紫微高絕有禪扉。  
天花作雨從空墜，慈海無航任錫飛。  
虎穴龍泓金色相，竹叢藤蔓翠烟圍。  
上人好事湯休是，隨喜何年愜素機。

春菴和施廷儀韻

岐黃聲價滿乾坤，利澤分明轉化鈞。  
橘井陰功三世業，藥囊生意一腔仁。  
卽看儒術爲醫術，頗覺今人亦古人。  
好是東吳醫國手，丹書有日起垂綸。

蒲菴爲楊時職賦

事每深憂如何不及貞，元治太息讒諛史策修。  
興戎稅駕日相循，仰止明公重里隣。  
逆泚稽誅猶犯闕，乘輿從幸尚蒙塵。  
兩河久戍兵民困，一紙推誠艸木春。  
王佐帝師公不忝，辨香千祀屬吾人。  
絲綸詔下每言天罪已，深憂若墜泉王室。  
甫申今有幾禁中，頗牧古無前。  
華夷事業歸名輔，金石文章在巨編。  
一代典刑垂不朽，萬年血食此山川。  
被讒再斥向西州，炳炳如丹志亦酬。  
可道去身還似葉，從知疾惡俗如讐。  
乾坤否泰非迂論，社稷安



危獨隱憂 聖世褒忠香火祀依然生氣仰清修  
時運相遭理亦循幹旋元化本臣鄰商盤周誥同  
前輩誼辯良竒總後塵居重馭輕今日勢消兵布  
德萬家春鄉邦治理綱常事孝子忠臣起後人

宴王宗式宅賦竒梅

酷愛梅花有老逋至今遺事落西湖巡簷索索  
忘倦美酒深尊不用沾疎影暗香當日句青山明  
月此堂孤誰云舊雨非今雨須信今吾亦故吾

輓呂秉之太常

中舍騰聲歷奉常英賢端合佐虞君科名早繼王  
槐美手筆終存漢署香力挽頽波宗行誼心追古  
格老文章煌煌祀塋 天恩重太史新銘勒有光

送費子充閣老

高文雅量世難全弱冠魁元海內傳東觀史才推  
獨擅西川人物更誰先江湖可忘憂時計霖雨真  
成夢卜賢道路喧聞司馬起華夷一統賀 堯年

送金朝用赴滁州

冠蓋東南此日逢匆匆買棹又江東無端身計行



藏裏有限年光聚散中吳地去旌隨曉日楚天來  
雁及秋風環滁自昔誇山水公暇登臨憶醉翁

鄉飲

明倫堂上燕嘉賓鳴鼓歌詩酒復巡揚鱣有詞宣  
郡博分隅隨坐列耆紳獻酬交錯情文偉有簌森  
羅俎豆陳愧我歸休叨盛舉一年兩度祝 皇仁

送袁巡按

四牡煌煌滿路光繡衣持節按南方諏詢郡邑先  
風化振肅朝廷在紀綱 霄漢九重恩寵渥江湖

千里夢魂長送君却憶相逢地又見西風白雁霜

彰孝坊爲楚世子賦

書稱身代周公旦孟載人觀世子滕兩事總誇今  
日孝九重爭覩 聖恩仍紫泥鸞鵠光相向綽楔  
風雲氣欲凌聞道東平爲善樂寥寥千載復誰承

題太公釣魚圖

八十餘年豈隱淪乾坤何處不周 臣磻溪可是無  
閒地牧野終當起釣綸伯仲勲名伊作侶古今霖  
雨傳爲鄰幸逢四海登庸日空谷憑誰語渭濱



隱真留題

隱真仙觀勝玄都老我尋遊得  
畫圖悵望不聞金  
七藥朗吟空憶洞庭湖  
有呂劉二仙遺蹟  
清虛寥廓還今  
古秘訣流傳出有無  
皓鶴下天微月上悠然心跡  
在蓬壺

題倪子虛月湖卷

羽衣仙子夜吹笙  
烏鵲澄潭共有情  
一片冰輪何處起  
滿湖秋浪爲誰平  
氣吞雲夢青天近  
身在瑩室玉露清  
解道此時還此景  
不知身世隔蓬瀛

答黃元德

竹院頻傾麴米春  
蒼苔路滑不生塵  
嗟予抱病逾三月  
憶昨題詩少一人  
自笑終南非捷徑  
誰知幽谷有通津  
年年九日東籬下  
相對黃花不厭貧

題盛文耀西溪冊

高人卜築面西溪  
屋在東兮水在西  
沙鳥晴飛栽藥地  
野雲香護落花泥  
夕陽返照天宜近  
春水初來路欲迷  
回首東湖潭不遠  
扁舟何日訪幽棲

題周大卿近竹卷



九和堂 卷之四  
最愛西家竹一叢每隨明月過墻東  
筍穿隙地元非主陰散鄰家也  
至公二仲不來多俗氣七賢相對有清風  
誰人錯比簣管谷未必孤標賤似蓬

### 出錢塘門

曉出錢塘步屨遲望中烟樹轉逶迤  
緜延古刹疑無地盤曲崇岡別有岐  
修竹翠翻風外籜好花紅映日邊枝  
登臨欲問前朝事廟貌峩峩武穆祠

### 過神霄福地

何年福地懸金榜此日名公駐錦籠  
醉眼風光吞

不管感時生意筆難描梯雲躡磴延  
三竺環野吞虹又六橋回首諸天應  
尺咫一聲鍾磬出林遙

### 登孤山

覽勝重尋放鶴亭湖船載酒過前汀  
梅花欲與頭爭白柳色相將眼共青  
前輩風流今又古一春花事醉還醒  
臨淵穩坐青天上兩岸峯巒列画屏

### 遊靈隱寺

松檜參天萬木稠寺名靈隱最清幽  
冷泉亭古詩

題蝕

有宋孝宗詩

直指堂空繪事留

有宋理宗像

峯作飛來



大和堂 卷之四  
如欲舞鳥啼歸去本無求豪華一代俱塵跡惟有  
清溪不斷流

憇龍井

龍井環山石徑斜參差叢薄翠交加一盃且復同  
傾酒三月猶聞未進茶赤手欲扶天上日白頭羞  
挿鬢邊花賞心樂事茲遊最歸路何須問落霞

南屏迴步

第一峯前第一竒爲渠留眼坐移時蓮花碧水平  
浦岸雷塔高崖半入池老去得閒方有味興來曾

心可無詩虎跑石屋虛窳聯勝口登臨尚有期

遊南山

曉行佳麗問蘇堤李徑桃蹊信馬蹄南北峯巒青  
不了東西湖水綠初齊林深花落啼春鳥市遠烟  
飛報午鷄剛辦新詩吟未穩無端雲影度墻低

遊虎跑

錫飛空翠古禪林咄咄幽竒得細尋西井虎跑傳  
已舊東坡詩句到如今汲清煮茗涼初逗陟巘捫  
蘿力不禁欲向湯休話僧偈閒雲野鶴本無心



再遊南山

門出清波一掌平，宜烟宜雨又宜晴。  
粘泥飛絮漫漫下，蕩日遊絲細細輕。  
蓬島只疑天咫尺，江山好是畫分明。  
園林無地無春色，澗道東風不世情。

次張巡按遊山韻

錢塘曉出晚清波，盡日啼鶯送綺羅。  
兩浙衣冠同宴集，百年風物見時和。  
石根藤瘦浮烟沒，松末泉聲薄暮多。  
憂國後先吾事了，不知雙鬢爲誰皤。

湖山遊樂園爲劉總鎮賦

勝遊佳會屬芳辰，置驛娛賓笑口新。  
身作干城名望重，心懸丹扆寵恩頻。  
湖山花柳逢三月，主客壺觴共六人。  
無限風光爭入眼，良工收拾畫圖真。  
翰墨花箋辱寵招，明公高誼薄層霄。  
百年物色奎星聚，萬戶春聲玉燭調。  
地接東西歸節制，才兼文武見丰標。  
湖山此去堪圖畫，付與遊人說聖朝。  
春郊小隊擁旌麾，總領英聲兩浙馳。  
議論每爲天下計，腹心端合聖明知。  
興來花鳥添詩律，坐久觥籌進奕棋。  
此樂敢忘天賜予，丹青貌出世間奇。



題筠翁橋次呂太常韻

綵虹百尺架飛橋名扁筠翁惠澤遙野渡天寒無  
病涉長林日落見歸樵聲傳鶴表春俱寂影墮龍  
津月共搖題柱兒曹今駟馬步依金水韻簫韶

贈史孝基上舍

十年此日快登堂一徑幽深半畝塘直道昔曾推  
史氏義聲今復滿鱸鄉槐連喬木團陰遠溪合諸  
流會派長鳳穴一雛成五色青雲萬里看翱翔

九日姜一臣招燕鬱秀

鬱秀邊河謾繫舟臘醅端爲故人謀百年此日乃  
黃菊一郡名公盡白頭湖上芙蓉花未晚霜前楊  
柳葉先秋良辰樂事非無謂楚調吳謳勸未休  
江湖廊廟此襟懷小院迴軒傍水涯令節且憑深  
酌送著英還許昔人偕細尋籬菊疑無處遍摘畦  
蔬也自佳鄉曲情真忘爾汝不妨談笑發詼諧

樹先祖考妣 賜誥之碑

綿綿世澤仰乾坤深荷 皇封表慶源肥遁丘園  
遺行在茂傳詩禮 賜音存霑霜履雪都成淚宿



大和堂 卷之四 四一  
草荒榛總是 恩秦篆漢珉文字古願言瓜瓞子  
生孫

再樹先考妣 諭祭并 誥敕之碑

義方慈訓重鄉評 卹典褒揚盛 聖明三拜

恩封被存歿細磨碑碣載哀榮潭龍春護岩前地  
遶鶴秋歸海上城深藉書香垂世澤啼號不盡古

今情

送常推官之辰州

人物鄉歸月旦評君家伯仲總才名寧無聽雨懷

况旬應有平反慰母情望望白雲迷楚樹蕭蕭黃

葉下吳城辰州不是埋賢地佇待甘棠作頌聲

贈遜上人

上人業白衆稱賢跌坐空門七十年休問開山今

法寶還思祝髮舊龍淵一瓶一鉢元無相非鏡非

臺總是禪欲話葛藤何處所吳江月色滿青天

丁邨墳子中式有作

曉來名揭貢賢書歲數柞仍我亦如自愧文章非

爾雅誰云糟粕是秦餘槐陰鬱鬱秋堂舊桂子盈



盈月殿初燕罷鹿鳴人似玉謝 恩今日報鴻臚

庚午生孫

鬢毛衰落齒牙存燈下看書眼半昏官進一階方  
解印年踰六袞試生孫乘除頗悟玄虛理行止難  
忘 聖主恩努力前修驚老大向來心事與誰論

戒子

歲逢丁卯揆生初子幸登科倍感予萬物細推元  
有數一經相繼偶然如予亦十後生可畏年方富  
老我無能鬢已疎道德功名人品別且須努力向

詩書

辛未得項子捷書

喜音夜得故人書世有贏金恐未如齒合二旬三  
歲正名符四十二年餘在天在地元同揆為聖為  
賢本一初寄語南宮諸俊彥好輸忠悃待傳臚

喜得廷試書

今日何日得家書書來一紙萬金如心操不足無  
不足師到有餘方有餘忠孝兩全為業重 恩榮  
次第入官初 殿前策罷 龍顏喜 丹陛傳宣



曉唱臚

飲俞晦夫東園池亭

鄉會城東第一筵，耆英洛社合流傳。  
分明竹下開三徑，好是山中飲八仙。  
雲白天青雨初霽，花紅艸綠春爭妍。  
五株本學賦歸老，二頃何須負郭田。

題沈禮之溪南卷

竹翁卜室面南溪，三逕逶迤路欲迷。  
剩有新題追李杜，寧無高節並夷齊。  
萬竿積翠山環北，一榻繁陰日易西。  
水雪盡祛塵俗氣，瑤琴時復調薰兮。

西充馬汝礪見訪

堂堂藩伯鎮吾杭，節過東湖問草堂。  
萬里資陽音信少，十年京國鬢毛蒼。  
蘇公父子推三絕，馬氏源流見五常。  
却愧身閑閑未得，江湖廊廟耿難忘。

送梁守移杭郡

曉聞移郡領新符，旛蓋行行擁道隅。  
人向甘棠憐去早，天將霖雨慰來蘇。  
清於趙抃元無鶴，愛比劉寬不用蒲。  
寄語錢塘諸父老，休將前事說西湖。

壽馬紫崖侍郎廷用



詞垣人物潤 朝廷宗伯歸榮鬢尚青史館百年  
推直筆專門諸子重明經衣冠雅結山中社風月  
閒看水上萍愧我疎慵同甲子遙瞻南極老人星  
贈周東園汝安二首

舒嘯東園別置門北窻高臥任乾坤菊松歲晚成  
三徑雲鳥情親付一尊歸去溪山還種柳閒來風  
月自開軒世紛消盡吾今是此樂人間未易論  
芋區瓜地面朝暎野趣悠然樂事繁有宅雅同楊  
子宅爲園清勝辟疆園折腰五斗辭官祿多背常

且問門

送坤子應試

頃子官叨粉署名坤兒挾策及秋行人生盡說忠  
和孝家法相看第與兄庭訓詩書當熟味老思岐  
路最關情滔滔江漢朝宗意目送風帆第一程

謝職方于吉過訪寓精巖方丈次舊韻三首

無限離情有限盃故人乘興剡溪來百年往事真  
疑夢一寸丹心未肯灰藁在職方才望重 恩從  
天府驛書催望君欲問梅消息春到南枝北盡開



六載分襟一舉盃可禁浙雨送寒來風翻翠竹禪  
床影香逗疎簾蠟炬灰浮世極知閒是好流光無  
奈晚相催悠悠今古俱塵跡懷抱逢君得好開  
傳盃蕭寺復傳盃舊雨不來今雨來詩到楚騷餘  
雅韻文從漢簡出秦灰買山風月青蚨在笑老頭  
顛白髮催三十餘年題舊句頓令蓮社一時開

訪嘉善薛惟敷喜其衣冠之盛賦此以贈

白雁西風報鶴亭故人簪盃眼俱青江湖渺渺饒  
佳麗耆老悠悠尚典刑階苗蘭芽雙繼親門迹文

筆五明經今宵雅會真奇絕一任人傳彖德星

雨菴爲費處士賦

非烟非雨晝濛濛澗逼君家一畝宮坐愛檐花飄  
几席醉疑銀竹映簾櫳四郊枯槁俱霑足萬古塵  
埃一洗空蝸篆滿墻庭艸綠不妨長與漏天同

贈費柳西

湯說初乘石磬胎異粃今喜會仙材文光上燭星  
奎燦秀氣遙分海嶽來度量汪汪吞夢澤精神洒  
洒却炎埃欲知就見將來日始飲流霞此一盃



賞芍藥分韻

斜日西堂對酒歌賞心花萼湯分坡紅隨步屨當  
堦亂香逐鈎簾入座多高價未論西洛並勝遊還  
憶廣陵過相看莫遣雨遲暮風雨他時奈晚何

次伍二守感懷之作

休將得失較誰多世事浮雲柰爾何三獻卞和終  
是遇一傷樂正未爲蹉丹心許國葵傾日青鬢  
論年水逝波一片詩懷唵不穩颯然秋葉下庭柯

宿嚴克永宅值雪

華堂醉罷聽蕭蕭沿蕩乾坤夜色飭圖道舞

地轉忽經折竹向空飄瀾漫臘意還梅蕊公引春  
光着柳條却憶歐公存禁體莫將樂事負良宵

鴻洲

玩占愛汝出塵氛漸進平洲傷水沄自去自來還  
識候相呼相喚不離羣曾從彭蠡湖邊見却憶瀟  
湘月下聞渾悟屈伸消息理佇看超翼上青雲

鷗川

汎汎鳧鷖在碧漪儵然玉雪羽毛音閒隨萍梗身



無繫晴浴波濤性所宜雅近鶴汀堪伯仲  
鶴汀乃兄別號  
相親野老莫猜疑江湖我有平生約與汝重盟歲  
晚期

次黃元德韻

清時人物總儒冠水石園亭話歲寒歌作雅音琴  
調古典移斜日酒盃寬漫論歲月來何易翻笑比  
隣會亦難惟有江湖水不忘每驚青瑣夢長安

訪徐克剛

百年風月舊吾廬門外多維長者車碧鑑幾

利年身筆畫老業修書齋才疏才遲弄無竹鮮

看食有魚坐我東軒不知暑石欄斜日菊蕊秋

訪嘉善陸汝嘉

幾年不到雲間陸今日渾疑訪戴來鄉路問人多  
錯誤野鷗見客莫驚猜陶庄迤邐烟中盡夏蕩虛  
明鏡裏廻始信登堂興非淺相看一笑且啣盃

寫懷三首

七十年來百不堪課童誤菊滿山南居閒有味都  
成夢善俗無能祇自慙  
善俗乃是詔旨中語  
天地恩深資



祿在江湖身健酒盃甘尋常遇事掀髯笑也爲時人劇口談

白頭歸老拜 綸音萬里 天威咫尺臨兩浙名

流 宸翰重三朝宿望 聖恩深上四字皆詔旨中語山林

鍾鼎由人事 廊廟江湖繫此心猶有鷓鴣班清夢

在每隨 宮漏整冠簪

三入都臺愧豸冠廿年西省老刑官文章用世心

無補功業隨身夢未安誰解陽春生筆底我無風

采動朝端 完名晚節節 天恩後感激其


退難

屠康僖公文集卷之四 終





國家圖書館, NATIONAL CENTRAL LIBRARY, TAIWAN, R.O.C.





屠康僖公文集卷之五目錄

奏疏

- 一 乞 恩例以清刑獄事
- 一 叅情法以公比附事
- 一 慎立法以革繁例事
- 一 遵律令以止深刻事
- 一 平紙價以便囚犯事
- 一 起老成以備委任事
- 一 廣 恩澤以濟災傷事





一 禁奢靡以厚風俗事

一 嚴啓閉以蓄水刑事

一 專委任以督海塘事

一 郊祀藉田幸學事

一 辭職事

一 辭職事

一 乞 恩休致事

一 再陳衰老乞 恩休致事

序

送洪馬梁先生使安南詩序

都門近別序

送南京兵部尚書何公叅贊機務事

送少保兼太子太保刑部尚書閔公致仕序

嘉禾政蹟序

嘉禾唵嘯序

東湖別意序

秋江別意序

贈醫師顧士望先生序



鴛湖別意序

送山東提學憲副陳公之任序

攀轅圖序

楊公遺愛錄序

壽常母老夫人九袞序

玄孫男

繩德

全校刊

維德

終

屠康僖公文集卷之五

奏疏

大理寺左少卿臣屠勳謹

題爲應

制陳言事茲者天道亢旱人民失業上厯

宵旰之憂特降

勅諭文武羣臣共加修省且令條奏軍民利病時

政得失以

聞又降



勅諭刑部都察院大理寺以欽恤明慎聽獄而感  
召和氣延長命脉欽此欽遵臣伏讀

聖諭有以知一

皇上敬天恤民之心修德勤政之實直欲究循而  
行之非徒姑應故事而已卽成湯之六事自  
責大舜之欽恤好生是也然所以敬天者何  
必齋戒一心天命自度而儼乎

上帝之在茲所以恤民者何必崇儉節欲省刑薄  
稅而凜乎小民之難保所以修德

爽丕顯懋昭大德而思表正乎萬

政者何必競業萬幾罔遊罔逸而思 式乎

百辟如是而敬天恤民如是而修德勤政尚  
何

天意之不可回而民生之不得其所哉臣備員法  
曹尸素不職愚昧無知不足上承

聖諭謹以刑政一二有當舉革者膚見條陳伏惟  
聖明採擇幸甚緣係應

制陳言事理開坐具題伏候



勅旨

計開

一乞

恩例以清刑獄照得在京法司見監問囚犯每遇

天道暄熱

皇上憫念羅獄之苦特降

綸音答罪無干証者釋放徒流以下減等發落例  
該枷號者具奏多免枷號死罪情可  
多至  
行疑者

宥死克軍

恩至渥也然而南京係

祖宗根本之地彼處法司監問囚犯常滿千數臣

嘗謬司審錄頗知一二每遇暄熱或不蒙此

恩例再照天下司府州縣衛所監問囚犯先年奏

准五年一次差官審錄以爲常例弘治四年例該

差官止於南北直隸奏差刑部郎中二員其

餘浙江等處十三布政司行令巡撫巡按等

官審錄緣各官巡治地方事務繁冗偏州僻



縣豈能一一遍歷有司憚於申請往往預先  
捶楚至死以爲已便者不能無之以故矜疑  
重犯奏

請處置者十常二三耳陰陽失和亦未必不由此  
伏望

聖明一視同仁凡遇暄熱兩京法司見監囚犯俱  
乞

恩例一體溥施使大明兼照於覆盆陽春不釋於  
幽谷實囹圄之幸也仍乞

勅刑部查照先年差官審錄事例照舊選差明慎  
官員分投審錄惟復將災傷去處不必差官  
行移巡撫巡按等官審錄其各官務要上體  
聖心下全民命期無冤滯徒流以下就便減等發  
落死罪情可矜疑并應合辯理者一一具由  
星馳奏

聞區處如此庶幾刑獄以清而天意可回矣  
一叅情法以公比附蓋律之所載有限人之所  
犯無窮故罪無正律則以上下刑而比附其



罪卽呂刑所謂上下比罪者也近年以來在外問刑衙門多有不究情實比附過當誠如聖諭中所謂議擬比附或不合律條者焉姑以一二言之且如姦義子妻先年比依姦總麻以上親之妻止該杖一百徒三年以其終與親子有間也今則往往比依姦子之婦處斬則與姦親子妻無異若姦義子妻可斬則姦親子妻者更將何法以治之此其不合律條之大者也又如官吏給由律稱若公私過名隱

漏不報者以所隱之罪坐之止坐其罪不該罷職役不敘以其無他規避故也若有增減月日更易地方改換出身蔽匿過名者並杖一百罷職役不敘以其有所規避故也今則有犯隱漏不報者亦或坐以蔽匿過名有誤犯增減年月者亦或比依增減月日俱罷職役不敘此其不合律條之小者也殊不知情有故誤法有輕重苟不究其律章之全意而偶因一事彷彿一句而摘用之而比擬之所



謂毫釐之差千里之謬者矣乞

勅刑部通行兩京內外問刑衙門今後遇有人犯罪無正律應該比附者務要斟酌情罪相當必使罪合律條方纔奏

請定奪至於比擬死罪之際尤不可不慎而摘引律文亦要詳究律意所在不可妄自摘擬比附庶幾刑不枉濫而和氣可召矣

一慎立法以革繁例蓋律乃萬世之程例乃一時之變以例附律如運炭運灰做工等項此

例之不可無者也然情重法輕則又不可無克軍枷號等例以附律之不及近年以來言例者多有一事而二三其例者輕重之間各有一例事體不一人難遵守故有枷號而不克軍者有克軍而不枷號者有枷號而又克軍者有枷號無月日而克軍無地方者有行于京而不行于外者如三五成羣白晝搶奪人財物包攬錢糧坑陷納戶打攪倉場畧誘子女邊軍逃回不首假印批廻爲從私宰耕



牛開場賭博偽造銀知情行用寄藏盜賊接  
買頭畜縱容賣姦開印子鋪等項名色其例  
至爲繁瑣中間亦有不諭其情之輕重犯之  
次數賊之多少而槩施之者或枷號三箇月  
或發遣極邊衛分克軍甚非

聖明欽恤之意且人之所犯莫重于死而枷號克  
軍次之益隣於死者也豈可不分別而差等  
之乎乞

刑部會同都察院備查見行事例除常例外其

前項克軍枷號等例務須斟酌其首從之輕  
重所犯之數次得賊之多少議處停當何者  
當存存之何者當革革之何者未備增損之  
何者例該不分親屬何者例該親屬殊科必  
使情法相當允協于中明白開款具

奏定奪通行問刑衙門遵守其餘繁瑣難行者並  
宜革去

一遵律令以止深刻文武官吏除受賊枉法滿  
貫克軍并不枉法求索等項爲民外如聽許



財物律稱凡官吏聽許財物雖未接受事若枉者准枉法論事不枉者准不枉法論謂之准者但准其罪不在除名刺字之例今在外問刑衙門遇有此等人犯都擬以行止有虧發遣爲民是與已行接受者無異雖以禁貪律果如是乎又如監臨官因公歐人至死律該杖一百徒三年追埋葬銀拾兩初無罷職之條今則往往擬照酷刑事例爲民又軍職有犯亦照民職酷刑革職是皆不究律意而

以苛刻爲能也又如武職犯該枉法監守盜常人盜至斬絞罪名者例該立功等項滿日帶俸差操至於不滿貫并求索等項滿貫至減等杖一百徒三年者方纔革去管事帶俸差操其餘俱各照舊管事其犯該姦所部妻女宿娼挾妓飲酒例該爲民調衛帶俸差操外其犯指姦一切勿論係先年尚書王槩擬奏事例經久可行今則受贓又有不滿貫而帶俸差操之例犯該指姦而亦有送兵部收



查發落者兩京間斷往往不一乞

勅刑部通行兩京內外問刑衙門今後遇有前項聽許因公歐人至死囚犯務要依律擬斷不許引用行止有虧酷刑等項名色發落武職犯該前項罪名者俱照王槩奏行事例其間果有情重法輕要行比照重例者臨時明白擬

奏定奪至於克軍降級等項具有見行條例中間果有不常者亦聽法司查擬奏聞裁處

一平紙價以便囚犯照得兩法司日逐問理囚犯不分官吏軍民人等除死罪竊盜逃軍等項不納外其餘不論罪之輕重與夫供明俱納紙一分以待各衙門支用先年奏

准事例定有常價官紙一分該銀三錢五分告紙一分該銀一錢八分民紙一分該銀一錢五分柰何有等射利之徒通同店家欺凌囚犯百般強攬承送吏典巧立直櫃看驗名色多方索取遂至官紙一分使銀八九錢告紙民



紙一分不下五六錢官府止得常數囚犯被其措勒致使貧囚買納不前或發該兵馬司監追或送該管衙門拘辦因而淹禁致死者亦或有之事情雖小爲害非細乞

勅法司凡遇問過囚犯追納紙劄照依前項定價事例收受囚人銀錢在庫封貯按季委官查盤見數轉發順天府行拘鋪戶兩平收買紙劄送回各該衙門支用其犯該供明者合無免其納紙如此則奸弊可除而囚犯便益矣

一起老成以備委任竊見致仕刑曹尚書何喬新學識優長刑名練達庶慎有爲可屬大事致仕南京國子監祭酒謝鐸立心高古問學淵深氣節行義可勵風俗夫天下未嘗乏人才顧

陛下作養之何如耳堂堂

天朝濟濟百辟才德政事固多其人而如此二人者誠不易得乞

勅吏部博詢衆論如果二人才幹行實可取不宜



在閑卽便 召起隨宜任用必能裨益國家  
一廣 恩澤以濟災傷竊見浙江山東河南三  
省所屬地方直隸蘇松常鎮四府順天真定  
保定河間順德大名廣平等府水旱相仍人  
民饑饉疲憊已極科徭不已蕩析流移在在  
有之誠恐盜賊因而蠡起所關甚大宜行巡  
撫等官加意撫恤設法隄防伏望

聖慈憫念災傷特降

勅各該巡撫等官務要念此人民流離顛沛之際

作急用意撫安所有夏秋稅糧鹽鈔等件合  
行寬免分數內外衙門物料夫役一應不急  
之務合暫停止裏河馬快船隻禁索人夫各  
處歲辦 進造物件奏行減罷所在軍士月  
糧宜以時關給倍加存恤操練軍馬慎守城  
池凡救荒賑濟安民方畧宜亟便宜區處以  
和人心保地方爲務蓋事貴見於未然不可  
不有以撫恤而預防之也

一禁奢靡以厚風俗蓋財者民之命生齒日繁



則財用日耗以日耗之財而供日繁之衆財  
安得而不竭也財旣竭矣民必貧困又何暇  
於治禮義而欲不爲奸盜者幾希故大學生  
財之道必生之者衆食之者寡爲之者疾用  
之者舒則財斯足今兩京風俗豪富之家往  
往競爲奢侈服飾器用僭踰禮制浮靡浪費  
罔有紀極凡遇婚喪等項必極觀美如僧設  
醮街連巷接甚非美事先年累有禁例自久  
玩視恬不知懼然京師四方之本也京師如  
此四方可知故以蘇湖一帶地方言之巨室  
大族爭相効尤有嫁一女舉一喪而田產爲  
之蕩盡者推之其餘無不過侈風俗靡靡大  
爲可慮乞

勅都察院申明舊例備榜禁約仍行南京都察院  
并各處巡按御史一體禁革兩京者聽巡視  
官校五城兵馬司緝訪在外者聽巡按御史  
司府官員究治敢有服舍踰式器用違禁及  
婚喪等項不依制度越禮犯分務極奢侈者



問發如律照例發落庶幾人知警懼財用可節而風俗以厚矣

一嚴啓閉以蓄水利竊見沽頭上中下三閘隸沛縣地方最水勢易涸之處名曰金溝淺先年會設主事管理人頗稱便旣而革去今往來豪勢之人因無管攝啓閉不時商民船隻動候月餘不得經行阻塞河路莫此爲甚姦弊百端不可枚舉雖有管河郎中又在別處任坐禁令不聞人無忌憚况此地舊有公廨不須修葺乞

勅工部行移管河郎中常川在彼任坐遇有糧運盛行之時往來閘河一帶嚴立啓閉之法禁革姦弊庶軍民兩便而河道通利矣

一專委任以督海塘蓋海塘爲浙西之患其來尚矣跡其所由非惟委任之不得人抑亦督理之無其法以故隨修隨壞木石等料每歲浩費數萬皆民膏血而多被包攬之徒預領官價通同管理官員百般侵盜爲害不可勝



言是修一海塘而生二三海塘也今歲運石  
明歲運石人無休息今年修理明年修理迄  
無成功安得有如尚書周忱者而爲之經理  
乎雖有水利僉事而地方廣濶不能專理乞  
勅工部從長計議念地方工力艱苦海濤洶害不  
測轉行浙江布按二司分廵分守官員公同  
查驗見收木石等料若干未收若干計其修  
理大槩應該存積若干如其物料已敷不必  
再行派擾以甦民困若是有名無實務要道

究物料下落以備在官之數坐委庶幹官員  
遇有損壞卽時修理務爲經久之謀勿事日  
前之計備造舊管收除實在文冊存照更替  
之日執此查盤以杜侵盜之弊年終造冊繳  
部以憑稽考懲勸如此則官肯効能財不妄  
費而地方永賴矣

都察院右都御史臣屠勳奏臣猥以凡庸叨  
司風紀每見天災流行人事缺失未免私憂  
過計而寢食靡寧雖理難越職而



恩忝近臣敢忘圖報茲當

皇上繼體改元之初正祈天永命之日百度維新萬化攸始首卜郊祀籍田幸學三者其禮之大臣則當言屑屑供職曾何足補此臣之分也亦臣之罪也夫

郊祀所以敬天尊

祖祀典之載於經者自虞舜肆類上帝禋六宗望山川編羣神爲受命而告也虞書而下莫詳於周禮禮記思文之詩郊祀后稷以配天我

將之詩則宗祀文王以配上帝蓋以萬物本乎天人生本乎祖此

郊祀而配祖者大報本反始之道也至於以時以樂以牲以噐之類各有其義降及秦漢唐宋或郊或不郊或合或不合或祀白帝或祀黑帝其祀不同或三歲一郊或過期不郊其制不一甚者或以求仙而行或以祈嗣而行皆出於道家者流恠誕不經瀆亂非禮無復古人報本反始之意矣殊不知天卽帝也帝



大和學 卷五  
卽天也以其形體而言故謂之天以其主宰而言故謂之帝其實非有二也安得有如異端所謂天皇太乙之號者哉我

聖祖龍興定爲 天地合祀之禮 列聖相承以太祖太宗配享一用古禮參之周制分

命羣臣各獻二十四壇其儀文制度至精至備三代而下祀典之正未有如我

朝者究其所以事之者何詩曰昊天有成命三后受之成王不敢康夙夜基命宥密於緝熙

單厥心肆其靖之書曰先王顧諟天之明命以承上下神祇社稷宗廟罔不祇肅又曰不愆不忘率由舊章此則歷代敬天法祖之大畧也籍田者所以重農厚俗考之月令孟春之月天子乃以元日祈穀于上帝乃擇元辰天子親載耒耜措之于參保介之御間師三公九卿諸侯大夫躬耕帝籍天子三推三公五推卿諸侯九推又曰王命布農事命田舍東郊皆修封疆蓋天子籍田千畝收其穀爲



祭祀之粢盛而必躬爲之者以爲天下之農  
民帥先爾天子旣身爲之帥先又必命田畯  
之官以督其耕其重農事如此舜命官曰食  
哉惟時播百穀成王戒農官曰敬爾在公王  
釐爾成其見於詩有若七月皆言農桑之候  
其見於書有若無逸具言稼穡之艱厥後漢  
之文帝詔耕籍田以給宗廟粢盛又親率羣  
臣農以勸之賜民田租之半景帝親畊后親  
桑以奉宗廟粢盛祭服爲天下先自周以迄

唐宋莫不以此爲務然躬耕籍田者必祀先  
農我朝

列聖躬祀先農親行籍田禮如古制具有成法誠  
以民惟邦本本固邦寧民之所恃以生者食  
食之所賴以足者農耳幸學者所以崇儒重  
道天生孔子實萬代帝王之師祖述堯舜憲  
章文武自生民以來未有如孔子者文王世  
子天子視學大昕鼓徵所以警衆也衆至然  
後天子至乃命有司行事興秩節祭先聖先



師蓋學校禮義之所在聖賢道德之所宗  
萬乘所以親臨之者雖日以聚賢斂才而實以崇  
儒重道也漢明帝初建三雍親行其禮備法  
物之駕盛清道之儀尊養老更饗射禮唐高  
祖幸國子學親臨釋奠太宗召純儒耆德以  
爲學官數臨幸觀釋奠命祭酒博士講經賜  
帛增廣學舍宋太祖太宗數幸國子監詔講  
易卦堯典說命哲宗詣文宣殿行釋奠禮命  
祭酒豐稷講尚書無逸之數君者雖非三代

庠序學校之比而其所以敬仰休風循古良  
規者殆亦可取我

聖祖首建太學 車駕親臨

列聖相承率循是道所以勉勵師生者諄切詳備  
語以聖人爲學之道期以帝王作人之功具  
載

御製五倫等書貽厥孫謀以燕翼子正在

陛下今日之舉耳之三事者其禮相因其事至重  
不考古無以證于今不質問無以探其本伏



望

皇上念茲三事之大不徒循故事之美觀必求行  
三事之實意特

勅館閣儒臣

經筵侍從講求

郊禘配享之禮

思文我將之詩法三代以上所行之善監秦  
漢以下所行之失然儀文不備無以合古誠  
敬不足無以格天必真知 上帝之享享于  
克誠黍稷之馨不如明德必仁必孝善繼善  
述自然心與理合則與天通動一陟一降在

帝左右而感通之妙上帝居歆億萬年之不  
基兆于此矣所以籍田者必求古人分井經  
界之法豳風七月之詩周公無逸之篇我

列聖重農之訓必崇節儉以爲裕財之本必薄稅  
歛以爲足食之原禁游惰則爲之者衆省力  
役則不奪其時正經界不爲外戚之所占均  
田里不爲豪戶之所侵貴五穀賤金玉務農  
桑益種樹如此而帥先天下宣其德意作其  
農功勸相有方貪暴不作則仁心仁聞天下



被其澤而勸農之政行矣所以幸學者必尊  
德樂道以正天下之人心親賢納諫以厚天  
下之風俗師嚴道尊如學記之所存敬怠吉  
凶如丹書之所戒必格物致知誠意正心以  
修其身齊家治國以平天下如此而帥先學  
校則人倫明教化興風俗丕變人才彙興矣  
茲三者其理固然而行之必本於一心所以  
正心者莫先於講學切見先儒真德秀大學  
衍義一編具載修齊治平之道依經據史引  
物連類言天必有徵於人語事而不遺於理  
善惡必錄綱目詳明誠君天下者之律令格  
例也

陛下於經筵講論書史之中常以此書進講弗問  
其功不朝作而暮輟弗諱其言不隱惡而濫  
美乞仍以別冊置之

便殿以備清燕之覽則所以事天重農崇學以  
隆

聖治之禮舉不出於格物致知誠意正心之外



可以比隆唐虞三代而漢唐宋之君有不足  
言矣臣區區忠愛之誠以此爲

陛下新政第一事故敢不避狂妄掇拾舊聞以  
獻惟

聖明留意等因具奏奉

聖旨該衙門看了來說欽此欽遵

刑部左侍郎臣屠勳奏臣由成化五年進士  
歷任郎署屢遷南北大理寺右寺丞左少卿  
弘治七年陞都察院右副都御史奉

勅整飭薊州等處邊備兼巡撫順天等府地方弘  
治九年陞本部右侍郎尋陞前職守制服闕  
改左副都御史仍復前職弘治十八年九月  
初九日臣九年任滿給由該吏部具題欽蒙  
聖恩陞臣都察院右都御史者臣聞

命自天措躬無地竊惟都御史之職激揚所係風



紀攸存所以肅憲度於臺端樹風聲於天下  
苟非端士曷稱厥官如臣性本迂愚才尤駑  
鈍叨司刑憲三十餘年雖愛

君忠國之心恒不忘於寢食而明刑弼教之績  
率無補於纖毫碌碌班行駸駸暮齒方臣少  
時猶不如人今臣老矣將何圖報恭惟

皇上天賜聖神孝隆繼述恭默思道寤寐求賢豈  
可使迂鈍之人濫竽紀綱之地哉伏願

聖明察臣愚衷收回

都察院右都御史臣屠勳奏正德二年閏正  
月二十二日該吏部會官具題二十五日奉  
聖旨屠勳陞刑部尚書欽此欽遵伏念臣一介草  
茅叨登進士

累朝遭遇垂四十年世稱法司有三幸皆厠跡自  
考才識俱下久矣濫竽歷大理寺丞少卿左  
右副都御史刑部左右侍郎以侍郎九載特  
陞前職

恩至渥也誓守法以奉公實因人而成事其於報



國圖忠之志未罄以道殉身之私分宜退休詎  
隆

寵命惟古司寇之職卽今刑部尚書臯陶明刑  
五教以弼蘇公敬獄王國以長卓彼二臣功  
昭簡冊惟良非佞實難其人才劣德涼顧匪  
其選駑駘下乘雖鞭策以無能蒲柳先秋欲  
強勉而何逮徒以孤危之迹仰荷

聖斷之明此蓋伏遇

陛下文武聖神聰明睿知哀矜庶獄注意刑官卽  
成命將臣放歸田里或別置閒散庶幾因能授任  
上不失

朝廷予奪之公推賢尚能下可全人臣進退之  
節臣不勝感戴

天恩之至具本該通政使司官奏奉  
聖旨卿久佐邦刑老成練達九載任滿特茲陞用  
宜勉就職不允所辭吏部知道欽此欽遵



虞帝之好生周王之知恤也感

恩深重撫已慚競然止足之知須嚴於晚節負  
乘之悔敢昧於平生代願

聖慈收回

成命別選賢能庶明刑弼教之功可追於前哲化  
成期治之効不負於

明時臣不勝感戴

天恩之至等因具本奏奉

聖旨卿久典刑獄才識老成特茲簡命宜勉副重



大和堂 卷五 三十四  
任不允所辭吏部知道欽此欽遵

刑部尚書臣屠勳謹

奏爲衰老乞

恩休致事臣由成化五年進士歷任郎署屢遷南  
北大理寺寺丞少卿都察院右副都御史整  
飭薊州等處邊備巡撫順天等府地方陞本  
部右侍郎守制服閔改左副都御史尋陞左  
侍郎弘治十八年臣九年任滿陞右都御史  
臣以才不勝任具本辭職奉

聖旨卿久佐邦刑老成練達九載任滿特茲陞用



宜勉就職不允所辭欽此正德二年本部尚書員缺該吏部會推

欽陞前職臣又以才非任重具辭奉

聖旨卿久典刑獄才識老成特茲簡命宜勉副重任不允所辭欽此欽遵臣自筮仕到今已四十年荷蒙

列聖厚恩

累朝春遇非不淬厲初心堅持晚操顧才力短淺涓埃莫補夫何近日以來疾病交作加以頭

目昏聩精神短少此固暮年之態而臣實自知之况獄訟浩繁簿書填委雖欲勉強供職而力有不逮蒲柳之質衰不待年襍線之才寵常踰分若復不知止足覩顏就列罪益難逭矣伏望

聖明俯察愚衷矜憐衰老特

賜俞音許臣休致俾得生還丘壠咏歌太平以卒餘齒則未亡之日皆感

恩之所也



大和堂  
卷五  
三六  
乾坤大澤不以朽腐而異施犬馬餘忠敢以退休  
而有間臣不勝感

恩懇切俟

命之至爲此具本親齋謹具奉

聞

正德三年正月二十八日刑部尚書臣屠勳  
二月初一日早奉

聖旨卿歷事

累朝職司刑獄練達老成方切委任有疾宜加調

理以副任用不允所辭吏部知道欽此



刑部尚書臣屠勳謹

奏爲再陳衰老乞

恩休致事茲者臣因衰老自陳求退奉  
聖旨卿歷事

累朝職司刑獄練達老成方切委任有疾宜加調  
理以副任用不允所辭吏部知道欽此欽遵  
臣聞

命自天懷慚無地仰惟

陛下聖神文武真天地之涵容緝熙光明雖葑菲



之罔棄曲承

優渥俯降

褒音切念臣本草茅叨登仕籍幸逢

列聖荐沐

妹私

珍錫頻繁已踰非分之望躋階華要每懷不職之  
憂但臣自筮仕迄今既四十年濫等二品又  
幾三載私情公義展轉思惟非不欲勉策駑  
鳥少圖補報顧臣夙稟陋弱衰病侵尋髮因

整飭邊務飽歷風霜得患寒濕嘔吐等疾兼  
以撫巡畿甸措置安攘頗涉艱辛以此積勞  
成疾往往而劇此固常分粗免煩言曷足甄  
錄近日以來委的心疾屢作手足頑痺頭暈  
目花齒疎髮白精神短少遇事倦勤雖欲勉  
強支持力實不逮若復覩顏竊祿益重尸素  
之罪難逃負乘之譏况宿疾纏綿非一時可  
愈訟牒煩劇豈衰朽能堪伏望

聖慈俯察愚衷特爲休致不爲一乞而去



恩何厚也得以休官而還願亦足矣曰禮曰義君子之進退有名惟始惟終

朝廷之盛典無至桑榆暮齒獲被其光榮雨露深恩難酬于

罔極惟有葵藿之性至朽不移犬馬之誠誓死如一耳臣不勝激切俟

命之至具本親齋謹具奏

聞

正德三年二月初六日刑部尚書呂勳奉月

初十日奉

聖旨卿陳乞休致已有旨勉留今復具奉情詞懇切特茲俞允仍念卿歷事有年加太子太保寫勅給驛還鄉着有司月給米四石歲撥人夫四名應用還與尚書應得誥命不為例欽此



序

送洗馬梁先生使安南詩序

國家受天明命君臨萬邦薄海內外凡九夷  
八蠻之在荒服之外者咸賓服就法度修職貢歲  
以爲常罔敢越志迺弘治戊午安南國王黎灝告  
終其攝國事灝子驊奉表輸琛請封于朝天  
子若曰安南越在夷徼稱藩有年其遣使持節往  
封告之朕意于時洗馬梁君叔厚特兼翰林侍講  
克正使給事王君文哲兄副使賜麟亦優寵以



行蓋簡命也朝之公卿大夫相率賦詩爲贈而以序屬予竊惟安南本漢南越地武帝置交趾郡暨五季丁氏始僭稱王更歷數姓宋元數加兵叛服不常至國朝大一統太宗文皇帝嘗以兵俘其王郡縣其地義以取之宣宗章皇帝復立其故胤俾世守臣職仁以予之蓋帝王馭夷仁義並行而興滅繼絕字小之恩一天地之覆載日月之照臨非區區宋元所能儷也安南雖蕞爾一國數十年來職貢必修傳世必請君命之臨必

長天使之辱必敬亦不敢踵宋元之故轍所以繼絕世封保寧疆土以致有今日者良有自也夫襲封大禮也皇華重遣也苟用非其人其不辱君命而虧國體者幾希梁君東廣人以詩經發解魁禮闈入翰林官禁近日侍經幄啓沃聖心學博而才瞻守正而氣克其達政務而能專對固餘事也茲特膺簡命而行司大禮必能語天朝以大字小之恩規安南以小事大之禮俾其畏天之威競業自持懋績先猷動循儀度則所以祗若



休命增重國體者在是而亦安南之所願聞者也  
然古者人臣之使於四方也必諏謀度詢使情可  
達於上澤不壅於下而後爲盡職安南去天朝  
萬里其山川之所經舟車之所歷遐陬僻壤之交  
桂嶺炎海之外風俗異同閭閻休戚夷獠出沒土  
官爭斂凡觸于耳目而有梗於中者其可使鬱抑  
而不得伸耶伸之以達其情流其澤而仰副聖  
明求治汲汲之盛心非梁君之望而誰望也抑又  
聞昔者宣王命樊侯仲山甫築城于齊而尹吉甫

作詩送之旣備舉其德又備舉其職而又必曰衮  
職有闕維仲山甫補之又必曰式邁其歸仲山甫  
永懷以慰其心蓋謂武政于外雖山甫之職而保  
王躬補王闕尤其所急然則今日諸公送行之什  
謂非言甫作詩之意而何所謂遙歸永懷者君其  
可忽之乎梁君熟於詩而當重遣故復申之以此  
而亦諸公送行祝願之意也是爲序



都門近別序

弘治癸亥夏六月秀水尹譚君德周以三載課績入覲天朝銓部既書最將行侍御湯君新之何君道亨謁予言曰日某承乏赤縣於德周爲比治有實好茲行也喜奏成績而冀其迪簡在廷敢以都門近別爲題求一言以發其意予郡人也家居時與三君交厚嘗熟其行事得其存心有古循吏之風焉其能以不文辭乃爲之言曰縣令民之師帥縣之政事達於天下故一邑者天下之式也古



之名臣碩輔以縣令而起者比比如魯恭之爲中  
牟卓茂之爲密令寇準之爲巴東范仲淹純仁之  
爲興化襄邑其功業被於當時聲華垂於後世光  
昭史冊至今談循吏者必以爲首稱我 國家稽  
古建官慎重守令故通都鉅邑非進士不除凡一  
考再考政績顯著者起而爲臺諫爲部屬着爲定  
令卽古之遺意也予嘉興爲浙西都會屬邑有七  
古崇德若嘉興若秀水尤邑之繁劇素號難治者  
新之嘗尹崇德道亨嘗尹嘉興皆以循吏着聲用

爲今官德周尹秀水稍後二君本其存心也持之  
以潔貞其行事也濟之以愷悌而膏澤沛然下於  
民循吏之績昭昭在人耳目殆無異二君之爲起  
用之期固有日矣世言王陽在位貢禹彈冠言氣  
味同也三君皆起家進士發身同也出宰劇邑居  
地同也行事存心有古循吏之風道之同也道苟  
同則其功業遠大偉乎如卓如魯如寇如范被當  
時而垂後世將有不同者乎德用行矣當預爲彈  
冠一相慶也昔昌黎韓子送鄭尚書之嶺南謂朝



之公卿大夫率爲詩以美朝政以慰其南行之思  
韻必以來字者所以祝其戎戈之來歸疾也今德  
周政已成矣來歸之疾可以預卜新之道亨所謂  
近別者非卽當時公卿大夫祝鄭之意乎予有愧  
於昌黎者多矣獨撫二君之意以塞其請以爲德  
周近用之祝於是乎言

送南京兵部尚書何公叅贊機務序

我 聖祖高皇帝龍飛淮甸定鼎金陵時則文武  
臣僚際雲龍風虎之會而混一自古所無之疆宇  
法古建官誠萬世制治保邦之良圖也永樂之末  
我 太宗文皇帝巡狩北京厥後定都於北建官  
攸同率惟舊章宏規大烈繼繼承承敬守無怠時  
則留守之責付之內外重臣迄于 英皇嗣統之  
初則有叅贊機務之設而以尚書領之首膺是選  
者少保黃忠宣公也繼厥任者非有文武兼資知



大體可畏信者則不輕受今正德乙卯爲 聖天子嗣位之二年叅贊員缺 天子若曰南都根本重地叅贊尚書重任其慎擇之下吏部會廷臣議僉曰刑部左侍郎何公某則其人也交薦之 上曰可廼 賜璽書乘驛傳以行行則 內帑寶鑑光祿酒宴皆殊錫也公行之日公卿祖餞于郊酒數行執爵而告之曰公知 聖天子今日所以任公之意乎昔文武之興都于豐鎬而命周公留後于洛歷君陳畢公世變風移而猶不能不賴于保

釐者我 國家創業垂統實類文武而叅贊之寄非卽周公留後于洛之任乎其不輕而重也較然矣地雖不同而任則同百餘年來文恬武嬉風俗之丕變民物之阜殷視之往日如何武備之精賦之出入視之往日如何東南民力竭矣之數者皆公之事也而公可不殫思慮竭精神以處之乎其尚與守備內外重臣一德一心同寅協恭以計之也公敷歷內外垂四十年所在赫赫旣去而恩當巡撫東南恩威兼濟東南之人舉手加額愛



之如父母敬之如神明歷試蘇湖之水患青徐之  
荒政荆襄之逋迯皆綽著成績而其細者固未暇  
論非素有文武兼資知大體而畏信者能爾乎舉  
其已試而施之於今不猶輕車熟路乎保釐之任  
公其勉諸他日根本培植道洽政治澤潤生民將  
與忠宣匹休于 皇家而上揆周公君陳畢公者  
其不在茲乎公起拜曰敢不敬蚤夜以無忘諸公  
之祝規以求無負 聖天子之休命於是賓主交  
歡獻酬有容咸作歌以贈之而命勲復有言也退

爲之序云



送少保兼太子太保刑部尚書閔公致仕序  
正德二年閏正月十九日太子太保刑部尚書閔  
公朝英上章乞致仕至是已三四上矣語益切其  
畧曰臣歷事 累朝垂五十年功成名遂身退天  
之道也而今耄矣懇乞骸骨 聖天子欲成公美  
特俞允加少保 賜璽書給驛還鄉有司月給食  
米五石歲撥人夫六名其禮賢優老之典無以加  
矣偉乎爲一代新政盛事前此優禮之錫惟太師  
吏部尚書馬公負圖與公爲先後嗚呼君臣之間



恩禮始終何其盛哉 命下之日 朝廷公卿交  
游之良都邑執事奔走之舊咸嘆羨咨嗟以艷其  
行而又惜其去何哉蓋公爲人胸次坦夷不立城  
府諳練法家公謹亮直而休休有容有古房玄齡  
之風臨決大事不動聲色真以快恩讐矜名譽爲  
可薄議者又謂有韓魏公之量故其敷歷中外爲  
御史爲廉訪在在有聲未幾撫巡三輔總督兩廣  
雖戎務孔棘公運籌決勝動中機會而宿將老吏  
不敢以武事少公及其握總臺綱尋改司寇簿書

最委迎刃而解片言折獄聽者唯唯人尤以文事  
多之宜其出人勤勞福澤生民功著朝野而進退  
大節無愧於古之名臣良有以也公之去也其艷  
而榮之者以 朝廷恩禮之異誠千載竒逢寔斯  
文慶幸也愛而惜之者蓋以國有老成社稷之福  
今 聖天子嗣位之初圖新政令方將有意太平  
之治而如公者正不可去是榮之者固爲 朝廷  
而惜之者亦爲 朝廷於此益見公之賢矣昔疏  
廣受以年老致仕而去故人邑子設祖道供帳東



都門外道路觀者皆曰賢哉二大夫是固然也然未聞有愛而欲留之者今公之行公卿祖餞之盛殆有甚焉而上自 王朝下至都邑愛而惜之欲挽留公而不可得者則又二疏之所無也不知漢史之傳其事者有是事否乎又聞二疏之歸日享賓客其子孫欲及公存置遺田宅不爲飲食費若是者恐二疏之於子孫亦有所不足也公歸子孫賢而好禮芝蘭玉樹輝映庭祀日與鄉黨族人故舊賓客賦詩酌酒以咏歌太平感激遭遇坐茂樹思先人之封植濯清泉記童子之釣遊教誨子孫將承顏養志之不暇其視疏之子孫欲惜費以爲田宅計者古今人之賢與否又何如哉然則有疏之榮而無乎不足者非公其誰與縉紳之榮而惜之者旣爲詩以贈之予忝從公後復序而引之



嘉禾政蹟序

聖天子踐祚既四年亟先用賢自公卿以下既遴  
選其人而於縣令尤爲注意故通都大邑非進士  
不授而臺諫要顯非縣令之能者莫舉然必律以  
三載弗輕授也迺者銓部以風憲急缺疏其表表  
者以 聞若秀水令孫君夔卿則著在令甲實異  
數也 命下將行都鄙之耆舊閭閻之老稚皆齋  
咨涕洟不忍其去嘉興令于君覺甫與孫同年且  
同官過予道其履歷之詳且曰夔卿爲徽郡太守



之孫尚寶卿之子御史大理都諫方伯之侄起家  
進士伯仲聯芳其家學可徵已秀水於公爲隣邑  
其善政善教之施公所耳者幸乞一言爲贈予謝  
不敏而于君請之益力既不獲辭則爲之言曰縣  
令民之師帥士之發身者莫難于令中外鉅官臨  
之於上民侍命于下一不得其宜則上焉不獲下  
焉不治試者有成斯其人可大受也昔子路治蒲  
以邑大難治孔子曰恭敬寬正及治蒲三年孔子  
入其境三歎其善則治之難者固有其要也夔卿

以英敏家學之素本之仁義忠信之行凡勸課農  
桑戶口賦役錢穀賑濟給納之事無一不得其理  
發奸擿伏有老吏之明遇事剛果有明決之智不  
諂不瀆得上下之宜惟勤惟儉有持身之節宜其  
聲望翕然而有司獎之部使者器之吏民懷之畏  
之易所謂有孚盈缶終來有他吉者是也嘗聞卓  
茂爲密令勞心諄諄視人如子曰律設大法禮順  
人情卒之名冠天下受天下重賞魯恭爲中牟令  
專尚德化不任刑罰境內三異卒之致位通顯多



所論列今夔卿以循令而陟入孰謂古今人之不  
同哉夔卿行矣行當輪轡諤之忠以開四聰俾芻  
蕘之畢達薦岩穴之賢以來碩輔使幽遠之罔棄  
觀乎人文化成天下則豈非 聖天子今日簡任  
之意哉既以是復于公復道願留者之意而泄其  
思詩曰孫侯之來兮樹卓魯之佳績孫侯之去兮  
覲 天顏于咫尺我道之行兮輪素心之忠赤我  
民之思兮欲挽留而罔適願言繼者兮較法令之  
畫一我作此詩歌于巷陌穆穆在廷四海永懌

嘉禾唵嘯序

唵嘯之作尚矣始於虞帝賡歌爲詩三百篇之權  
輿而六義興焉降自漢魏以迄于今作者繼出雖  
體制不一要皆以不戾於三百篇者爲足貴耳正  
德己巳夏四月盧陵劉公愚隱先生以子仲賢作  
郡迎養而來旦夕侍側承顏戲綵稱觴奉壽所以  
悅乎心志者無所不至公感 朝廷錫賚之恩樂  
父子天倫之至情之所激每於咏歌發之郡之僚  
佐以公爲父執名流鄉之士夫以公爲耆年淵德



皆思一奉顏色爲平生之幸於是卜日請遊公亦折節相下未嘗以事辭故人益愛慕而歆豔之肆筵授几獻酬有容情意浹洽有倡斯和暨夫登高覽勝叢林巨觀白石清泉觸目興懷者一皆寓之於聲爛然成卷題曰嘉禾唵嘯一日郡侯出以示予俾序之予旣授簡弗獲辭乃爲之言曰說詩之難自孔子烝民懿德之旨孟子北山賢勞之意而後世遼遠今觀愚隱公之作與諸君相聚往復宮商相宣金石諧和所以歆豔而樂道之者一皆發

乎情止乎禮義而不戾三百篇之意信乎治世之音也夫諸君所以歆豔者豈不曰壽人之所欲然或至老且耄而步履康強耳目聰明如公者幾人貴人之所欲然隱遁山林甘韋布而業以子故兩拜 繪音寵錫冠紱者幾人至於借老尤人所欲如公與王宜人年踰七袞麗眉皓首朝夕無違岸烏紗鞞翟冠金紫輝映於一堂之上者又能幾人哉此天也非人之所能爲也予嘗聞公讀書樂善博學宏才蚤游郡庠凡六較藝鄉闈弗利於售



乃歎曰吾之弗利命也遂脫屣名場韜光岩穴益肆吟咏若將終身焉惟以教子爲義長日信以貢入太學次卽郡侯起家進士蔚然才望大位有日其律身家者如此則其迂承天休者固有自也又聞郡侯初官留都法曹公兩至京邸日與名卿才子周覽佳勝入谿谷上岩石追逐雲月有金陵勝覽仰高等卷非篤好而能若是乎自茲以往公安養天和躋登上壽晝日三接其福其祿又未可量詩不云乎樂只君子萬壽無期保艾爾後此亦謂君祝頌之意也公熟於詩者予故本而申之郡侯曰君之言盡矣乃告於公書以爲嘉禾唵嘯序



東湖別意序

正德辛未孟冬之吉予從子堯自毘陵節推拜急  
缺風憲之命過家者觀二親畢卽束裝告行于  
常所交親者友人蔣文藻繪東湖別意圖爲贈謂  
不可無言予因而語之曰若知風憲之職之重乎  
內之則匡弼天子糾察日僚外之則按巡郡邑  
彈壓權勢其責重矣然必自諸已而後可以求諸  
人無諸已而後可以非諸人也至於治道有本有  
末從本而言莫先於格君心從末而言莫大於救



時變此風憲所以爲難也豈特風憲爲爾孟子曰  
有官守者修其職有言責者盡其忠則凡有官守  
言責者皆不可不知所本所事也子自幼穎敏器  
識不凡種學績文夙出夷輩故一舉而登鄉選再  
舉而成進士與兄奎後先相望其得於予兄三一  
先生庭訓者素矣逮居毘陵恪恭厥職旣三閱歲  
聲稱藉藉有正大之行閭敏之才冰蘖之採用是  
臺憲騰刻旌異再至考績書最甫旋踰月而有茲  
命蓋 聖君賢相用人之公而以風憲爲急如此

夫邇者寇聚封疆蜂屯蟻雜蔓不可斷 朝廷命  
憲臣督師行勦爲 天子耳目者自 國家利弊  
下逮閭閻臧否休戚無所不當言今事變若茲必  
草薶而禽獮之期可以安人心否則其如賞罰何  
拯救之術將何所施昔晉謝安兄子玄有經國才  
時符堅數侵寇安乃舉玄果敗符堅宋呂蒙正致  
政居洛真宗問其子孰可用蒙正舉姪夷簡遂至  
大用時夷簡任穎川推官古今人不同而其道豈  
異哉予且老矣無以爲處亦惟曰求諸已而已孔



子曰進思盡忠退思補過又曰立身行道揚名於後世以顯父母此忠孝之大槩也尚其勗之必俾行益修才益克操益堅而後可以永終譽相見汝弟應墳日亦以此語之系之詩曰風憲非凡秩詩書本夙心家聲雙親壁節操四知金溟北方雲路溪南且竹林江湖與廊廟吾意兩俱深

秋江別意序

予一日讀詩至常棣一章喟然曰兄弟之義說盡人情如此乎因謂坤子曰汝不可不知詩汝兄墳從事朝廷今三閱歲矣其往省之且古人以友一鄉之善士爲未足又等而友天下之善士以天下之善士爲未足又尚論古之人誦詩讀書以論其世況京師爲聲名文物之藪天下之士所由萃者汝從而友焉寧不一舉而兼得耶坤受命唯謹乃治裝負笈卜吉戒行親友尊執之素厚者相



與餞于津亭之滄賡酬有作而情猶未已坤願有以卒其教予又訓之曰學貴明理理無不明則知無不致故格物致知爲明德先務然後意可誠心可正身可修齊家治國平天下舉此措之耳此聖賢大學之道也故學必欲其博理必欲其明發之爲文章蘊之爲德業誠所謂天下士者由是舉于鄉達于王廷宜也非幸也若徒廣聞見工文詞以詭異相高而不窮理以達于用則非所謂學矣學優而仕正汝今日所當孳孳不懈務俾實修而

無名勝之耻可也至於仕也大之則經綸叅贊小之則百司庶務隨其大小而必以盡職爲賢守之以三事臨之如淵谷而尤貴于明理捨學何以哉不然則事變無窮酬酢之間少不省察而謬以千里者比比此仕而優亦不可不學也非汝兄墳之所當勉力者乎世之以發策決科榮名肥家希世取寵爲事者非仕之云也予嘗歷考古之人臣三代而下或稱識大體或不對錢穀或善謀或能斷或善應變或善守成如是者史不絕書而卒不能



舉斯世子三代之上者無它不明聖賢大學之道  
雜之權謀術數故也雖以賈誼之學終有縱橫習  
惟董仲舒純粹其學甚正寥寥千載信乎公卿當  
用經術明于大誼宰相須用讀書人至哉格言也  
若夫手不釋卷以半部論語佐主節用愛人使民  
以時終身誦之此可想見仕優而學氣象其視不  
學無術臨事周章引經據獄考實未詳者相去遠  
矣仕與學其可一廢哉然則何以居之其必曰志  
乎尹之志學顏子之學往語汝兄如斯而已衆曰  
然坤拜手稽首曰敢不敬蚤夜以求從事於斯遂  
爲序



贈醫師顧士望先生序

醫聖人之教也聖人憂民傷於寒暑饑飽勞怨有  
至於天死故爲醫之教使得保終乎天年者也古  
之明於醫者若張仲景李東垣朱丹溪諸公著爲  
方書以遺於世不可尚也去古漸遠讀者漫不之  
省醫道隱晦有由然也予比得心疾非藥石可瘳  
乞歸杜門養病者數月矣一日友人劉君世珍謁  
予告曰是歲三月千兵沈明輔患痰氣疾劇者浹  
旬旁致名醫卒無定議坐有顧士望者獨曰此疾



似虛而實非投以大黃之劑下之終莫可瘳衆不以爲然士望乃與明輔尊翁邦瑞揮使公一言卽契違衆一投而稍甦再投而大甦詰朝卽知人馴用扶左之劑遂獲乎復起死回生士望之力也明輔德之深至不可忘親友謀所以揄揚士望者非公之文不可予辭謝至再翼日世珍復申前請辭既不獲則仰而嘆曰今之醫去古遠矣始而試中而審終而致其力者此鑿之恒者也博涉羣書本之素問叅之本草講求仲景東垣丹溪之源委而

明夫內外傷感表裏虛實以及夫察色聽聲之詳者此醫之良者也苟不能是而刻舟求劍按圖索駿以希其偶中者醫之庸者也甚者不升其堂不躋其域而繆戾以爲見孟浪以爲方卒至於殺人者則醫之又下者矣嗚呼聖人教鑿之意固如是哉士望本儒家世業敦厚謹愿仁義忠恕不炎而附寒而棄有宋清之風不貴籬金菑畬經訓有韋賢之行厥子耀卿登上第選翰林義方可徵也以儒爲醫非世之恒者庸者可方其萬一矣況人之



身氣不平爲疾醫者必先審脈其疾之爲陰爲陽而投之以藥劑藥劑之陽而投之陰藥劑之陰而投之陽故陰不至於涸而陽不至於亢苟不先審其爲陰爲陽而以陰攻陰以陽攻陽則陰者固死於陰陽者固死于陽不可救已士望審陰陽於一視之餘決片言于立談之頃非其胸中卓有定見精於醫術者能爾乎以予言而徵士望其有驗乎且醫者意也以其臨機應變如對敵之將故善於將者亦必明夫醫明輔尊翁素明韜畧運籌決勝累破強寇方以竒功拜陟崇秩名望隆洽章服有輝聞士望之言而卽契惟果不謀不卜非其以將而知醫者與是皆可道也予不腆請以是爲士望贈并著邦瑞之知醫而因以爲世之庸下者戒云世珍曰公之言是也遂書以爲序



鴛湖別意序

莆陽黃君汝爲以書經發解閩南第一北游京師而南道齊魯歷淮渡江至吾嘉禾嘉禾爲吳越之會館予第有數月犬子應坤獲親炙在弟子烈士之質疑問難者無虛日隱然道行東南居無何念大事未襄桑梓久曠將戒行諸士深以弗克卒教爲恨時維九日今提學山東憲副陳公王疇集賓僚暨予輩相餞於龍淵之澗予辱知又不可無言夫師者所以傳道受業解惑而學之道有體有用



有文仁義禮樂其體也詩書六藝其文也舉而措  
之事業其用也吾黨之士陶染薰鑄其得於觀感  
而興起者汝爲之力爲多抑聞黃爲莆陽望族先  
世有知稼者狀元及第近世三解元萃于一門汝  
爲步武芳躅所謂體用文者因其素也況汝爲爲  
見素都憲林公之甥見素文章氣節表表于時尚  
其繼知稼之家聲齊見素之事業而所謂體用文  
者又不在此乎安知異日之稱者不曰而祖而孫  
而後有此甥者乎予老無似拭目以觀其成後之

以詩曰閩薦第一人文雄第一手遠遊自京師聲  
望儼山斗師嚴信道尊博約爲善誘寒事促歸程  
十夢已八九餞行西水西酌我黃花酒賓僚美且  
都予病成老醜囊無千歲丹門有五株柳謂無鄰  
侯書萬卷君腹有去去邇來期遠大心許久寥寥  
綠綺琴古調重回首



送山東提學憲副陳公之任序

正德壬申之秋山東董學政者闕吏部以吾郡守  
陳公玉疇上聞特 詔拜按察副使 賜璽書同  
僚二守伍君時泰輩屬予文爲贈予與玉疇最故  
雖不有請猶將有言況命之辱也公明經博學福  
建鄉試第二人擢丙辰進士被選入翰林爲庶吉  
士尋拜監察御史董學南畿南畿素稱人才淵藪  
凡經公陶鑄品題而躋甲科陟膺仕者卒以道德  
文章事業顯豈無自哉未幾公以言事觸諱左遷



遐壤回翔雲漢者有千無變初志則見其忠謹大  
烈也天性孝友謙厚閭閻爽信義接物以已之能惟  
恐人不能則見其偉德雅量也讀書根極理奧子  
史爲文精采爛然公暇手不釋卷則見其性理經  
術也持是以往殆猶輕車熟路焉何學政之弗克  
舉者乎雖然學政尚矣必教與刑相須而成故唐  
虞朴刑撻記實禹于典樂敷教之間三代庠序學  
校皆以明倫而亦不廢夏楚降及後世教刑蕩然  
我皇明稽古興學至我英廟臨御之初以學

政廢弛特詔各省增置憲臣以董學政良法美  
意有加罔缺今天子維新百度嚮右儒術而於  
董學臺憲尤簡帝心矧鄒魯爲吾夫子毓聖之  
邦其不輕而簡也較然矣吾因是而有感焉瞻彼  
泰山洙泗淵源想像杏壇教鐸之餘響浴沂舞雩  
之咏歌從游速肖歷歷猶今也拜闕里望宮墻而  
文豈易言哉吾夫子之道大而能博故仰鑽瞻忽  
惟顏氏子喟喟原遠而未益分求觀吾夫子之道  
者必自孟軻氏始然又以載道非文莫之傳作於



聖故曰經述於才次曰文著述之出於書易春秋  
比興之出於歌咏風雅信有以哉嘗觀東藩每大  
比由董學以文入試者或庶幾吾夫子從游之數  
其得雋而以文登 天府者視速肖之數稍加焉  
亦足以見 國家文明熙皞之治而吾夫子道德  
文章之所漸涵興起乃彬彬若是之盛乎公其行  
矣陳其大方具古刑教以已之所養者涵育而化  
導之礪礪而琢磨之舉學校之政於唐虞三代之  
上以無負今日 聖天子簡任之盛心有以端其

本有以發於文有以措諸事將使掉鞅文囿者琅  
乎如金玉瓊璜之相宣燁乎如山龍華蟲之列采  
卽其詞而可觀其行由其外而可槩其中譬之登  
泰山而陟其巔沐洙泗而沃其波駸駸以希聖賢  
之道德所謂功業者固其餘耳若徒口耳標竊以  
之射策決科乾沒雷同以之建功立業則是伯樂  
之廐無良馬卞和之匱無美玉亦何貴於遊公之  
門而齒鄒魯之邦也予不佞以志言之而淺言之  
亦非諸君屬文之意也諸君曰言以立志文以足



言其斯之謂乎遂書以爲序

攀轅圖序送李都司

正德甲戌秋浙都閩李公汝盛以 欽取還 京  
師益奉 勅江西勾當凱旋之後也杭居者獲伺  
知行期乃更告類率遮道攀轅以留公不可止衆  
皆若有攸失罔知所爲予海寧衛指揮嚴君震亦  
幸受知于公數承推獎委任者因述民志爲圖徵  
予言爲序予惟豪傑之士天有爲而生天下謂之  
天下士天道至公天下士必使之用天下不使之  
淹一方也 聖明爵入與天同道其用天下士亦



公之天下使專留于一方者莫覩焉都閫公其士也欽取其用也公以簪纓率胄生輦轂下居養旣異性習孔嘉耻以廕襲爲滿樂以武舉自成讀書而稱儒將好賢而有揖容留守聲望嘗重於鳳陽矣顧弗久者公道之初也及來吾浙總者十有六衛保者十有一郡機務歸之運籌生靈藉之禦侮隱然千里之長城會邊報有姚源之寇首禍江西流患浙東朝命特下以公爲叅將徂征時承平旣久善戰者稀賴公胸中甲兵主以保民之仁

行以敵愾之義仁義立而目中無勍敵矣故一舉而三衢安再舉而撫州熄飛捷書于萬里釋拊髀于九重閫外之功遂以告成今還公于朝蓋欲公出入禁闈寄託股肱爲詰戎整旅之儲贊覲光揚烈之美以盡公所用于今日是爲公道之極而留者昧焉不知還猶留也留不似還也何也天下得無一方一方不得無天下也斯還斯留非誠天下士其孰能致之孰能當之哉公今不留而還天當永念曰天下之心同也吾能視天下之人



皆能攀轅之人使既不能攀轅與願攀轅而弗能者均被膏澤亦善用天下者分內事公何擇於留還間哉昔苗民逆命禹往征之師臨閱月厥頑猶故以益之贊班師振旅誕敷文德七旬而有苗格姚源禍亂公戡定甚速功若踰于禹益矣而修德之勤獨不能踰之邪禹曰思日孜孜益曰儆戒無虞聖賢爲天下告其君用天下之至則曰文事之六足以保武功之成者復有加於斯言者乎公其念哉毋忽是爲序

### 楊公遺愛錄序

遺愛錄者庠生湯霽輩所彙次楊公治績之詳間以示予請序首簡予曰所謂遺愛者無乃若何武之去思子產之遺愛羊祜之墮淚者耶必其操履廉介居官循良而氣節高尚是三者所以能遺愛也楊君曰然予曰古有廉吏若楊震之卻金馮元叔之不帶妻子包拯之不持一硯劉寵之選受一錢若是者可謂廉矣有循良吏若黃霸治潁川力行教化文翁治成者手興學校張堪麥秀兩岐廉



范民歌五袴若是皆曰謂循良矣至於氣節之士  
若汲黯之忠直張九齡之風度朱雲之折檻范仲  
淹孔道輔之伏閣非其彰彰尤甚者乎噫求士於  
三代以前無聞也求士於三代之後見乎史者班  
班于於是而重有所感矣周禮六典以廉爲本乃  
良而循則廉良不可岐而二之世未有廉良而無  
氣節者亦未有無氣節而能廉良者也要之有其  
本耳以今之錄參之古人楊公其庶幾無愧哉楊  
公繼宗字承芳陽城人其道之行於家者若孝

友之純篤戒子之辭官予嘗聞之今戶部尚書韓  
公貫道可信也公以大順丁丑進士授刑部主事  
其來而蒞吾郡也爲成化乙酉予以是年秋叨竊  
鄉舉知公爲稔益公爲人磊落慷慨正大光明議  
論英發以公爲心以愛爲心不爲利回不爲勢屈  
其本如是宜其操履爲政一如古人若蕭然一身  
不持一視卻金辭餽興學務農省刑薄稅質之古  
人無可軒輊嘉禾數穗不亦麥秀兩岐者乎頌政  
錄成不亦民歌五袴自平以是知天理民彝古今



未嘗泯也楊公仕宦 卽憲而終或者謂其別白太  
明言論太激能行于一郡而不能使其身安於朝  
廷之上也者氣節于天下固亦有命哉不足爲公病  
也然公去郡已五十餘年士民思之不啻一日皆  
欲損已貲建祠惟恐後若是者又不知何武輩之  
去思遺愛墮淚有是也於此尤見公遺愛之深  
而吾人風俗之厚可謂世道慶矣言人有言蓋棺  
事始定若楊公者非耶安得有力者一請于 朝  
以表公循良之績以終慰吾人之思哉姑爲序

壽常母馬夫人九表序

正德十年常母馬夫人壽九表春二月廿有一日  
其誕辰也屆期吾黨薦紳朱公文佩輩繪圖蟠桃  
而以辭屬勳爲壽嘗聞東海有山名度索山有大  
桃實屈盤三千里曰蟠桃又云三千年一着子吾  
黨爲是者蓋此儼諸物以壽夫人于無疆耳屑與  
馬世有雅戚知夫人特詳夫人配先兵部員外郎  
松軒先生歸常者七十餘年以孝敬事舅姑以儉  
勤相君子以雍睦處 夙姻以詩書仁善訓子姓隆



家人之道著貞白之節何聖善也教毓二子長曰  
汝仁起家進士歷職方正郎出叅大藩左右方伯  
應天府尹南京禮部侍郎以迄致仕仲曰汝升由  
鄉貢進士任湖藩節推有治績駸駸大用夫人始  
封太安人再封太宜人躋古稀至中壽皆有名公  
健筆爲之辭勲亦嘗詩之而今耄矣顧茲三紀夫  
人彌高彌邵而膚貌益潤澤筋力益康強步履食  
飲如常何福厚也夫人孰不欲壽壽而至八十者  
爲鮮踰八而至九十者爲尤鮮人孰不欲貴貴而

膺一命者爲鮮再命而享祿如夫人者爲尤鮮況  
子孫繞膝芝蘭盈庭而 綸綍在堂湛 恩汪濊  
有以樂乎其養而無所拂乎其志者寧不益尤鮮  
哉萃茲衆美非倖也天也栽者培之也雖然亦由  
躬遭我 國家太平熙洽之運 列聖推恩覆育  
之仁豈易然哉凡人子於親溫清定省不可一日  
闕而慶誕稱觴不可一歲闕故崔邠之親導母輿  
當時榮之潘岳閒居一賦以舉壽觴和慈顏者爲  
樂噫於是而知汝仁之孝矣汝仁曩歲乞身歸養



勲幸揆芳隣誼其之自晨昏固也每遇夫人誕辰  
雕輿隘于途畫舫溢于川冠紱珠翠扞于室管絃  
絲竹騰于里夫人盛服坐堂次第上壽至旬日猶  
未已始而家次而族次而賓友次而鄉人日持慶  
禮凡屬目傾耳者靡不嘖嘖稱嘆以爲夫人訓子  
之榮以今校昔當益倍之其樂詎可涯涘哉自茲  
以往安養天和躋期頤而上之如闕宮所謂旣受  
多祉黃髮兕齒以儼蟠桃之壽殆未艾也勲復推  
本其聖善厚福于天子 國家者以終之且以爲

鄉邦勸云

屠康僖公文身卷之五 終

太和堂


卷五

六





國家圖書館, NATIONAL CENTRAL LIBRARY, TAIWAN, R.O.C.





屠康僖公文集卷之六目錄

傳

謝子期傳

贊

大典奇方贊

淪雪小像贊

同年顧良弼司徒贊

牛君宗瀚像贊

嚴把總小像贊





記

遵化行院題名記

重修秀水縣便民倉記

嘉善劉侯去思碑記

重修海塘記

重建陡門橋記

鄂陽山墓記

行狀

贈承德郎刑部主事洪公封太安人姚氏行

狀

奉議大夫刑部郎中奚君行狀

誌銘

勅封順天推官林公偕配贈安人洪氏墓誌

銘

山東按察司副使致仕張公墓誌銘

祭文

祭同年張尚綱亞卿文

祭太子太保公文



祭何尚書文

祭嘉興知府徐公文

祭南京周尚書文

祭張尚綱都憲乃尊文

祭堂兄朝列大夫三一先生并嫂封宜人陸

氏文

曾孫男

中孚

允

今校刊

目終

屠康僖公文集卷之六

傳

謝子期傳

謝君名昌字子期樂善其別號也其先稽會人晉太傅文靖公安石之後隋仁壽改元有諱傑者遷於歙遂為歙人宋初舉進士歷官至右諫議大夫曰泌者文靖公之二十七世孫也泌二子衍為太常奉禮郎遷太子中舍衍為將作監主簿衍之四世孫迺遇異人實傳地理之學是後精其術者代



不乏人祖某父某俱一德弗耀世精其業子期生  
而朴厚不尚浮華好學慕古博極羣書而尤邃於  
堪輿家言同邑少司馬吳公見而奇之曰振謝氏  
之門者此子也既長妙於陰陽算曆郡辟爲陰陽  
之術辭不就遂洞五行天文筮卜歷考程朱蔡吳  
諸儒之論註地理等書以正堪輿之妄精鑿明粹  
殆非近世者所能埒也由是榮鳴江南遠邇翕服  
嘗曰葬者乘生氣也世之言地理者率以天星掛  
例爲說又以人之賢愚壽夭家之興廢禍福舉係

於斯則惑矣又曰先儒伊川之葬說以擇地爲慎  
考亭之葬論以誠信爲先故人子不忍其親者必  
卜其宅兆而安厝之相其水土之淺深風氣之聚  
散形執之強弱而爲之向背以妥靈焉耳非有他  
也久之名聞四方稍動朝野凡官府學校之修建  
賜葬元老之兆域走書禮聘者日無虛踵相接也

周老毘陵徐公而下不數十人翰札謝答  
甚至雅其人則曰誠信有道學有淵源  
所未發開後學所未明具有



之術闡參同之幽隱研太極

墩程學士稱之曰訂古書之宿謬析玄  
高初號志道大宗伯海虞李公易之曰樂  
壽益以子期得山水之動靜而又序之曰日雖使  
景純復生吾知必以子期爲知言之數公皆一代  
名流文章巨擘慎許可者而乃折節褒揚則子期  
術之神學之正可槩見已所居中鵠鄉唐狀元舒  
雅所產之地子期更曰狀元社乃作棟宇樹諫議  
祠又於問政觀後掘土得石碣上有宋諫議大夫

謝泌之墓八字益見追遠之意宅南茭蕪行塗作  
方塘可畝許合形輔勢蠲濁流清天光雲影一碧  
可鑒名曰聚泉宗族安之初予丁先考 贈尚書

公憂既十五年丁先妣封太湖人憂皆子期爲之  
相度今墓木既拱而予老且休矣知子期爲詳重  
以其友人鄭萬里之請因論之曰古者兆域有常

擇地與時也晉稱郭璞善天文精卜筮攘  
致無方雖京房管輅不能過以寥寥斷

而守之正可謂度越今之



三  
俾爲儒者必宗正學居官者  
則風俗其有不正者乎然則子期亦今  
少者也

贊

弘治丁巳年八月八日 皇上御便殿以大  
典竒方 賜太醫院使臣王玉玉拜稽感激  
迫切心腑乃謀所以侈上之賜而廣其傳者  
間屬臣勲識之臣惟醫藥肇於三皇至周六  
官有醫師掌醫之政令所以衛民之生也歷  
代明於醫者皆有著書去古逾遠不能無惑  
臣伏觀竒方皆療治中和之大劑 皇上共  
成大典出示呂玉其衛四方萬民之意可見



而爲醫師者能觸類長之非特醫之幸生民  
之幸也因拜贊曰

明明 聖祖有典有則貽厥子孫以鑒以式爰念  
烝民侵厲靡常祁寒暑雨天闕多傷太醫設院惠  
民設局選擇良醫誕敷亭毒乃考軒岐旁究百氏  
泝流而源君臣佐使粹集大典醫家指南篇分例  
析奧闡幽探利澤斯普藏之 秘府曰億萬年驗  
今稽古 皇帝昊天重念顛連諸醫司命虛覽  
爰編 萬幾之暇宣召醫臣曰有奇方玉堂佩紳

奎章圖璽昭如日星臣玉跪誦稽首 闕庭心領  
神融觸類而通感激殊恩何幸躬逢厥 賜非小  
百世永寶素問難經異方同道如大斯覆如地斯  
載億兆寰區錫福無艾

淪雪小像贊

肅乎其外淵乎其中山澤丘園曠乎其踪仁義忠  
信萃然厥躬一經訓嗣嘉章賢之夙尚淪雪名菴  
抗陶穀之清風李白識荆相如慕蘭拜遺像儼乎  
水清揆非薄終慚玉 雖卒遂鹿門之隱而不及



瞻溪之聘噫遇不遇其有命耶

同年顧良弼司徒贊

山川毓異孕甫申今甲科論秀肖鳳麟今來儀  
明廷瑞 聖神今禮序樂和氣聿新今曹分師聽  
藹同寅今坦坦休休益無垠今不偏不跛大道遵  
今爲邦爲臬廣威仁今爲臺爲省秉忠純今出處  
孔時全吾真今嗟彼庸衆孰能倫今冥行疾足顛  
厥身今古稱益友伊誰親今 帝之良弼臣哉隣  
今

牛君宗瀚像贊

冠綬之雍然眉宇之克然以熊虎之胄而富詩書  
之術以珪璋之資而甘林泉之逸憂樂不能累其  
真功利不能勞其神項者出遊遍覽 帝鄉之形  
勝俄焉旋返似厭人世之風塵江湖浪迹魚鳥間  
身比其數亦隆中莘野之侶也要其歸蓋葛天無  
懷之民歟

嚴把總小像贊

赳赳其武肅肅其恭黯黯鳴猝嗟之氣有輕裘緩



帶之風論韜畧則詩書允濟馭士卒則甘苦攸同  
冰清雅操挺歲寒之柏松襟懷沖澹涵玉露於秋  
空胡不耄耋溘然令終坐失長城之寄永膺爵土  
之隆噫安得斯人而成頗牧之功耶

記

遵化行院題名記

弘治七載春予自大理少卿承乏巡撫整飭邊備  
奉 璽書符印得以從宜處置既至遵化覩院壁  
所謂題名記者乃故司寇莆田彭公鳳儀所作也  
公一代偉人文章事業世所稱重而其言推讓不  
居可嘉已前乎公者其名氏宦蹟論列頗詳後乎  
公者如烏程閔公建德徐公舒城秦公華亭唐公  
龍溪魏公繼助巡撫皆蔚然相望炳然相輝何其



大雅堂 卷六  
盛也且巡撫之設卽古者使相節度宣撫之任其  
來重矣所隸順天永平二府自京兆尹以下皆其  
統屬爲州者五爲縣者二十有八爲衛所者三十  
有四實爲畿內首善之地邊徼西自居庸黃花鎮  
古北口馬蘭燕河等關營直抵山海東距滄海北  
連沙漠出古長城之外延亘數千里可謂遠矣借  
事者有中貴有總戎曰鎮守理刑者有憲司副使  
曰兵備節制者有叅將有都指揮曰分守曰守備  
分守守備亦皆有中貴人叅知他如把總提調指

揮以下殆難悉數可謂衆矣夫任之重也地之遠  
也官屬之衆也而所以處之者宜必有道也況乎  
居天下之上游爲畿甸之要地內而拱衛 京師  
外而控制夷虜凡建州秦寧等衛諸蕃雜夷朝貢  
期會宴犒之道與夫軍民利病有所不便及所願  
欲而不得者皆責在巡撫每三歲 朝廷遣命大  
臣閱實陳師鞠旅經理關隘亦旣周密矣邇年來  
庾藏日益虛閭閻日益敝屯田日益荒兵旅日益  
耗而王侯貴戚錯置莊田日益庶巨奸宿蠹日益



滋當其任者必才兼文武識達古今仁漸義摩使  
所至如時雨者乃克稱之而予何人欲副厥任不  
亦尤難乎雖然道有升降政由俗革故周之治殷  
周公克慎厥始君陳克和厥中畢公克成厥終千  
載之下頌其化者必曰三后然則今日之政所以  
宣威布德足食強兵上無負九重之付託下無  
拂羣情之好惡者敢不惟日孜孜以思匹休前人  
哉閔公去刑部右都御史總督兩廣軍務取爲南  
京刑部尚書今爲都察院左都御史徐公去南京  
刑部爲侍郎疾卒秦公爲戶部侍郎調吏部唐公  
爲右都御史陟閔任亦卒魏公養病去未起嗚呼  
自彭之後不數年以及予小子而凡大易人矣後  
之視今亦猶今之視昔寧無慨然興歎而惕然內  
省者耶院之作也始於前長清張公闢於後建德  
徐公予病其隘方將鳩工聚材甃石爲井欲崇而  
構之而刑部侍郎之命下矣姑書其槩以俟來  
者是爲記



重修秀水縣便民倉記

秀水附於郡城內之西北隅而倉建於望吳門內之左郡城之南有南湖者湖水縈紆通城繞於倉之面民之轉輸便利甚自有郡邑以來卽有倉以貯稅賦稽盈縮會計出納名之曰便民倉宣德間所創也邇者日漸隳壞椽桶椽楹瓦甃垣墉之屬有腐而糜者圯而頽者欹而欲傾者爛不能存者蠹食中空者歲所儲貯不能不靳牧民者之慮譚侯之來尹於茲也慨然嘆曰土木之費用可輕舉



尚若有是之不獲已者乎斯倉之葺治與否軍國之需所繫曷可以細故觀焉於是僉謀於民曰倉之所儲上則國之費也下則民之財也財則民之心也倉之不葺吾何忍耗國費而傷民心乎僉皆唯唯卽欲協侯以爲之侯之此舉從民謀也申論於臺司咸可其事迺徵土工木工暨石工率集聚於倉之故址軒板榦陶瓦甃礮礎石鏤楹檻腐而頽者易之傾而欹者扶之爛與中空者新之中爲廳事旁翼以貯米之厥西爲門爲飛甍轟棟疎櫺

然其新國賦出之以資民力亦不  
僉董其事者咸欣喜踴躍而築其成頌侯之  
有爲也請記其事予惟今之便民會者卽周  
禮舍人掌粟入之藏凡國之大事共道路之穀積  
食飲之具悉囊橐於茲專以歲之上下數邦用以  
知足否以詔穀用以治年之豐凶事其甚重矣哉  
侯而銳意能新其事可謂知所重而有心計者矣  
昔漢薛宣子惠爲彭城令宣至其縣橋梁郵亭不  
修宣心知惠不能夫以一邑之宰雖橋梁郵亭猶



所當葺況倉庾之大者乎侯於下車之初日廢具  
舉政通人和上恬下靖而尤急所當先不既賢於  
人乎倉之營計廣若干袤計間若干楹計庸若干  
工計費若干具經始於某年月日落成於某年月  
日侯諱姓西蜀古渝人登庚戌進士名溥字德周  
協成以勞事者某請記者某余雅侯之善庸系之  
以辭曰倉之建鼎鼎今侯之名鮮鮮今勒之茲石  
以緜兮

嘉善劉侯去思碑記

古之善爲政者民誦而思之弗忘故召伯有甘棠  
之詠如曰勿剪勿伐召伯所茇又曰勿剪勿敗召  
伯所憇又曰勿剪勿拜召伯所說蓋後人思其德  
故愛其樹至於愈久而愈深也去古益遠後之爲  
令者有去思而生祠有頌德異政之碑有慈君仁  
義之號雖小大不同載之史冊班班可考其上焉  
者感之不已則誦誦之不已則思思之不已則勒  
之鼎鍾銘之琬琰衍其思於弗替無非假物以彰



其美而其道德惠澤之浹洽人心者將與鬼神相  
爲流通天地相爲終始初不係於物之存亡也此  
豈易致者耶江右安福劉公以春秋家學登己未  
進士拜宰嘉善爲浙西要衝號稱難治公下車勞  
心諄諄視民如子嘗曰爲政在養民養民先田賦  
田賦均則民得養民得養則禮義興而風化洽三  
代之治不出此也故田野務闢循行阡陌勸勞樹  
藝若古決渠溉稻者之爲無所不至賦役務均凡  
賦冊之上不以屬吏每區置籤掣對而稱停之不

少徇獄無繫囚期在從化小者可諭大者可治也  
人不忍欺亦不能欺邑有巨室兄弟爭訟久不能  
決公爲平理曲直皆退而自責閭閻盜息外戶不  
閉滌煩苛除疾蠹皆能人之所不能他若鄉飲之  
儀學校之教見父老慰以農桑之言子弟勉以孝  
弟之行規條綱目皆可爲法暇日與學官諸生執  
經對講多所造就越三年政通人和六事書最部  
使者旌之 天子有詔徵爲風憲惟時邑之士民  
懾然如失怙恃將請於上思攀留之而不可得乃



曰公覆吾民如冠斯覆願留公冠公曰不可又泣  
請曰公庇吾民如衣斯庇願留公衣公曰不可民  
乃環泣掣公履曰是公履道坦坦而置我周行者  
必願留焉以永夫有脚陽春之化公不得已從之  
亦人之情也於是衆皆喜溢顏色謂見履如見公  
禮不可瀆爰構亭於邑西門奉之貯以文甌尊閣  
唯謹仍欲樹豐碑以昭偉績乃請於丞麻城鄒君  
馭鄒君白諸令清苑王君德明主之命庠生李山  
徵予記予與鄒公之兄黃門良甫同年也重以知

公之素其可以謙薄辭公內劄外和學優才贍而  
恭敬明察得賢者爲政之道平居無疾言遽色人  
稱長者用是盛德興行咸思之而不忘臻是懋績  
非幸也予嘗慨夫天下之令有賢有不賢天下之  
民有幸有不幸必俾天下之令無不賢則天下之  
民無不幸令賢則民幸而思隨之雖傳之百世亦  
可也公今爲御史有聲蹇蹇諤諤輸忠樹烈炳炳  
赫赫方爲天下之幸後之躅其地而誦其事者將  
不奮然興起曰此百世之甘棠所在吾黨可不慎



其所傳也則一亭雖小而風示乎天下者大矣予  
故竊春秋褒善之義以爲風化之勸云公名子厲  
字克溫系之歌曰有美君子宰浙陬成文成德弼  
且彪淬礪六事政德優百姓欣戴形歌謳恩洽父  
母誰則讐饑則食兮寒則裘無不足兮奚所求  
天子徵黃第一流民泣遮卧擁道周請遺冠服不  
可留王喬一履如琅球以亭以甌何時休載勒琬  
琰煥斗牛願因觀風達宸旒溥澤天下紓我憂

### 重修海塘記

東南惟海事爲重海鹽海塘之設所以禦潮汐之  
往來捍波濤之啣蝕斯塘一圯民爲墊溺所係甚  
大也海塘舊名太平塘在縣東一里今僅半里洪  
武年間潮汐汎圯故岸朝家屢命臣工修築石  
塘計二千三百七十丈餘永樂三年仍爲風潮圯  
毀命通政等官按治動調蘇松等九府修築堅完  
歲久復頽宣德年間巡撫侍郎周忱命工增培土  
石其患稍息正統九年秋潮大作圯甚迎於裏岸



重築新塘景泰五年因舊址廣狹鳩工役夫撤舊  
更新外砌大石內實瓦礫其工爲省建立真武龍  
王祠於塘上成化八年風潮大作所築石塘悉皆  
傾圮二祠亦不存數年之功爲之掃地相視修理  
仍用舊石疊砌粗完而已至成化十三四年風潮  
連作塘復傾圮時有提刑副史楊瑄者修築照鄞  
縣荆公塘式幫材豎砌內用碎石土瓦填實頗能  
殺勢歲久風潮塘之存者十無二三弘治年間予  
爲大理少卿不忍民之墊溺官之匪人事之無法

爲費不貲出民膏血顧不逞之徒攬替誤事今年  
運石明年運石人無休息今日修塘明日修塘迄  
無成功是修一海塘而二三海塘也上疏極言海  
塘之弊 孝宗皇帝可之特下工部議行修築募  
工督理下施木椿上加巨石縱橫交疊內外收縮  
厚築土防通計重築河南自藍田塘北至丫叉塘  
以丈計者凡九百餘若民可賴矣 朝廷注意東  
南水利簡任河東薛若士賢通判吾郡專司水利  
而海塘其大患也韓君驪厥心力講求沿海利病



詢察舊制得失上考數千年海塘衝突之所下究  
數百里海塘建置之形歷歷如指諸掌躬循周覽  
說者謂惟所修卧羊坡者爲得法卽鄞縣荆公塘  
之制也閱三十年而始衝圯視諸作爲堅久後有  
爲疊砌者舉不能及 國家裁革水利靡常故或  
興或廢以臻大患韓君上承提督水利監司吳公  
之檄督同海鹽令辛九齡暨吾民耆老上監于吳  
公下達于府僚屬上下一心無有違拂於是計財  
廣布役書規畫周悉處置盡善大率一如荆公塘

之式因海之勢順地之宜經始於正德八年癸酉  
落成於九年甲戌不閱暮而工訖贊之者今海鹽  
令朱君寔昌也爲費四千有奇石六萬四千椿木  
二萬六千石匠一萬二千夫三萬九百視昔之費  
十省八九自教場塘迤邐而周一百四十丈翁家  
塘土塘皆六百五十丈丫叉塘二千三百餘丈澈  
浦塘一千三百餘丈他如龍王塘談家塘又數千  
丈塘高二丈八尺疊石一十八層視昔之工十加  
六七無侈觀無浪費民不告勞財歸實用厥功旣



成海爲安流於是黎老童孺舞躍懽呼咸願建碑  
記德垂千萬祀俾知作者之所始是爲記

重建陡門橋記

嘉興郡當水陸之衝一水奔駛而西匯于崇德界  
者曰西運河去北折迤而東以達吳江者曰北運  
河邑秀水所治也聞隋大業間闢自京口疏至餘  
杭白樂天所謂平河七百里沃野兩三州者可徵  
我朝因之以通漕運厥利博哉平陸沿堤北下  
支分派別或匯霅川或過語溪或入震澤大則輿  
梁小則徒杠在在攸濟去城西南若干許有鎮曰  
陡門士民環居面運河臨右道傍有一川北注界



絕通途宋秦定間作橋其上以通往來歲久朽泐  
行者苦之宣城劉君景之丞邑也以時循行過而  
歎曰吾職在水利可使此橋終于不治乎歸告邑  
長進士周君懋文是之丞得郡檄將委於附鎮之  
氓周君曰毋爲是也乃布令曰義本人情願施者  
聽於是者民義士相率樂從各出私篋權材鳩工  
悉復橋之舊而石堅工良規制益闢以固經始於  
正德某年月日而某月日落其成功不役民財匪  
公帑而樂施者爭先恐後猗然而橋成行旅往來

然不知衆感興稱頌願書其績請予記之嗟夫  
先王體國經野而其微至于道樹川梁莫不有政  
教存焉昔孔明相蜀橋梁道路靡不修治君子以  
爲幾於先王之政子產相鄭以其乘輿濟人漆洧  
君子譏之今二君雅不動民而卒成利涉之計一  
宜書之凡天下之事成於同而敗於異故同寅歷  
恭著於虞書若二君可謂同而協者二宜書之協  
世久遠橋有時而泐也又附其工石之顛末并尚  
義者之姓名于碑陰俾嗣君爲政者益思所以不



隳三宜書之系之銘曰陡門之墟有川浩浩川有古橋界彼孔道歲久而傾材甃弗興賢哉令丞謹臧績成周行履坦人不病涉我思古人王政同軌民曰我侯惟周惟劉殫力共事惠我永休祝侯千年與橋同壽橋也或隳我侯不朽樹石勒文以告後來視侯之績尚無隳哉

鄂陽山墓記

成化二十一年乙巳六月二日先考封奉政大夫竹軒府君卒于正寢時勲爲南京大理丞聞訃悲號幾絕易服遂行旣至四日成服苦塊餘息形死心存前一年爲甲辰勲以刑部郎中承乏南來得便道歸省庭訓之餘先考嘗曰乍浦雅山聞有一穴堪葬者乘生氣也當擇其所相避其所害近世惑於陰陽禍福之說而久停求利者悖理傷義爲甚他日不諱宜慎擇之凡汝兄弟宜各自擇母



混瀆以失尊卑汝其識之勲拜命唯謹泣不忍聞夫何抵官未數月而凶問至矣是歲冬乃走書新安延至謝君子期子期如期而來至則同舟冒雪南自雅山歷覽而東至鄂陽山之地子期曰此吉壤也若雅山名之曰獨曰石皆不可葬也此脉其來甚遠堪輿家所謂金水之形穴居其窩負已向亥兼於乾巽明堂寬正河水橫欄左有陽山官山之拱衛右有高公龍尾之護纏長山陳山並峙於後雅山獨山互列于前皆自然凝結非架空鑿出

其言有據未行前一夕勲忽夢有一大刹塑佛皆白身無金裝一人在旁曰此佛未出頭也旣寤而心異之又以明旦方相地而得此夢吉凶未可知今觸目間忽見金刹巋然當前因拉于期不百步而至則見刹中諸佛皆素宛然夢中景也不覺嗟歎久之乃知人之生順死安固有定數而冥冥之中已先兆於寤寐間矣翼日三卜習吉無異爰用厚直償其地主余姓者而子期經營位處剪伐荒翳子期前指後畫考極相方繩直版縮規正高下



不踰時而諸美畢見所謂龍穴砂水者已得其槩  
爲基百畝有奇周圍羅城五十餘丈石垣三百餘  
丈中豎華表首翼享堂左右牲庫所碑亭坊牌石  
噐以次而列爲楹凡三十餘間松栢隨宜布植至  
丙午三月之望始克安葬而壙域虛右堆土掩覆  
勲服闋獨奉慈闈有終養之志先妣宜人訓之曰  
古有以離愛爲樂者子知之乎我有汝妹汝弟在  
郡城當就養於彼汝母以我爲念也勲旣奉訓就  
祿于朝荷蒙 聖恩隆洽遷轉不次弘治辛亥擢

大理左少卿甲寅右副都御史整飭邊務巡撫京  
畿丙辰妻宜人林氏卒于遵化行院喪歸而子期  
再至乃爲相其鄂陽之西偏有隙地亦余姓者復  
售而有之卜其宅兆而安厝之是歲夏改刑部侍  
郎贈先考如勲官通議大夫妣陸氏封太淑人妻  
林氏贈淑人已未奉 勅差遣河間勘訟時先妣  
年八十有九八月一日卒于郡城新第正寢未聞  
訃前數夕殊覺心動晨有鷓鴣鳴于院簷俄而凶  
問突至垂死而復蘇者屢朝夕爲位設奠抱恨終



天乃知山崩鍾應亦其理也遂乞守制而 詔報未許遑遑在疚嗻哀畢事持服得 請而還蓋太淑人先妣相距先考之沒十有五年其年子期復至乃於十二月二十二日啓先府君兆域而合葬焉例得 賜祭與墓葬所治封築噐數之等頗加于舊仍首扁其門坊曰賜葬山蓋侈 天恩昭世德也乃置田百畝以奉祭祀西建房數間有僧焚掃東亦數楹傭者治菜及河則樹門道門者守之山後置有山地作 茅給用河 北有土墩名日照墩

高丈許聽栽松栢四外從墩百餘皆舊有者也穴前左右開水環繞相合出河此謂之蝦鬚合襟亦陰陽家所貴者河東西去二十丈許置石橋二座以通往來勳竊以古者墓無定所惟以山厚水深爲善先考墓踰三十年先妣合窆十有七年草木蔚鬱土色光潤五患四惡之所不犯亦可爲生氣所乘之驗今先考進贈資政大夫刑部尚書先妣贈夫人幸賴 三朝厚恩以迄於今誠祖宗福澤所致也追念先考治命不敢違悖凡我兄弟宜各



別營幽宅以卒先志母事備越以傷風水以混尊卑以蹈不孝之罪其塋修築祀事俱付嫡長子孫世守勲故詳其年月始末以告來者使知成之艱守之不易也其敬慎之哉

行狀

贈承德郎刑部主事洪公封太安人姚氏行狀

承德公諱薪字汝林別號澹菴其先江西樂平之洪巖人系出忠宣公後忠宣四世孫其益宋寶慶中爲浙東安撫大使卒葬上虞之後山子孫因家焉安撫五世孫榮甫通經術負才器國初膺茂材薦至南京無幾以疾卒于邸寓卽公之祖也父武昌號芸軒博通經史爲邑名儒因痛父以客死



遂隱居教授不仕里有不良誣以姓名犯國年號  
訟於官械送京師 太祖高皇帝廷鞠謂姓洪名  
武昌於國號何諱且洪武昌盛亦國之慶兆也  
賜字曰有恒令還鄉以備 召用抵誣者罪芸軒  
歸慕錢塘山水之勝而西溪土田尤肥沃因徙家  
于溪之招德里卒葬其處所著有芸軒集若干卷  
藏于家公兄弟三人長曰稷次日菽皆隱德弗耀  
次卽公公生而美丰姿膽才藝能詩善真草書中  
懷坦夷卓越豪邁不爲資業時有負貸者輒焚券

弗問故鄉人呼之爲落鬼生嘗痛父早世不遂祿  
養乃繪風木圖乞名公卿題詠盈帙因族夫役繁  
躬執里正事於官時縣尹陸樞原見而奇之試以  
詩句及商論時務應對無遺遂強辟爲拱陸蓋由  
才幹進故其一時從爭者皆求巨室賢子弟以克  
公旣就辟一心奉公當事惟謹陸器重之每公暇  
輒召與賡詩論文情右師友歲滿赴京循資授徽  
州府梅口批驗所大役日與郡邑二庠師生往還  
觴咏旣久不衰俸祿之入甚薄遇四方文人墨客



至必館穀而贖餼雖微囊弗顧也歷三載考績于京適有故交陸文中者董軍需費直不能償官督且急公乃罄其裝而給之陸始得竣事以歸亦不責其報其復任也里有某者以貿易抵徼病毀骨立昇至公欲託爲寓臧獲懼其有染公曰彼來投我我可卻耶亟命移入親爲藥禱病卒以愈仍厚餽送還其義於故舊也多類此在任幾九年一日與客飲飲訖就俗忽感風未移時而卒天順癸未八月七日也徽之士夫聞訃哀奠皆曰磊落如洪

公而位不盡其才壽不滿其德天胡爲哉歸橐蕭然惟圖書數卷而已以次年八月七日葬于祖塋之次距其生永樂癸巳六月三日也春秋五十有一配安人姚氏同邑萬石長孟庸之女秦州司訓仲昂姪也自幼端莊淑惠穎敏天成閑女工通女戒諸書爲父母所鍾愛年若干擇歸承德公奉姑嫜處妯娌咸得其道承德公履歷官途爲廉官爲義士內助居多公旣卒安人歸公喪哀毀葬祭不踰於禮歲時享薦必誠敬嘗謂其長子鍾曰汝父



存時見汝聰明過人每喜謂人曰人皆積金以遺子孫吾惟教子以一經耳每得當代名公文稿必親手錄以爲汝式又嘗私語汝曰吾家自安撫公以來累世積德然未有顯發者雖吾祖與父大負才美而不獲見用吾亦偃蹇若是所以顯發而昌大門戶者尚有望於爾曹也汝能記之乎鍾拜泣受命唯謹用是大肆問學領成化戊子鄉薦第登二甲第二名進士授刑部江西司主事進員外郎綽有聲譽爲一時公卿所敬重主事秩滿一考例

得 封贈父母遂蒙

恩贈父如其官封母爲太

安人先是安人就養京師餘六載鍾每暮歸必問所治事當否爲憂喜識者謂有平反之意鍾之成名亦本於母教然也成化壬寅歲安人日有桑梓之念乃貽書命次子鉉自錢塘來於是秋八月扶侍以歸逾四月竟以疾卒是爲臘月廿又九日詎其生永樂丙申十月廿又六日也春秋六十又七識者又謂其能先知死生之理而得首丘之義云子男三長子卽鍾次錫蚤卒次卽鉉亦集舉子業



女三長適孫晉卒次適同里萬石長蔣貴次適餘杭邑庠生滕雷孫男二女二俱幼鍾歸將卜以是年某月日啓承德公之兆而合葬焉竊惟公與安人內外相承皆有善懿可稱而源流之深長慶澤之未艾有足書者勲忝通家畧聞世系謹掇爲行狀而託立言君子圖其不朽焉

明故奉議大夫刑部郎中奚君行狀

君諱昊字邪享姓奚氏于東子其別號也世爲華亭人曾祖興一樂閒先生祖文華樂耕先生皆隱德弗耀以詩書相承著于家牒所居南橋里後徙城東明星橋而家焉至父盛文茂先生始以明經授霸州同知終于四川合州有文翁之風以君貴贈承德郎刑部主事母梁氏封太安人有賢行君行六生而質貌穎秀光采射人爲父母所鍾愛方九齡卽知向學一日執束修詣社中就業遇一婦



人于途悲泣不已問之則曰家貧有舅姑鬻線得百錢而遺諸市無以爲饘粥具君卽以束修白金與之歸語承德公公曰此麥舟遺意也吾有後矣蓋君雖在童艸而其向慕已不凡如此年甫志學耽嗜文籍習舉業屬筆有奇思承德公病革君終夕侍側湯藥必嘗而後進復刺血醵天請以身代太安人憐之君匿不使聞公卒扶柩奉母匍匐萬里東歸廬墓終喪有過人行君有三兄曰元曰冕曰昂元昂皆蚤世昂權厝于合而力不能歸君每

泣之義輒泣下數行曰吾力能爲必歸塋先塋而後已尤努力進修以顯揚爲志太安人欲析貲以助其需君從容辭謝曰兄是勞于幹蠱立門戶幸悉與之母太安人如其言故雖一絲之微必出自兄手蓋君雖未壯年而諳練世故艱難孤苦之遭處之固裕如也性尚沖澹不樂市廛囂紛寓居城東明心寺博通經史益汪洋自肆時提學御史陳公選藻鑑精明試君文而奇之卽遣入郡庠應戊子南畿鄉試一舉上第計借春官連登成化



已丑進士觀政刑部雖得意中而白雲之念不替  
昕夕疏乞省視 詔許之君歸拜慈展墓之餘遇  
其族姻疎戚閭巷長老恂恂謙溫不敢忘桑梓之  
恭敬忽父兄之交游鄉人稱其忠厚越四年成化  
壬辰授刑部貴州司主事政務大體不爲細家之  
迫促然處事詳諦吏法精敏而發奸擿伏片言夙  
解績用茂著三載秩滿封贈如例 制詞有勤慎  
舉職之褒十三年丁酉遷署本司員外郎不替于  
初十四年戊戌冬會貴州畢節衛武人林姓者構

訟連及臺諫事大獄重必在得人簡君以往君驅  
馳萬里觸冒風霜嵐瘴有不暇恤旣至鞠治引伏  
官吏除名釋活者殆數百人邊情大快還奏稱  
旨十五年己亥遷浙江司郎中十六年庚子夏以  
母老在堂援例疏乞歸省 詔復許之其忠厚之  
道益孚于宗于鄉明年辛丑夏迎太安人來京就  
養不數月會江右瑞州豪民毛姓者結黨與協殺  
仇家其禍至慘株連所及甚衆而有司久不以  
上聞至是始露 詔求老成刑官追逮君遂得



大雅堂 卷六  
旨以往比至按訊決死獄數十人元克渠魁籍其田產奴其子女入官而有司稽緩不治者論罪有差俾積年之寃一朝而雪事竣還至錢塘以勤勞太過得疾而卒乃壬寅三月十五也距所生丁卯年某月日享年三十六娶潘氏封安人子一曰伸九歲女四皆未行君素好學雖鏤金之暑折膠之寒手不釋卷興至則臨寫晉漢書帖退筆盈几所著有千束子集若干卷藏于家且好義樂交有無不卹歲得俸絹之入必以分歸族屬率以爲常爲

員外時有同年友董敦仁尹姚江以非罪北走京師遇寇于塗囊且罄落龜無依君爲館穀製衣續以禦寒而歸塗所助其費尤多景州有致仕判官劉福緣者承德公舊僚也停柩五年不能舉君爲舉之其寡妻孤子德君之深至沒齒不敢忘故君之卒錢塘也舊僚友李君若虛適爲浙江提學憲副左方伯劉君廷信輩亦素重君日臨視湯藥不少懈比將卒執君之手謂曰君豈止於此哉君泣下惟言不能盡忠報國母老子幼而已言訖而卒



三和堂 卷六  
三  
三  
公爲之經紀喪事甚悉舫櫬以歸安于正寢訃聞縉紳驚悼未幾其女兄之夫孫鏞始來挈其家口而還將以某年月日葬於先塋之次初君之爲主事員外也與勲爲同司識君頗深君平居恭慎自持畧無矜大之容而遇事剛正不阿殆有不可犯之色所居號退食窩杜門終日庭戶之間草積不剪不妄交接亦不爲俗吏之爲而雅好良朋至則賦詩觴咏相與劇談當世之務珠連玉貫或至夜分未嘗有倦怠夫其孝友之行于家也忠厚之

信于鄉也清勤之著于官也信誼之洽于友也而又有文以華之有器以克之淵淵乎其志不可以涯也侃侃乎其節不可以撓也若是者宜其遠大而乃官止于大夫年不及下壽上有望八之母下惟九齡之子其故何哉予悲之而又有感焉人才之生自古爲難不數十年間無以成一人不數百人中無以得一人間而得一二焉顧又不幸蚤死無以觀其終則勲於君之死雖欲不悲且慟不可得已勲聞訃之明日往拜慰其母太安人于堂道



其遺行歷歷可稽俾勲狀之雖言之不文幸無愧  
辭敢托立言君子而芟摭焉

墓誌

勅封順天府推官前廣東清遠縣儒學訓導  
林公偕配贈安人洪氏墓誌銘

公姓林氏諱燿字彌宣以字行號遲菴世家蒲田  
東前隸唐名臣蘊藻後曾大父性初大父洪永樂  
庚辰進士官至儋州同知父潛夫母王氏繼龔氏  
林族鉅貴盛如殿元綱齋公學士澹菴公以聲華  
侈大門戶子孫皆克自砥礪公幼失恃在族從號  
爲守禮甫弱冠父卽世凡儀文葬具一依文公家



禮歲時享薦極其誠敬友兄弟極其愛事繼母羹極其孝羹所出幼弟欲分異諭以理察弗可奪泣而均之弟所得有不如意者易以已之完好恐傷羹心羹疾甚當灸先灼艾已以試之羹忽心動不艾而疾愈人謂公孝心所感性夷坦不設城府遇人無大小一以至誠鄉久敬之愛之在邑庠處朋友言必以義有切磋之益公所居地分挈雜沓乃絕遠塵鞅卧起環翠樓俯而讀仰而思爲文章益有奇思造詣日深義理精到同輩推讓以數奇連

上有司弗利困挫摧折藁益不倦乙卯歲有司貢於天子試殿廷優等乃授廣東清遠訓導居官五年教人有法多所成就丁羹憂歸囊蕭然諸生贐以五十金爲塋具悉辭不受其配洪安人先公卒已弗遠祿矣安人諱錦字仲淑世居山屏亦闕閱奮望大父鎮梧州教授父則榮母徐安人自幼聰慧爲父母鍾愛不以與几子擇所宜歸而歸于公安人通書史執婦道勤女紅所以奉姑嫜處妯娌相夫子教子及孫者悉有其道以故公之靜專



勤學皆安人婉意襄順以成其志也蒙養諸孫書  
爲正句讀列侍夜讀朗誦通遍始聽就枕今大理  
評事富在諸孫最長尤鍾愛然不少假借磨礪積  
習以成進士人謂安人之宜其家人皆公身帥刑  
化之被也里有陳伯同與公善歸其女粧奩羞澁  
安人脫珠環可百金假之竟不責其償其重義不  
畜施類如此公生於宣德壬子十一月十三日卒  
於正德元年正月初五日享年七十有五洪氏安  
人後公五日而生二十年而卒成化乙未十月十

日也享年五十有五子男二長曰垠封評事次日  
塾登弘治壬戌進士授順天府推官女二長適黃  
大資次適方紳郡庠生孫男三長卽富與塾同年  
進士次宓宏孫女四曾孫一萬仞孫女二公以子  
塾貴封如其官母洪贈安人公卒後爲正德四年  
塾聞公捐館爲位于京兆第哭甚哀評事富亦以  
祖訃卽而朝夕哭乃以其同邑戶部郎中三渠陳  
述所爲狀乞銘于予予嘗賓節推君爲西席謝非  
其人不獲命則謹按狀而爲之銘銘曰林洪著姓



以嫁以婚外治內順厥家以潤厥教所成有子有  
孫初公積學累試不利司訓貽謀由教以致 封  
贈天錫哀榮後先同藏永賁我銘斯鐫

明故中順大夫山東按察司副使致仕進階  
亞中大夫張公墓誌銘

正德壬申三月二日致仕山東憲副華亭張公卒  
年六十有九卜以其年十一月二日塋秀野北高  
原先塋之次將啓莊孺人之封而附焉前事之月  
其子應魁應乾泣血走書以太學生談田所爲狀  
介妹夫秀水令蘇君從仁乞銘于予曰先君遺命  
託爲銘不肖嗣病不能跣請云云予旣與公同朝  
久且善知公爲素銘其奚辭公諱縉字廷肅其先



永嘉人元季曾大父諱斌避兵吳中遂家松之南  
橋周道鄉篤實踐行隱晦不華厥配陳氏貞淑自  
宜以爲世軌大父怡閒業專耕讀紹德惟克家益  
饒裕配吳氏巨族孝稱舅姑父遺菴理行洽于鄉  
評而不一試於用自號遺菴以公貴贈文林郎監  
察御史母朱氏得婦道母慈之譽 封太孺人公  
生七八年卽嗜學問語必驚人不煩提諭稍長益  
騫卓然有成甫志學遊邑庠博學多識文思絕出  
精采煥發每試高等提學嚴公稱之曰廟堂才也

錄爲諸生式丁酉歲發解南畿辛丑登進士第公  
風儀玉立色夷氣清可畏而親冢宰尹公一見奇  
之選授大行人成化間履捧 詔江南故事有迎  
私覲之禮公一切辭謝嘗至松一拜遺菴于膝下  
外雖公宴固請不可時學士錢公東海張公咸詩  
賢之 朝廷以公不辱而廉方將使海外而遺菴  
訃音適至矣公卽日南旋讀禮卒喪仍職如故甫  
三載銓曹選授御史公自誓忠勤靡懈故在 孝  
宗朝嘗諤任直聲問彌彰嘗監盧溝商稅再監崇



文宣課二稅在輦轂之下治之維艱公持廉秉  
公官商兩便會兩廣邊儲多弊且耗勅公往蒞  
清盤公至按法精明不苛不縱邊儲已完考績書  
最拜勅有使蕃方而克宣德意清邊廩而益著  
賢勞之褒公之忠勤動天此足槩見未幾太倉被  
水京城多盜欲得彈壓風力不避權勢者爲之朝  
論舉公公執憲不阿有言南新倉就圯公奏新之  
記文刻石其大者應詔陳言切中時弊首劾中  
貴人不法數爭衆皆爲公危卒置于法人謂公積

誠所感維時屬江右多故責重巡按衆謂公老成  
廉幹者宜莫如公上亦知公親承簡命倍道  
而南馳蹶靡及施爲得體百度惟貞歲大比公盡  
心殫力得士居多舉黜臧否諸司畏服嘗作錦江  
橋于瑞州人無病涉司寇時江何公有記郡守華  
亭陳公有頌皆勒石可徵公之初至首捕袁州巨  
盜遷蕃府于蜀皆其力量大端其他可畧也事竣  
還朝丁母憂卒喪簡任河南道河南司考察比屬  
值考京官公正光明雅望益大賜勅有剛方廉



慎之稱臺評有有爲無悍之譽公時維兩考而官  
幾九載矣燕薊沿邊一帶時被建州三衛出沒抄  
掠兵農失業公以資望當調膺 命璽書拜山東  
按察副使以行公爲整飭邊備料理屯田軍民相  
慶鼓舞顧積勞成疾而抗章請老 孝宗皇帝不  
欲重違恬退特允致仕公時年六十餘精神完好  
未屆致仕之期士夫因豔其行而惜其用急流勇  
退殆神仙中人不可挽而留者道聞季子應隆登  
辛酉鄉薦因別號良菴以寓知止之義抵家野服

蕭然葛巾鳩杖足跡不入城府初家華亭邑南厭  
塵囂改今秀野卽公易簣地也公居官廉介晚益  
治生別墅園池花竹修然每與曹定菴諸公爲逸  
老會賦詩酌酒不減耆英洛社故事公善吟咏多  
不存稿惟奏議雜著數卷藏于家公凡再娶莊氏  
繼金氏 贈封皆孺人子男四長應元早卒次應  
魁例授千戶勤而克肖又次卽應隆博學贍文卒  
於南雍官舍公哭之慟以從孫承繼皆莊出又其  
次乃應乾側室謝氏出穎慧和易稱其佳兒早游



郡庠例貢太學有志士也深培厚發其在茲子女  
一適秀水令蘇君從仁從仁清勤廉幹才望蔚然  
識者又謂公之善擇壻云孫餘尚幼公生于正統  
甲子十月廿有一日自筮仕迨請老幾三十年今  
上皇帝登極遇 恩例進階亞中大夫腰金生花  
章服有煒又六年而正寢焉可謂令德考終者已  
宜有銘銘曰張爲著姓自越遷吳匿德厚植篤生  
大夫猗歟大夫侃侃柱史不矯不隨直聲盈耳  
帝曰汝良尸我邊疆軍民按堵萬夫之慶積勞思

逸 優詔許之名翰實茂君子與之謂其歸之早  
而卒以老壽不百齡胡不師保云有後人我銘斯  
考



祭文

祭同年張尚綱亞卿文

惟公太康華裔岷州誕生少小穎異崎嶇變更辛  
勤力學甲科恩榮初官秋署耿介馳聲平反甚  
衆法律專精賑卹畿甸薄賦蠲征全活寔多惠洽  
疲氓超遷理寺讞獄持平荐陟都憲爲國干城  
除奸革暴威德並行式佐司寇允協輿情于公陰  
德臯陶明清景仰先哲公其老成卧病請告給驛  
歸程有詔遄來簡在聖明云何二豎倏夢



兩楹漫期八座曷不百齡天奪良弼士失儀刑雖  
然公有令子足繼科名公有懿行大史鐫銘生  
封死葬天道足徵某等同朝之誼薄奠薦誠公其  
有知庶幾來歎嗚呼哀哉尚饗

祭太子太保項公文

惟公乾坤間氣光嶽儲精筮仕郎署中歷變更被  
留虜塞旋歸 神京桓桓大節人曰蘇卿超陟外  
臺在在馳聲臨事不回守道堅貞外峻嚴武內秉  
純誠赫赫有 命允宜中丞授鉞臨戎隱然長城  
召握臺印綱紀載清石城失律 帝曰汝懲整師  
百萬總督西征坐困巢穴不專戮刑子房謀幄韓  
范甲兵繼有殘孽猖獗襄荆公仍總督行權守經  
殲厥渠魁蘇復疲氓蕭何餉計武侯屯耕獻俘條



數著有章程 帝曰汝嘉喜溢 天庭位加八座  
恩賜百朋功高獲謗白璧青蠅浩然解組寵辱不  
驚公之進退繫國重輕姦邪敗露 國典彰明復  
還舊物 勅賜褒旌三十餘年洛社耆英壽躋耄  
耄一夕弗興山頽木壞朝失老成訃聞 宁悼謚  
贈類仍有司治墓鬱鬱佳塋嗚呼已矣仰止曷勝  
因知爲公爲卿不足爲公榮而忠肝義膽凜凜乎  
其如生將爲雨露以配流行爲雷爲霆以泄其不  
平抑豈爲慶雲爲景星爲鳳爲麟以昭乎文明抑  
爲聖爲賢爲明神以顯乎英靈典刑如在叩之冥  
冥勲忝葭戚滄淚交橫緘辭致奠庶幾來歆嗚呼  
哀哉尚饗



祭何尚書文

惟靈廣昌茂族奕世簪纓駁歷中外綽著休聲桓  
桓大節水蘂其清官臻八座欽恤惟刑抗疏歸休  
足不入城累章弗起終始完名聲色貨利淡無所  
嬰窮經立言晚極純精誠士之模範國之老成古  
人其人式觀儀刑免爲描畫慕歐公之早謝人各  
有志嘅文潞之復仕而其歸休著文有趙槩之清  
芬容膝易安無綠野之竒觀蓋萃衆美於厥躬非  
可一德而形容勲等晚生末屬沐德有年雖音問



之屢違而寃夢之周旋云胡一疾遽爾沉綿執紼  
無田有滄漉溪薄奠寄誠靈其鑒焉嗚呼哀哉尚  
饗

祭嘉興府知府徐公文

惟公魁梧岐嶷慷慨大志高步濶視睥睨時世胸  
藏萬卷雅好詩字下筆千言沛乎無滯初登甲科  
拜官主事尋陟副郎綽有才譽迺超大郡明敏愷  
悌七邑謳歌號曰循吏在郡八載境內大治積勞  
致疾力乞休致清風高節古人伊嗣旣歸金谿倘  
徉山水詩酒陶陶其樂無涖云胡一疾溘然長逝  
臨絕之音得正而斃嗚呼懷栢山人早間居士而  
竟至此耶公以大才而官止二千石公以盛德而



壽未及七十位不滿才壽不滿德公有四子季爲  
御史不于其身福祿未艾勲託交最契聞訃揮涕  
四十年來如一夢寐薄奠寓誠情曷能已嗚呼哀  
哉尚饗

祭南京周尚書文

惟公之生應崧嶽之降神惟公之身作 昭代之  
甫申何才美之若斯復福澤之無垠彼天地之生  
物得靈光而爲人其稟受之厚薄有萬殊而莫均  
或此與而彼奪蓋寡利而多迤公所得於天賦獨  
邁越乎等倫珠生玄圃玉產崑崙旣所植之特異  
復所養之全純一奮魏科立登要津執丹筆於粉  
署式五聽於頑嚚忽超遷以凌躡貳八座於秋旻  
繼踐都臺白簡朱輪總財賦於東南肅風紀於來



旬遂進位司寇秉五刑之天鈞巍乎柱石偉矣經  
綸梁棟爲大廈之用珪璋寔清廟之珍方濟川之  
倚楫遽引退而乞身 帝愍勞以官職人仰望其  
清塵開秣陵之綠野傾北海之芳尊有子克肖共  
承華勲曳履青宮給事黃門公之樂其何極實無  
愧乎竇桂之映靈椿也夫何梁木遽頽往事漸陳  
忽厭世以歸盡驚歲事之在辰訃聞廊廟傷動縉  
紳塵 重暉之俯念致賜贈之駢臻蓋公歷事凡  
五 朝德則表儀乎宇宙享年幾八十貴則位極

乎人臣備哀榮於生死秉慶祐於仍雲凡天下之  
所可欲者公皆得之矣而又何愧乎樂天以知命  
逍遙以返真也耶勲等辱在交游執紼無因傷故  
老之淪謝惟臨風而沾巾潔絮酒以遙奠籍椒桂  
之芳辛敬陳辭以致哀庶交誼其聊俾嗚呼哀哉

向饗



祭張尚綱都憲乃尊文

惟公遁跡丘園佩仁服義秉心古愿好善樂施不  
立町畦坦然平易不尚紛華渾然天粹詩酒高情  
山林雅志篤生賢郎爲國偉器甲科登唐刑曹歷  
試載陟中郎揚芬棘寺超拜中丞洞達邊事爰錫  
封誥褒推所自金章繡服吏隱兼途 馳恩再三  
陝石無二皓首輝光感激 天賜期耄方將哲人  
伊瘁永冠已矣士夫興喟訃聞 朝廷禮隆塋諡  
生榮死哀公其無愧勲等夙欽義方允懷風致限



以官守徒增滄泗薄奠致辭永訣茲意嗚呼哀哉  
尚饗

祭堂兄朝列大夫三二先生并嫂封宜人陸

氏文

惟我伯兄重厚貞誠問學淵邃渾然天成惟務力  
於道義初何心乎顯榮數屈場屋僅歌鹿鳴節推  
武昌理獄詳明兩遷別駕藉甚聲名矢心三字勤  
慎而清一僕自隨人有徵稱曰三二先生勲之與  
兄相較七歲雪案螢窓朝競夕勵博涉羣書游心  
六藝三十年前兩同大比三十而後南北殊地緘  
書德音經時一至兄晚乞身湛恩汪被勲亦歸



休桑梓隨侍鷗盟鴈行雅願斯遂嗟我伯嫂名門  
克配婉婉令儀婦道全備關雎列傳頗諳大義初  
兄未仕勤儉荆布暨仕顯榮寒素如故貴而能貧  
獨理家務教成二子前後登第一叅藩佐一任法  
吏固父訓之嚴亦母慈所致推 封宜人 龍章  
寵賜金帶紫袍珠翟霞帔每遇誕辰勸酬稱賀魚  
羔割鮮親朋滿坐天真至樂歲凡六度夫何癸酉  
宜人謝世甫未踰時兄亦長逝聞訃痛切五內崩  
裂問醫屬纊我心恒缺哀哀仲子歸養悲咽匍匐  
冢嗣還自東浙朝夕哭臨煢煢在疚勲等敬薦庶  
羞跪奠旨酒念老景之無依慨蒼旻之莫扣光陰  
幾何窀穸在邇雙旌搖搖室堂尺咫典刑如在靈  
乎不起嗚呼哀哉尚饗

屠康僖公文集卷之六

終





國家圖書館, NATIONAL CENTRAL LIBRARY, TAIWAN, R.O.C.





附錄

墓誌銘

楊一清撰

公姓屠氏勲名元勲字也別號東湖生正統丙寅  
正月十日卒以正德丙子十月四日壽七十一在  
憲廟朝舉成化乙酉鄉薦己丑第進士授工部主  
事改刑部歷員外郎郎中遷南京大理丞在 孝  
廟朝拜大理左少卿擢都察院右副都御史巡撫  
順天永平整飭薊州諸路邊備遷刑部右侍郎進  
左侍郎歸守內艱服闋改左副都御史復刑部左



侍郎滿九載擢右都御史今 皇上嗣位改元特  
拜刑部尚書階資政大夫 賜玉帶麒麟服屢引  
疾求退慰留至再請益堅乃加太子太保致仕  
賜勅給驛以歸月給官廩四石歲給輿隸數如之  
至是訃聞 朝廷追錄舊績 贈太保 諭祭五  
壇而凡葬事則 命工部官飾有司治之始終恩  
禮可謂備矣公初爲工部分司清江浦督造運舟  
才譽已著三原王端懿公方總河事與督漕憲臣  
交章薦之謂可重用爲刑部敏於聽斷無滯案留

獄尚書林公季聰甚倚信焉每獄有疑及事干涉  
貴近莫適爲處者以屬之公無不協服京城亡賴  
子李勝誘其主之子福爲私鑄而陰結訶事者發  
之將利其產獄成福坐戍邊衆知其冤噤莫敢問  
公爲直其事以福之罪罪勝而歸其產又有林都  
事者素有依附挾以構訟嶙引不可破公庶得其  
實論如法雖爲所誣訐然卒從公議他如勘事吉  
安辯獄大同皆犁然當人心執法名益起在大理  
上十事多見 采納漳寇扇亂 勅公撫處至則



大和堂 附錄  
申嚴禁令諭以禍福梟其首惡脅從釋不究一方  
帖然其爲巡撫以近畿役重民貧京邑尤甚疏請  
裁省夫役昌平密邇 山陵供億浩穰疏停牧馬  
以示優卹寶坻白龍港產銀魚歲取供薦中使因  
之橫索民不能堪公疏言其狀 詔戒約取魚者  
麻峪山有銀礦守臣以 中旨索之公又上疏極  
言其不可事止不行其經畧邊備奏分薊州三路  
屯兵緩急相援於潮河川築捨城設險居守及增  
置黃花鎮營堡戍兵聲勢聯絡虜不敢輕犯至今

賴焉又奏徙熊兒峪馬營於便地就水泉人免病  
渴猪圈頭關沮洳多水患歲苦修築亦奏徙之南  
北水峪歲省役卒數百人其爲刑侍會戚畹與河  
間民構訟訟公奉 旨覈勘卒歸其田于民且言  
食祿之家不言利況 母后誕毓之鄉而與細民  
爭尺寸之利尤非所宜 孝廟嘉納爲刑書首上  
郊祀籍田幸學三事援據經傳傳以時事而歸其  
本于正心講學謂初服 新政莫急於此宜求實  
意勿徒循故事爲美觀又以宋儒真西山大學衍



義爲正心講學之要乞常以進講中外傳誦之時望方隆屬逆瑾用事諸司奏事多先諷鬪白公以爲難始浩然有歸志矣瑾內銜之而莫之加害僅聽其去去閱三載瑾敗伏誅向之蟻附而干進者多不免公獨不爲所污躓身名俱榮又閱八年而卒公少穎慧記誦絕人比成童已學貫經史操筆爲文多警語屢更劇曹恒手不釋卷詞章之名播中外然志存用世餘若不屑意者行義著于鄉評若辨家廟昭穆嚴禰烝之分置義田義塾以厚宗

黨皆敦本善俗事屠先世出嘉興海鹽後析平湖子孫遂爲平湖人高祖亨一曾祖澤民有令德不仕祖湘考機俱以公貴贈資政大夫刑部尚書祖妣楊氏妣陸氏俱贈夫人配陳氏贈夫人以子應頃官加贈一品夫人繼林氏贈淑人牛氏封夫人亦以子加封一品夫人次室楊氏男六人長卽應頃正德辛未進士授禮部主事改兵部清謹奉職滿考得 推恩進公階榮祿大夫次應坤舉丙子順天鄉試次應圻應坊應竣皆國子生季曰應埏



大和堂 附錄  
女三長適嘉興所千戶項鏞次許適國子生黃鳳  
儀次百戶鄧欽男孫一女孫三應墳聞訃解官歸  
將以卒之明年閏十二月二日偕諸子葬公邑鄂  
陽山之原道鎮江持少詹顧公所著狀謁予請銘  
予曩官外制與公爲文字交議論多合居常過從  
必有倡和後雖羈於官守而歲時寒暄未始不相  
通公謝政予亦養病歸江南過予道舊故慰藉拳  
拳比予再起再歸方欲候公而九原不作矣言念  
疇昔誌銘之請烏可辭銘曰

窮經學古	士則宜然	或滯於用
匪才之全	公少有志	無書不讀
視天下事	皆在我腹	既奮厥奇
周旋曹司	析紛舉劇	無試不宜
引經折獄	以儒飾吏	發爲詞章
乃其餘事	昔在 孝宗	賢俊彙征
公名日起	與位俱升	建節東巡
方畧圖上	翼翼重關	屹成巨障
億萬畿民	賴公底綏	問其疾苦



卹其寒饑

入掌邦禁

刑暴詰慝

何幽不宣

何滯不達

初服三事

皇覽曰俞

致君堯舜

惟爾嘉謨

祈天我志

祥刑爾職

慎爾三尺

長我王國

大姦竊柄

毒流九圍

公有先見

不蹈危機

少行老歸

公不待老

其身雖隱

其德彌邵

彼進而顛

公退而安

絜短較長

公何憾焉

公惠在人

公名在史

公澤在子

其流無涖



神道碑

靳貴撰

正德丙子冬十月四日太子太保刑部尚書致仕  
平湖屠公卒于家訃聞朝廷命有司營葬事  
賜諭祭贈官益錄其舊績也壽七十一明年閏  
十二月二日塋鄂陽山之原子應墳既請遂菴楊  
公銘墓復請予文表于道應墳予禮部所舉士且  
公名臣其奚忍辭公諱勳字元勳別號東湖先世  
嘉興海鹽人後徙平湖子孫遂爲平湖人高祖亨  
一曾祖澤民晦德弗仕祖湘考機俱以公貴贈資



政大夫刑部尚書祖妣楊氏妣陸氏俱贈夫人配  
陳氏贈夫人以子應垣官加贈一品夫人繼林氏  
贈淑人牛氏封夫人亦加一品夫人子男六人長  
應垣以兵部主事滿考 推恩進公階榮祿大夫  
次應坤貢士次應圻應坊應竣皆國子生季曰應  
埏應垣應坤應坊應埏皆次室楊氏出應圻林夫  
人出應竣牛夫人出女三人俱適名族孫男若干  
孫女若干公舉成化己丑進士授工部主事分司  
清江浦督造運舟公廡有能聲三原王端懿公適

總河事與督運憲臣交薦謂可大用改刑部歷員  
外郎郎中所處皆劇曹剖決如流無滯枉每獄有  
疑及事干權貴者尚書林公季聰皆屬之公罔不  
協服京城無藉子季勝誘其主之子福爲私鑄而  
陰令誦事者發其事福坐戍邊衆知其冤莫敢問  
公曰此奴利主之產也爲直其事以福罪罪勝而  
歸其產又有林都事者素挾有依附構訟蟠引不  
可解公覈得實雖爲所誣訐然卒論如法直聲益  
起甲辰遷南京大理丞弘治辛丑進大理左少卿



上十事若暑月疏決罪囚兩京一體五歲一遣官  
審錄州郡刑獄多見 采納而方石謝公起用亦  
自公發之漳寇扇亂 勅公撫處至則諭以禍福  
誅其首惡黨與悉不治時夏苦旱訖事雨閩人稱  
之甲寅擢都察院右副都御史整飭薊州諸路邊  
備巡撫順天永平以近畿役重民貧京邑尤甚疏  
請裁省夫役昌平密邇 山陵供億浩繁疏停牧  
馬以示優卹其經畧邊備奏分薊州密雲建昌三  
路屯兵緩急相援於潮河川築捨城虎落設險居

守及增置黃花鎮營堡戍兵聲勢聯絡虜自是不  
敢輕犯又奏徙熊兒峪馬營於便地就水泉人免  
病暍猪圈頭關多水 歲苦修築亦奏徙之南北  
水峪歲省役卒數百人寶坻產銀魚中使歲取供  
薦因之橫索民不能堪麻峪山有銀礦守臣以  
中旨索之公皆疏言其不可 詔戒中使而礦  
事卒不行丁巳遷刑部右侍郎尋進左會戚畹與  
河間民構田訟公奉 旨覈勘上言食祿之家不  
言利況 母后誕毓之鄉而與小民爭尺寸地臣



以爲不可 孝廟嘉納卒歸其田于民內艱服闋  
改左副都御史復刑部左侍郎九載考績擢右都  
御史今 皇上嗣位改元首上 郊祀藉田幸學  
三事且以正心講學爲本謂初服 新政宜求實  
意勿徒循故事爲美觀又請日以真西山大學衍  
義進講中外傳誦之丁卯拜刑部尚書 賜玉帶  
麒麟服時遊瑾用事請言外語而後奏 聞  
公執不從曰若是不惟三尺法可以喜怒高下亦  
且無 朝廷矣瑾銜之公引疾求去 上留至再

請益力加太子太保致仕 賜勅給驛歸未幾瑾  
敗伏誅又八年公卒嗚呼出處君子之大節也公  
致仕時年未六十而浩然請歸所謂以道事君不  
可則止者公蓋有焉不賢而能之乎公性穎敏甫  
成童時已學貫經史有重名嘗曰士當無書不讀  
雖屢更劇曹恒手不釋卷尤善詩歌倡和皆一時  
名公其行義鄉評尤重若辨家廟昭穆置義田義  
塾皆可爲世法其諸細行以誌于墓譜于家乘不  
著特著其出處大節與論建功績有關於天下國



家者亦公之志也銘曰

詩歌明哲

維哲保身

易戒亢龍

維亢斯屯

終始之節

自古難全

我儀圖之

公也則賢

公進以文

清時大科

詩其餘事

令譽亦多

始官于工

勤敏維謹

繼遷刑官

厥心彌盡

望日以起

位日以升

民有司命

國有老成

自南自北

隨地而重

或寺或臺

維時所用

晚拜秋卿

眷錫輝煌

公也感遇

報亦靡常

飭吏以儒

以吏則良

恤刑以仁

維刑之祥

元氣在國

陰功在天

赫赫司寇

四海具瞻

彼奸何人

怙寵肆毒

憂違浩歸

浮雲爵祿

公雖勇退

其樂則饒

彼奸既誅

公名益高

公有餘慶

有子是食

濟美承休

光我王國

生有令名

死有卹恩

匪公徽福



維天子明 凡公行裁 百世之則  
峩峩豐碑 過者其式

人物志

賢達

黃洪憲總裁 李培掌修

夫士離蔬屨而策亨衢如繁星麗天聲光易顯  
秀邑故多先達大較清標有遠畧爲上媵修苦  
節次之瑕不揜瑜又次之簪筆者羅非一目要  
之以鄉譽爲準志賢達

屠勲字元勲籍平湖後居秀水成化己丑進士授  
工部主事改刑部歷員外郎中凡諸司大獄多付  
之鞫讞能精明法律稱詳允俸友咸服之己遷南



京大璽寺寺丞進大理寺左少卿請差官審錄革  
煩例已陞都察院右副都御史巡撫順天永平整  
飭薊州諸路兵備嘗奏分三路屯兵使緩急相接  
又增置黃花鎮營堡寶坻歲供銀魚中使因之橫  
索勲疏請約束之又奏罷麻峪山採鑛民甚稱便  
已遷刑部右侍郎尋轉左會河間戚畹與民訟田  
勲劾曰母后誕育其鄉而與細民爭尺寸土大非  
國體卒歸田于民已丁母憂服闋改左副都御史  
尋陞右都御史正德改元陞刑部尚書未幾乞休

加太子太保致仕卒賜祭墓謚康僖贈太保子應  
埏副使應埏參政應埏諭德自有傳而應埏之子  
孟玄封吏部主事仲律御史叔方御史孫謙提學  
副使蒙大壯皆舉鄉進士

### 文苑

余邑人文權輿自漢嚴夫子蜚聲梁苑而兩中  
大夫以文學議論雄擅西京如麟遊鳳翥千載  
猶旦暮也敬輿名臣不以文概自唐而後嘒嘒  
晨星宮諭符卿登壇建鼓其餘擗朽磨鈍皆當



一割余表其最著者若而人志文苑

應垓字文升康僖公季子自平湖徙郡城垓方舞勺康僖與論說史傳語半令懸斷成敗若素習者長而貫綜百家聲籍甚嘉靖乙酉舉應天鄉試第二明年成進士選翰林庶吉士會時宰喚諸翰林不附已出為部寺而垓得刑部主事戊子典江西鄉試程義冠絕一時調禮部尋改翰林修撰遷侍讀進宮諭垓為文善比事屬辭陳誼類情從橫子史經傳而宗本子長詩法泛瀾百家意有獨詣

即明公大家無不傾下之後移疾歸未幾卒所著有蘭暉堂集

宦蹟

吾邑前哲懿伐甲視中原大者持斧斷經國是小亦能抱盈尺牘讞伏決疑聲猶藉藉焉間有鉅卿絕跡竹帛可書而或不能晚蓋然終不以一菁拏也志宦蹟

字宗豫應垓之仲子嘉靖庚戌進士初令弋陽 藉甚擢南臺風裁凜然已遷廬州守視身



軍興浩費更以景府之國郡邑騷然仲律  
省費減他郡十之五歲大稔民多遭稅爲  
出贖錢代償又出積穀數十萬平糶與民所全活  
甚衆其他興學育才銳意風教士民信愛之竟以  
勞瘁歿于官仲律儻有大度事母孝伯兄食貧  
歲倡仲行叔方叔章諸弟捐金助之宗黨故人多  
受惠者至今頌其德不衰